

**SIXTH LEGISLATIVE ASSEMBLY OF MIZORAM
(FIRST SESSION)**

LIST OF BUSINESS

FOR THIRD SITTING ON THURSDAY, THE 18TH DECEMBER, 2008
(Time : 10:30 A.M. to 1:00 P.M. to 4:00 P.M.)

OBITUARY

PU R. ROMAWIA, Speaker at the Chair, Chief Minister, Deputy Speaker,
2 Ministers and 35 Members were Present

1. **PU LAL THANHAWLA** to make references on the demise of :
 - (1) *Pu Vishwanath Pratap Singh, Former Prime Minister of India.*
 - (2) *Pu Ellis Saidenga, Former M.L.A. of Mizoram.*

ELECTION OF DEPUTY SPEAKER

2. Member to elect Deputy Speaker.

DISCUSSION ON MOTION OF THANKS

4. **DISCUSSION** on motion of Thanks on the Address of the Governor to be
(concluded)

SPEAKER : Kei zawng rethei leh pachhe tak ka ni a,
Nimahsela IALPAN mi ngaihtuah thin a:
Nang chu mi tanpuitu leh mi chhanhimitu i ni a;
Aw ka Pathian, rei rial lul suh ang che.

Sam 40 : 17

Hci Obituary kan han nei hmasa ber ang a. List of Business-a lo lang ang khan. Vanduai thlak takin sun tur pahnih kan nei a. House Leader zahawm tak Pu Lal Thanhawla hun hmang turin kan sawm ang a. mahse, a rawn dinchhuah hmam thil puan tur duhawm lo tak mai kan nei that mai. Tukinah hian thuthar lawmawm lo tak kan hre thut mai a. Kan MLA hlui

Pu H.Laltanpuia chu nizan dar 10:00 P.M.-ah khan a thi a, vawiin dar 12:00 Noon-ah New Capital Complex thlanmualah yui liam tur a ni a, Obituary Formal taka kan buatsaih hman loh avangin Member te kan han in hriattir a ni e. Hun remchang dangah Obituary chu ama puai hian kan la nei dawn a ni. Tunah House Leader i lo sawm ang.

**PU LAL THANHAWLA
HON'BLE CHIEF MINISTER**

: Pu Speaker, vawiina helaiah Member zahawm tak lo ni reng tawh thin, kan thawhpui kan thiampa sunna thu sawi a ngai ta mai hi pawl ka ti a. amaherawhchu, khawvela kan awm chhungin kal tur vek kan ni a, vawiinah, helaiah sunna hun remchang tak mit buatsaih sak avangin lawmthu ka sawi a ni.

Pu Ellis Saidenga hi thin Cancer avangin 29th September, 2008 tlai 5:30 PM khan Aizawl Civil Hospital-ah a borat a, kum 68-a upa a ni. Pu Saidenga hi Pu Z.D. Chhawrbuanga leh Pi Saichhingpuii Sailo te fa paruk zinga fatum ber niin 28th April, 1940 khan Christian Hospital, Serkawn-ah a piang a. Kum 1971 July 29-ah P.B. Lalsangpuii D/o P.B. Lalzuala, Dawrpui Vengthar, Aizawl nen innein fanu 3 leh fapa 2 an nei a. Vanduaithlak takin kum 2006 March ni 25 khan a nupui Pi Lalsangpuii chuan a lo borat san tawh a ni.

Pu Saidenga hian Primary leh Middle School Serkawn-ah a zir zova. Lunglei Government High School-ah kum 1961 khan Matric a zo leh a. Hemi kum vek hian St. Edmund's College-ah Shillong-ah zir zawmin kum 1964-ah Assam Medical College Dibrugarh atangin Diploma course a zir zova, kum 1966-ah Diploma-in Pharmacy hi zovin a zirpui Pu H.Thankima nen Mizo zinga zirchhuak hmasa ber an lo ni ta a ni. Kum 1967-ah NEFA an tih thin tana Arunachal Pradesh-a Medical Department hnuaiah a thawk a. Kum khat a thawh hnuin Mizoramah a lo chhuak a. Kum 3 Sorkar hna a thawh hnuin kum 1970 khan Sorkar hna a chawhsan a. Kum 1972-ah Lunglei nitin chanchinbu Zoer chu tichhuakin Publisher leh Editor a ni a. Kum 36 zet he hna hi a thawh hnuin kumin March 19 khan Mizoram Journalist Association Conference-ah chanchinbum kum 60 chunglam chawimawina chanchinbu kum 30 enkawl tawhte tana Mizoram Journalist Association-in chawimawina a buatsaih Prominent Journalist chu Governor-in a hlan a ni.

Ram a vei thin a, chumi rama veina thin chuan kum 1971-ah ram rawngbawlna politics lamah a hruai lut a, kum 1971-ah Mizo Labour Party dintu zingah telin chhim bialah General Secretary a ni a. Human Rights Committee pawl din anih khan chhim lam Vice President a ni a. People Conference Party dintu zingah telin Lungleiah Vice President a ni a. Kum 1978 atanga 1980 chhung P.C. Party President nihna a chelh hawk.

Kum 1979-ah Hnabthial Assembly Constituency atangin MLA-ah thlantlin a ni a. 1984 thlengin MLA nihna hi a chelh a ni. Hun engemaw chen Politics a active taka a inhman tawh hnuin kum 2002 December, 20 khan Congress Party-ah lutin Lunglei District Congress Committee-ah Senior Adviser dinhmun a chelh a, Mizoram Pradesh Congress Committee-ah Executive Member-a thlantlin niin a thihni thlengin Congress Party-ah nihna te heng hi a chelh a ni.

Pu Speaker, Pu Saidenga kha a naupan tet lai atangin mi lungleng thei leh thu leh hla lama tui mi a ni a, hla 30 chuang a phuah a, a phuah tam berte hi lengzem hlate a ni a. All India Radio-ah hla 80 vel a khung a. B-Grade Artist niin AIR chuan kum 1988 khan 'Outstanding Artist, chawimawina a pe a ni.

Mizo hla a lengzem hlaah hla lenglawngte vawnthatna leh humhalnaa Mizo hmalate tih hlabu a siam chu 3rd Edition thleng a siam tawh a ni. Zai leh rimawi ngaina tute tan hlabu rotling a hnutchhiah a ni. Social Work lamah a tui hle a, kum 1973-a chhim lama YMA dintute zingah pakhat niin YMA Sub-Headquarters Vice President hmasa ber a ni. Rimawi leh zai lama hmasawna atan Lunglei Musical Club a din a. Hemi hnua Mizo Zaimi Inzawmkhawm MZI Lunglei-a dintu zingah telin President nihna a lo chelh tawh thin a ni.

Mizoram Journalist Association (MJA) Lunglei dintu zingah telin President-te a lo ni tawh a. MJA atanga Lunglei Journalist Association MJA tia thlak anih hnuah pawh wawi tam tak President a ni bawk. Lunglei High Power Committee (HPC) Member atan term khat ruat a ni bawk.

Kum 1992-ah Mizoram Sorkarin Environment and Forests Department-in Life Warden-ah a ruat a. Term khat a chelh a ni. Mizo tawng hi Academy of Letters Joint Headquarters Lungleiah nihna pawimawh tak tak a chelh hnuin a term thumna atan khan President nihna a borat ni thlengin a chelh a ni. writers Club Lungleiah Patron nihna term hnih a chelh bawk.

August 3, 2008 Pathianni chhunah hun pangngaiin Sande Sikul a zirtir a. Tjai lamah a pum a na a, a luak a, chaw ei khamah a na a lo zual ta a. Kristian Hospital Serkawn-ah dah chhoh niin thisente pek a ni. Hun engemaw chen hetah hian enkawl anih hnuin ni 14.8.2008 khan Aizawl panpui a ni a. A chauh zual avangin Hnabthial Civil Hospital-ah luhpui nghal a ni. Thisente pek anih hnuin atuk ni 15.8.2008 khan Aizawl panpui leh a ni a. Grace Nursing Home Aizawlah dahluh nghal a ni. Hetah hian ni engemawzat enkawl anih hnuin ni 21.8.2008 khan Aizawl Civil Hospital-ah Cabin-ah sawn chhoh a ni a. Zawi zawiin a patna hian zuallam a pan zel a. Ni. 21.9.2008 (Thawhtanni) tlai dar 5:30 khan chatuan ram min lo pansan ta a ni.

Tuna Bio Data ang reng kan ngaihlak atang pawh khan Mizo fate zingah chuan mi ropui tak, mi chhuanawm tak a ni tih a hria theih a. Tin, a interest pawh kil hrang hrang anih thu leh kawng hrang hrangah ram leh hnam tana mi tangkai anihzia a tilang hle. Tin, keini bikte pheh hi chuan kan Party-ah kan hman tangkai em em lai a ni a. A lo juh pawhin kan lawm hle a. A tangkai thei ang berin kan hmang a, a taima a, a rinawm a, chanchinbu a nei bawk a. Kan Party tan a tangkai hle a ni. Tuna hetia a thih hma pawh hian dam lohna avangin ram pawn Hospital-te a pan thin a. Calcutta-te pawh vawi engemaw zat a kal a ni. Amateurawhchu, thatlam a pan theih chuan loh avangin kan lo chan ta a ni. A thawhpuiten kan ngai hle a. Chan nasa kan inti a. A kalsan a chhungte, atu leh fate a lainate leh thian thate zawng zawng kan tuarpui tak meuh a, a kalsan a chhungte atu leh fate Pathianin awmpui turin duhsakna sang ber ka hian e.

SPEAKER : Sawi duh dang kan awm em ? Hun lo pe ila, Pu Lalduhoma

PU LALDUHOMA : Pu Speaker, kan ngaihlak tak ang khan Pu Ellis Daidenga hi Politician nihate, thu leh hlaa tui mi nihate leh Social Worker nihna talent pawimawh tak mai pathum a a nei tih kan hmu a. Lunglei P.C. Party dintute zingah telin President te pawh lo niin Unathbiah MLA te a lo ni tawh a. A hun tawp thlengin Politics a kalsan lo tih kan hria a.

Tin, thu leh hla lamah a in hmanna a rei tawh a. 1961 daih tawhah Shillong Singing Competition-ah pakhatna lo ni chhoih Lungleiah Musical Club dintute zingah tel chho zelin Mizo Zaimi Inzawmkhawm President te pawh a lo ni a. 1995-ah AIR Programme Advisory Board Member-ah te lo ni tawhin hla 80 vel lai a lo Record a. Outstanding Artist chawimawina AIR-in a pe bawk a ni. 2003 khan rimawi khawvel khanin Lifetime Achievement Award a lo pe bawk a. Lunglei MJA President niin Zoen Daily News Paper dinchhuaktute lo niin 1990-ah Mizo Academy of Letters Joint Headquarters Lunglei Certificate of Honour a lo pe tawh bawk a. 2005-ah Mizo Writers Association leh Art and Culture Department tangkawpin chawimawina an lo hlan tawh bawk a. 2005-ah bawk khan Information and Public Relation Department leh School Education Department tangkawpin Certificate of Appreciation for Promotion of Literacy an lo hlan tawh a. Chawimawina vang tak mai 2008 March 19-ah kan Governor kut ngei atangin MJA General Conference-ah Prominent Journalist Certificate pek a ni a. Hetiang chawimawina hi mihring kuma kum 60 chin chunglam leh chawl lova kum 30 Journalist hna lo thawk tawhte chauh ina an dawn theih a nia. Chutiang dawng

thei khawpa contribution a lo nei nasa hi alawmawm em em a. Social Works leh YMA-ahle in hmangin Lunglei High Power Committee-ahle Wildlife Warden-ahle inhmangin kiltinah hna pawimawh tak tak lo thawk tawh a ni tih kan hria a. Talent tam tak nei mi ina mi a lo kalsan ta hi uihawm kan ti a. Ram rorelna atan leh khawtlang nun atana mi pawimawh tak kan chan a ni. A kalsan tak a chhungte Pathianin awmpui zel sela. Ka lawm e.

SPEAKER : Midangin kan sawi leh hmam sun tur pakhat kan Prime Minister hlui Viswanath Pratap Singh chungchang kan House Leader-in sunna thu han sawi leh phawt se. A sawi zawh lamah Pu Saidenga leh V.P.Singh-ate kan la chhonzawm leh dawn nia.

PU LAL THANHAWLA HON'BLE CHIEF MINISTER : Pu Speaker, vawinah mi ropui Political Leader sun tur kan nei hi pawl ka ti hle a. Pu Viswanath Pratap Singh India Prime Minister hlui kan han sun tel ta lo thei lo hi a vanduai thlak khawp mai. Pu V.P.Singh hi Prime Minister hlui a ni tih kan hre theuh a, a thih chhan ber hi Cancer leh Chronic Ventral Failure avanga November ni 27,2008 tlai dar 2:45 khan New Delhi Appollo Hospital-ah a borat a ni. Kum 77-a upa a ni. Pu V.P. Singh hi Raju Bahadur Ram Cropal Singh fapa a ni a. Ni 25 June 1931 khan Allahabad Uttar Pradesh-ah a piang a, Ni. 25 June 1955-ah Pi Sita Kumari nen an in nei a, fapa pahnih an nei a ni. Zama lamah chuan B.A. B.sc LLb a ni a, Allahabad University leh Poone University-a zirchhuak a ni. Ani hi Social Worker ropui tak a ni hawk.

Pu V.P. Singh hi Politics-ah lutin Congress Party a zawm a, kum 1969 khan Uttar Pradesh Assembly-ah Member a ni a, 1971 Lok Sabha Election-ah Uttar Pradesh atangin a vawi khatna atan thlantlin a ni a. kum 1974-76-ah Union Deputy Minister niin Commerce-a enkawl a, 1976-77-ah Union Minister of State-ah hlankai niin Commerce-a enkawl leh a ni. Kum 1980 Lok Sabha 7-naah khan thlan nawn leh a ni Kum 1980-82 hian Pi Indra Gandhi khan Uttar Pradesh Chief Minister-ah a dah a, he hna a chelh chhung hian a bikin Uttar Pradesh chhim thlang lamah suamhmang Dacoits an tih Bandits an tih ang chi ho hi uar takin an che a. Chumi tih reh tum chuan nasa takin hma a la a ni. Hengmi ho hi mipui tan pawh an hnawksak em em a ni. Ram himna leh remna an tibuai a, hetia hma nasa taka an la hi, mipuiin an thlawp tha hle a ni. Amaherawhchu, thiltih harsa tak a ni a, mipui thlawpna hmu tha bawh mah sela, a hlawhchham a ni. A hlawhchhamna hi a hriat avangin a Chief Minister nihna pawh a bansan a ni.

Kum 1983-87ah Minister-ah lakluh a ni leh a, Commerce leh Defence te a enkawl a ni. Pu V.P. Singh-a hian a bikin India rama hnam hnufual te tih changkanna turin nasa takin hmata tu a ni a. Mandat Recommendation anga hnam hnufualte Other Backward Classes te tana Sorkar hnaa reservation tipuitling tura nasa taka nawrtu a ni a, kan hriat theuh angin khang hunlai Khan harsatna tam tak alo thleng nghe nghe anih kha. A hnathawhna kawng hrang hrangah fak a hlawhin Congress Party-ah pawh hming a chher nasa hle a ni. Mahse in hriat thiam lohna avangin Cabinet Minister anihna hlihsak a ni a, hemi avang hian Congress Party anihna atangin a bang ta nghe nghe a ni.

Kum 1987 October-ah Jan March-a Politic Party a din a, kum 1988 November By-election-ah a bial ngai atangin thlan nawn leh a ni. Kum 1988-ah hemi kum hian Janata Dal a lo piang ta a, he Party President atan hian thlan a ni nghe nghe ta a ni. Kum 1989 Lok Sabha 9th-naah thlan nawn leh a ni a. Pu V.P.Singh te Party hian Member 64 chauh an nei a. INC Party puihna avangin ni 1989 15th December-ah Pu V.P. Singh hi Prime Minister 10-na ni tura lakluh a ni a.

India Prime Minister Office hi thla 11 chhung a chelh a ni. Ni 10. 1990-ah Congress Party nen an thawh hona a tawp tak avangin Prime Minister anihna atang hian a bang ta a ni. Kum 1991 Lok Sabha 10-na inthlannaah a tum lina (4) atan Lok Sabha Member-ah thlan nawn leh a ni a. Hemi hnu hi chuan inthlanah a tel duh ta ngai lo a ni. Pu V.P.Singh-a hi Politic-ah active member ni tawh lo mahse, a hnung zuitute nen hian nasa takin thil diklo ni an ngaihah chuat hma an la a, man hial te pawh a tawk thin a ni.

Kum 1998-ah Cancer natna a vei a ni tih hriat chhuah a ni a. USA-ahte leh Appollo Hospital-te panpui a ni a, mipui hmaah pawh a inlan khat ta viau a, kum 2003 Khan a natna te a ziaawm deuh avangin vantlang hmaah hmuh tur a awm leh deuh a. Mahse, a natna hi tihdam mai theih anih loh avangin 27th November, 2008 thai 2:55 Khan Appollo Hospital New Delhi-ah min lo boralsan ta a ni. Pu V.P.Singh-a hian a nupui Pi Sita Kumari nen fapate pahnih a kalsan a ni.

Pu V.P.Singh-a hi Prime Minister anihlalte leh thil dang dang ala chelhlai Khan kan inthelhriat ve a, kan ram kan hnam tan hmuh te a ngai ve thin a, mi biak nuam tak mahse, mi tawng tlem tak a ni. Kum 3 vel kaltaah Khan Mumbai kan kalin, thlawhnaah kan chuang ho a, chutah pawh chuan thlawhna chhungah ralkhat deuh Khan minrawn hmuhin min la hria a, a chak vak lo tih kha a hriat theih a. Dandawi In pan tur a ni a, chibai turin min lorawn pan ve tak tak a ni. Chutiang chuan mifel tak, mi hmelhriat ngah tak mite. nau zawkte pawh min hriat tum tak a ni a, a ni ang mipui India Prime Minister meuh pawh lo ni tawh kan chan ta hi vanduai thlak ka ti a, vawihnah sunna hun

tha tak i siam avangin Pu Speaker, lawmthu ka hrilh che a, a kalsan tak a chhungte kan tuarpui a ni tih he hunah hian kan sawi ve duh a ni. Ka lawm e.

Dr. R.LALTHANGLIANA : Pu Speaker, ka lawm e. Hei, vawiinniah Lunglei District leh chhim lamte pheii chuan kan ui em em mai a, hmang dai thei tawh lo tura kan ngaih Pu Saidenga sunna hun kan nei ta mai hi a lungchhiat thlak hlein ka hria. Ani hi Kolkata Hospital-a a awm lain ka zin lai a ni a, ka zuk tlawh a, nikum nitain ka hria a. Natna hahthlak tak mai tuarin a lo awm a, tiang chuan helaiah Aizawl-ah borai anih avang khan a thlahna hunahthe pawh thusawina ka nei tawh nghe nghe a. Ama nunah hian thil chhinchhiah tlak tak tak pahnih khat han sawi lawk kan duh a, hun hmang rei lo zawngin.

Pakhatnaa ka sawi duh em em chu chhimlampang hi a vei hle mai a. Mizoram hi i vei lo anih hi mawle, Lunglei hi i ti reng mai a, ka'n ti a, keini Lunglei ho chuan. Chutiang khawp chuan Lunglei District hmasawna tur hian a ngaihtuahna zawng zawng hi a hmang takzet hian ka hria a. M.L.A. a nihna hmangte leh M.L.A. anih tawh loh lunu thlang pawhin a chanchinbu hi chanchinbu hmasa lam niin ka hria a. Mizoram Journalist-ah pawh hian a hmasa pawl a sul sutu anih ka ring a, tiang chuan theihtawpa Lunglei District tana kawng hrang hranga hnathawktu pawimawh tak mai kan neih thin kan han chan ta hi kan ui takzet a ni tih kan sawi duh a.

Tin, pahnihnaa kan sawi duh chu thu leh hla lamah miril a tling a ni. A hla phuah hi a belhchian dawl hlein ka hria a. tunlai thangthar tam tak tan hetiang han phuah chhuah hi a harsain ka ring a. Chung kawngah chuan ani hian rohlu tak mai thangthar kalehho zel tur tan a hnutchhiah a ni tih hi vawiinniah he House hian kan hriat tulin ka hria a ni. Vawiinniah hian hun lo tak maia min awm lohsan ta hi kan ui takzet a, a kalsan tak chhungte Lalpa'n awmpuian thlamuan zel sela, tih hi kan duhdan a ni tih hi kan sawi duh a ni.

Pahnihnaah chuan hei kan India President thin, India Prime Minister pariatna Pu V.P.Singh-a kan han sun ta hi a uihawm hlein ka hria a, ani hi Politician ropui lehkha ziaakthiam a tling bawk a. Tin, Poetry tam tak a ziaak a, Hindi leh English a ziaak tam hle a, lehkhabu hi record-a a landan chuan 10 bawr vel hi rotling tak min hnutchhiah niin ka hria a. Nichina kan ngaihtlak ang khan M.L.A. te M.P.-te Union Minister te leh Chief Minister-te lo ni tawh a ni a. Kan Prime Minister ho zingah hian mi tumruh sehbel, rilru

ngialinghet tak mai kan neihte zinga mi niin ka hria a, a ropui ka ti hie a. A bik takin a sulhnu atanga han en leta chhinchhiah tlak em em mai a ni. Pu Speaker, ka'n sawi duha chu B.P. Mandal Commission, hemi OBC tara reservation 27% tipuitling thei ta hi a ropui ka ti khawp mai. Hei hi India-in kan theihngihl ka ring lova, hemi avang hian a hming pawh an phuah thin a. Hei avang hian an tlak phah hial a. Chutiang chuan engpawh nisela, tha an tih chu tlang taka titlang thin a ni tih hi yawiinniah kan hriat a tha a.

Tin, ka sawi duh leh chu India ram Politic hi her dangiam lawih khawpa sulhnu hi a ropuim ka hria a. Hnam hnufualte hi amah avangin kan dingehhuak a, a dodal ber tura kan tih thin BJP meuh pawhin hnam hnufualte zingah an party tan kawng an bawh phah a ni. U.P. Chief Minister atan khan hnam hnufual amahni ami inthlanpui awm dawnah Kalyan Singh a tling thei ta hial a, hei hi chhinchhiah tlak niin ka hria. Rajasthan-a hnam Jat hnam chuan BJP chuan OBC zingah an telh ta hial a ni. A thutlukna avang hian India hmar lam OBC an in tel ruh a, OBC hruaitu lar tak tak an rawn chhuak ta a, e.g. Laloo Prasad te, Mulayam Singh Yadav te, Nitish Kumar te, Mayawati tuna U.P. Chief Minister tihte Ram Vilas Paswan tih mi lian tak takte an lo piang chhuak ta a ni.

Tin, a Prime Minister chhova, tangruat Sorkar din theihnan National Front kha a rawn din chhova, tunhma chuan India ramah chuan tangruat pawl kha a awm lo lem lova, ani erawh chuan hei hi a rawn championpui ta a, BJP leh Left Party ten an pui bawh a. Central-ah khan Coalition Politics kha amah avang hian alo chhuak a, hei hi thil chhinchhiah tlak tak niin ka hria a, an sawi tawh ang khan thla 11 lek Prime Minister a ni a. Chuvang chuan engemaw development liantham chu a sulhnu hmuh tur kan neilo mai thei, amaherawhchu, heng thil thenkhat hi abik takin keini North East te leh hnam hnufualte tan chuan kan theihngihl reng reng loh tur yawiinniah hian min hnutehchiah niin ka hria a. Chuvang chuan India ram hruaitu ropui leh midang dai tak mai he House-in kan sun ta hi a vanduaithlak hie a, yawiinniah hian heng a sulhnu atang hian zir tur engemaw tak nei thei ila tih hi kan duhdan a ni tih hi kan tarlang a ni. Ka Jawm e.

*Speech no corrected.

PU LALDUHOMA

:

Pu V.P. Singh-a sunna thuah hian tawite tal sawi ve lo theilo niin ka inhria a. Lok Sabha 8-naah khan kan awm ho thin a. Finance Minister anih lai khan BOFORS

laipui lei chungchang Scandal lian tak mai khan House kha min rawn nuai ta a. Churah chuan dik nia a hriatte diklo nia a hriatte huai takin a dinpui a, a dinhmunte a chan a, chumi kal zel chuan Janata Dal hruaituah vawh chhoim

National Front Prime Minister-ahte a rawn chuang chho a ni tih kan hria a, khatih hunlai zawng zawng khan keini ang mai mai te pawh mi chhawr tangkai dan thiamin a thil hriat duhte chhui tura Switzerland-ahte pawh kei pawh vawikhat min tir a, ka kal nghe nghe a ni.

Ana chungchangah hian vawiiinniah hian kan hriat reng tlak kan chhinchhiah atana ka duh em em chu hei India ramah Scheduled Caste Order 1950 kha a awm a, kha dan hmang khan India rama Scheduled Caste hnam hnufualte hi Hindu an nih phawt chuan hnam hnufuai chhawmdawlina chi hrang hrang hi an dawng thei a. Kristiana an inleh veleh Scheduled Caste an nihna kha a bo thin avangin kan Missionary-te tan he dan hnuaia Mission Field-a hnathawh chak hi a har em em a. Kristian nih duh mahselangin Kristian an nih ruata an hnate reservation leh an fate tana hamthatna zawng zawng an chan angaih thin avangin mi tam tak an nih loh phah thin a. Chu harsatna kan tawh chungchangah chuan kei pawhin lehkhahu ka siam tawh nghe nghe a. Tichuan Pu V.P. Singh-a te nen hian hei hi kan sawi duh a. Inthlanpui lo awm dawnah khan a Manifesto-ah a rawn dah ta a, ka hriatsual loh chuan. India rama Political Party zingah Sorkarna an chana Scheduled Caste Order 1950 Kristiante tana hnawk tak mai min siam that sak tura Manifesto-a min khung sak tu awm chhun a la ni.

Prime Minister a lo nih pawh khan Prime Minister anga thu a sawi zanah khan hei hi a thusawinaah a lo telh zel a ni. Kan lawm hle a, amaherawhchu, hnam hnufualte tana hma a lak chhoh khan mahni intihlum hial te kha tam tak an lo awm ta a, a Sorkar rei lo nen a duh angin khalai thil kha min tihsak hman ta lo hi pawl ka ti em em a, an party spokeman Pu Jaipal Freddy-a te nen keini party chuan thawhhona thuthlungte siamin Joint Press Conference-te Delhi-ah kan ko a, thawhhona thuthlungte kan siam nghe nghe a, kan duh em em na chhan chu Kristiante hamthatna tur min zawnsaktu anihna kha a ni a. Prime Minister kan neih tawh zawng zawngah he Scheduled Caste Order siamthat min tiam saktu vawiiinni thlenga kan hmuh chhun a la nih avangin keini Kristiante tan hian han theihngihlhi chi a ni lova.

Vawiiina kan sunna niah pawh hian he thiltih a tum ropui tak mai hlenchhuah lova la awmte hi kan rilruah hre rengin. hemi hi chhonzawma, tihhlawhtlin anih theihna turin hma kan lakzui zel hi amah kan sunna niah hian kan hriatzui zel a pawimawh hle a, a chhungte kan tuarpuina thu nen, hengte hi kan sawi lang ve duh a ni e. Ka lawm e.

*Speech no corrected.

PC LALTHANLIANA :

Pu Speaker he rorelna sang taka member lo ni tawh Pu Ellis Saidenga a hun tawp ah a ruang chungah pawh Congress party aiawha a chanchin ka lo sawi, vawiin ni ah rorelna sangbera Mizoram a a puata hun kan hmanah a chanchin sawina hun ka nei thei hi vannei ka inti a lawnthu Pu Speaker ka sawi hmasa a ni.

A chanchin-ah pawl hrang hranga a nihnate kan ngaithla a a nuna chhinchhiah dak kan entawn tur pahnih/khat he House zahawm takah hian han tarlan ka duh a. Politic a loh atangin mi rilu nge/nghet tak, tumruh tak anih alanga, Silaimu leh vauna karah pawh politic-a a thil tum ngeth taka vuan a nih zia a chanchin atangin kan hre thei a. Tin, a damle va, Aizawl panpui a nihin Leite dangah kan in hnu a. A lo chau hlo mai a. chutiang chuan thisen te pek a ni a. Chutiang taka a chauh lai pawh chuan politics ram tana a in pek naah a ti ti ber chu ram leh hnam lam thawhdan chanchin min zawhte a la ni sova. Hetiang mihring hi mak ka ti khawp mai a, a thih dawna, a peih dawn ta lova a in hriatah pawha a chhungkhat laina te leh a fate hnaena a thuchah hi ropui ka ti a. Amah kan ralna inkhawmah a chhungten an sawi a. "Hei vawiinniah ram leh hnam tan ka theihtawpin ka thawk a, ti hi ka ni ta dawn niin a lang a. Engpawh nisela, ka lo tih tawh ram leh hnam tana ka lo pen tawhna te. ka hmabak te chhonzawm tur hian, ka tu leh ka fa, ka chhungkhat unau zawnge zawngte hi ka chah duh che u a ni", tijn a sawi hial a ni.

Tin, a pahnihaah chuan Lunglei Distret Congress President ka nihna hmuais rawn lut a ni a. A nun-a thil chhinchhiah dak tak pakhat awm chu Committee ngai pawimawh mi tak a ni a, a tlai deuh dawn pawha Chairman phone tala hrih thin mi a ni. Hetiang mi hi kan tam lova. Committee ngai pawimawh tak Committee-a ngaihdan frank taka sawi mi a ni tih hi ka sawi tel duh hawk a. Tin, chhim lampang mi a nihna anga, chhim bial lam rilu a dah tlai a, chhim lam hmangaitu ropui tak mihring niin ka hria a. A thil tihna kawng tinrengah, a eizawna Press lamah a ni emaw, Politics a khelhna lamah pawh chhimlam tana theihtawp chhuah mi a ni a. Chhimlam ti chhimtu Lunglei ti Lunglei tu mihring, Lungleiah pawh Prominent Citizen ni phak a ni tih hi ka sawi tel duh hawk a.

A tawp berah chuan, hetiang ang mi hi kan House zahawm tak member, Legislator zingah hian an piang leh ang em aw ka ti a. A thiltih tawh reng rengah chuan Zoram khawvel hriat hlawh a ni pha tlai thij hi mi mak a nihna a ni. Zai lamah a kal a, Pu Ellis Saidenga tih chuan zaithiam tijn min an notice thei a, an hre thei a ni. Zai lamah a tihlai chuan Zoram khawvel a dengchhuak a. Tin, chanchinbu-ah ram tana rawng a bawlnaah Editor anihnaah, chanchinbu a enkawlna kawngah, Mizoramah Prominent Journalist Award mi pathum thlanchhuah zinga a'n tel pha ve ta hi a ropui a. Tin, Politics-a khelhna kawngah Mizorama rochna sang ber, Mizoram Legislative Assembly-ah member a ni pha bawk a. Hetiang taka Zoram khawvela kawng thuma Zoram mipui leh khawvel hriat ni theia mi inpe, mi tumruh mi anihna hi he House zahawm takah hian Pu Speaker, ka'n sawilang duh a ni. Vawiinniah hian ram tana a lo inpeknate leh a lo rawngbawlnate theihngihl chi a ni lova. A kalsan a chhung leh khatte Pathianin awmpui sela, thlamuan sela tih hi ka duh a, he House-ah hian ka rawn au chhuahpui a ni. Pu Speaker, ka lawm e.

PU P.P.THAWLA

Pu Speaker, ka lawm e. Vawiiinah ram rawngbawl-tu pawimawh tak tak te pahnih Pu Ellis Saidenga leh Pu V.P.Singh-a te sunna hunah hian chhim kil ber atangin tawite tai han tibrak ve duh ka nei a.

Pakhatna-ah chuan, Pu Ellis Saidenga hi kumin Kolkatta Hospital-ah treatment a lak lajin Mizoram House-ah reife kan inkawm a. Tin, chumi hmam politics-a ka zuanluh hma pawhin ute vang pawhin Lunglei velah ka lo hmelhriat tawh a. A dam that zer zawr lai pawhin ka lo ti t-pui ve thin a, thingpui in-ah-te min sawm a. Tin, a chanchinbu Zoen hi chhinkil ber atang pawhin kan chhiar chak em em leh kan lo hlut em em a ni a. Kan ti tina thangpuih a rilru a thianghlim hlein ka hria. Ram rawngbawl-na atana a thahnem ngaihnan te, a rilru thianghlim zia te ka phak tawka ka kawm venaah leh ka hriatpui chinah ngaihsan awm tak anihna kha ka theihngilh lova.

Tin, a duhdan pakhat ka hriatring chu. Politics-ah a election system ang zawnga tha thawh vak vak tur ang zawng chuan a rilru a awm lova. Amaherawhchu, a chunga mawhpurhna a lo tlak hunah chuan rinawm tak leh taima taka ram tana inpe mi anihna hmuh theihin a lang a. Chu chu a hnu hma kan hriat chinah, a chanchinbu chhuahna lam atangte zaina lama a hmingthan dan lam atangte leh ram rorelnaa a lo telve chinah hriatring tlak tak niin ka hria a ni. Mi ngainatawm tak, Zopa tak anihna lai kha chhuanawm hlein ka hria. Vawiiinah hian a uihawm ka ti tak tak a. Chu chu ka han tarlang duh a ni.

A dawt lehah Pu V.P. Singh-a hi India ram politics Chair-ah chuan mi chhuanawm tak anihna keima mimalina ka hriat ve em em chu 1996 politics ka lah hlimin Article a ziah pakhat India ram awm ze dan tur atana a rilru inhawn zauzia leh a thirna han thuizia te kha ka tre reng thin a. India ram hi hnam tam takte awmkhawmna anih avangin mahni chi leh hnam nihna anga ro inel hranna neih tur atan te. Tin, chubakah hnam anga hmasawn zel duh mi te tan pawha kawng zau tak hawn saktu anihna kha a sulhnuah a hmuh theih a. Tin, chumi India Today-a ka chhiarah phei kha chuan remark-in 'The Country' tih kha ngun takin ka chhiar a. Ama idea leh chanchinbu miten an lo tarlan sak kha a ni a. India ram map hi atul dan ang chen chenah rin that leh pawh atulzia thu a tarlang a. Politics ka han luhtir leh khatianga chanchinbu ka han chhiar vela ka han hmuh khan, "A, he pa hi chu India ram hmangaihtu leh India rana mi cheng chi hrang hrangte leh hnam hrang hrangte awmdan tur leh mamawh engkim hi a thirna hian a khuh zo em em anih hi", tih ngaihtuahna mi siamsak a. Chuyang chuan, ka principle veah pawh min tihuai hlein ka hria a. Kha kha kan Leader-te zingah a chhuanawm em em na a ni. Chuyang mihring vawiiinah hian kan India ram politics hmasawn zelah hian hmuh tur leh rawn phak awm ta lo hi pawh ka tiin, uihawm ka ti em em a, channa ropui tak a ni tih ka han tarlang duh a ni e. Ka lawm e.

SPEAKER

: Pu Vishwan Nath Pratap Singh, Former Prime Minister of India leh Pu Ellis Saidenga, Former MLA of Mizoram kar ui thute kan lo sawi ta a. Tunah hian

Member-te kan zavaiin thusawiin kan ding vek lova. Amaherawhchu. kan rilru takir kan ui em em vek a ni tih kan hria a. Anmahni sunna kan lantir nan ngawi rengin minute khat ilo ding ang u.

Hei kan Member zahawm tak Pu Thanzara'n chawlh a rawn dil a. Thil pawimawhah ram pawn lama zin turin ticket-te a lo la lawk vek tawh a, vawiin a chhuah ngei kha a tul a. Chu chu kan remti mai em ? Awle, remti maw ? Pu Lalhanzara, Hon'ble Member-in leave a rawn dil House-in a remti a ni.

Tunah chuan kan Business dangah kan kar zel ang a. Hei, vawifinniah hian kan House-in thil thar lawmawm tak mai tih leh tur kan nei a. Deputy Speaker thlanna kan nei dawn a ni. Election of Deputy Speaker, Bulletin Part-II No. ni 16.12.2008 Deputy Speaker thlan tur leh Nomination ti duh tan hriatirna chhuah a ni a. Dan ang takin Pu P.C.Zoramsangliana, MLA, chuan Deputy Speaker atan Pu John Rotluangliana, MLA a rawn Nominate a. Pu S.Laldingliana, MLA chuan a thlawp (Second) bawk a. An Nomination Paper-ah hian Pu John Rotluangliana MLA hian a thawk duh dawn ngei a ni tih a tichiang bawk a. Sub-Rule 5 of Rule 8 angin hun tiam chhunga Nomination kan dawn awm chhun chu Pu John Rotluangliana chu a ni ta a. Chuvangin ani hi chuhtu awm lovin Deputy Speaker atan thiantlin a ni tih ka puang e.

Awle, Deputy Speaker atana thiantlin tha. Pu John Rotluangliana chu kan House Leader zahawm tak leh Opposition lam atangin a thutna lamah han hruai sela.

Hei, kan House-in Deputy Speaker, kan nei ta a, mahni lawnga han thut kha chuan a zamawm deuh a, dam leh hritlan thuah pawh thulchhawktu awm lo tur kha Panel-te kan la ruat mang silova, ka tar tak pawha thlamuan thlakin ka hria. Tunah chuan kan House Leader Pu Lal Thanzawla, Opposition lam atangin pakhat leh Deputy Speaker, thiantlin thar te, th sawina hun pe ila, Business dang kan la neih avangin hun tawite chauhin pe ila. a tha ang e. Ka rawn sawi indawt dan khan kohnawn ngai lovin rawn ding sela House Leader ilo ko hmasa ang.

**PU LAL THANZAWLA
HON'BLE CHIEF MINISTER**

: Pu Speaker, vawiinah House pumpuini lungrual taka Deputy Speaker, kan thlang thei hi lawmawm ka ti a. Proposed-tu leh Second-tu te piah lamah, Opposition lama

kan hotute leh thiante pawhin an chuuhuai lova, anni pawhin min lungrualpui a ni tih an rawn express hi alawmawm ka tiin a puitlin thlak ka ti a ni.

Tin, Pu John Rotluangliana hi tlangval la valai tak a ni a, lehkhathiam a ni a, tute pawh hianin zir tur kan la nei theuh lajin ani hi he House-ah pawh experience nei tawh a ni a, chuvangin thachhang dawltu atan pawh atul ang anga puihbawm che leh chhawk atul pawhin a thiamna/experience leh a fuhhate a tawh ti ka hria a, vawiinah lungrual taka thantlin a lo ni hi thilung leh ti takzetin ka lawmpui a. Tin, a duty/responsibility-te pawh zo takin a hlenghuak chho ang tih ka ring a. Tin, he House zahawmna te, sanctity, dignity kawng engkimah humhalh turin a fel tawh ang tih ka ring a. Tin, chutiang atan chuan kan support-na kan pe a. Kan thutna kan pe a. Tin, hleihnei lovin he House-ah hian min kaihruai ang tih ka ring a. Chuvangin inzabawna nen dikna kengkawh turin he House-ah hian min hruai turin a ting tawh a ni tih ka hria a. Tin, a hna leh a mawhpurhna zawng zawng hlen tura theitawp a chhuahna kawngah chuan Pathian tanpuina ka dilsak rualin helaia kei leh kan hotute hi chuan full support kan pe a ni tih kan hriattir duh a ni. Ka lawm e.

Dr. R. LALTHANGLIANA : Pu Speaker, ka lawm e Vawiinniah kan member zahawm tak Deputy Speaker thar Pu John Rotluangliana kan han nei ta hi thilung taka ka lawmpuina ka hlan hmasa duh a. Ani hi 1998 vela keini pawh MLA-te kan han nihlai khan Minister a ni tawh nghe nghe a. Vawiinniah kan House min kaihruaitu atan kan han thlangtling hi alawmawm ka ti a. Tuntum kan Session chu helam pang atang hian Nomination kan han file dawn emaw kan han ti denhya, mahse, in tarchhuah tur kan han ngaihtuah hian thlanpui nuam dawn riauin ka hria che u a. Hei, kan Speaker leh kan Deputy Speaker zahawm takte kan pawm zawng tak mai an han ni hi hetah hian lawmthu sawi tur awmin ka hria a, ka'n sawi ve duh hrim hrim a.

Tin, Deputy Speaker,-te Speaker-te, kan hre vek a, a lai taka hun kal tawhahte helaiah hian kan House min kaihruaitute an ni thin a, anni pahnih pawh hian min kaihruai leh dawn niin ka hria a, a bik takin kan Deputy Speaker thlan thar pawh tlangval la viak tha tak hawihet pawh za khawvel chanchinte leh India ram hmun hrang hranga thil thlengte, hria leh boruak man khawp kan nei a. Chuvangin felfai takin he House zahawmna te kengkawh: min kaihruai ang tih hi keini pawhin kan ring a. Chutianga thawh theitna tur atan keini pawhin thei tawpin kan tawiawm ang a. Chutiang tur chuan duhsakna tun hunah hian kan hlan a ni. Ka lawm e.

PU LALDUHOMA : Pu Speaker, ka lawm e. Vawlinah hian sawi awmlah anih ka ring lova, kan Dy. Speaker thar hi Chandigarh-a lehkha a zir lain mi In an luah a, ka han tlawh a, a chawhmeh kan han en a, tuisik deuh hlir a lo ni a, engnge i kan ka ti a, a sawi hreh viau na in hmawhte a lo kang a, chu chu a lo sawngbaw ve a, a hmui tui ve khawp mai a. Kan sawi kher duhna chhan chu chutiang anga harsa tak leh tumruh taka vawtin ni rawn thlang chho thei mihring anihna hi mimal takin ka lawmpui a.

Tin, tunhma in helai hmunahle mawhpurhna sang tak lo cheh tawh leh experience tha tak lo nei tawh a ni a. Keini helam a mite pawhin a hnen atang hian nangmah ang bawk a khalaia a thut apianga lai tak leh fair taka tanlam nei lova min kaihruai turin amabah rinna kan ngbat a, chu a mawhpurhna sang tak hlenchhuak tur chuan Pathianin kaihruai sela taksa hriselna nen amah leh a chhungte nen Pathianin theihna pe se kan duh a, duhsakna kan hlan a ni e. Ka lawm e.

PU JOHN ROTLUANGLIANA : Pu Speaker, a hmasa in kan Congress
DY. SPEAKER Legislature Party-ina he post zahawm tak Dy. Speaker ni tura min ruat avangin lawmthu ka sawi a. Tin, vawlinah heti laia House Member zahawm tak ten chuhpuifu awm hauh lova Dy. Speaker a min thlantlin avangin in chungah lawmthu ka sawi a. He House kan vawn ve changa kan enkawina kawngah leh he post zahawm tak kan vawnhimna kawngah theitawp chhuah ka tum a, chumi rual chuan Member zawng zawngte pawh chutiang kawnga min tawlawm a, min pui turin kan sawm che u a ni e. Ka lawm e.

S P E A K E R : Awle, Business dang kan la nei a. Business dangah kan kalzel ang a. Nimin lama kan sawi tawh Governor thusawi chungchanga lawmthu sawina 'Motion of Thanks' sawiho tur a ni a. Tunah hian dar 11:30 a la ri lo deuh a, nitin dar 10:30 leh tlai dar 1:00 atanga dar 2:00 chawlh hnuah dar 2:00 atanga dar 4:00 kha sawi hun kan neih a ni a. Khatiing dan kha kan ti danglam dawn anih chuan House phalna lak hmasak angai a, kan Governor thusawi motion of thanks kan sawiho dawn hian member tin tan hunbi tuk a awm chiah lova, amaherawhchu kan hui neih dan te kan hria a, member tin in minute 5 te sawi ta ila khatiing khan hun in pe ta ila a tha kan ti em le ? Minute 4 ah emaw khan bell kha.....(interruption)

PU LALDUHOMA :chuvang chuan Group Leader-in emaw kan sawi mai ang a. Minute 10-12 vel kha kan in pek dan tlangpu a ni a. A awmtawk vel bak kan sawi biklo tho keini pawhin.

S P E A K E R : A tha kan ti mai em ? minute 10 sawi duh in tam kha chuan kan thim ang nge.

PU P.C. ZORAMSANGLIANA : Pu Speaker, Governor pawn a sawi tawi bawk a, nidanga a sawi thin zawng zawng aiin, mahse a kimchang em em a. Chumiah chuan minute 10 kha pelh loh ni ta sela tupawhin sawi dawn ila a bikin House-a member thar te hi duhsakna chance pe ta la a tha lawm ni aw, kan ti deuh a, chu chu ka'n sawi tel talh duh a ni.

S P E A K E R : A lawmawm e. A sawi rei deuh pawn minute 10 pelh loh tum ila, minute 8 ah emaw warning bell ti ta ila. Tin, Member tharte han sawi ve, House-a han din vawikhatna ang remchangah hman nan pawh a tha khawp mai a. Hei, kan dam ang a, kan Session leh chu Budget Session emaw a ni deuh vung tawh dawnin a lang a tahchuan rei deuh pawh kan la in pe ang a, tun tum chu sawi tul nei kherlo turah inngai ta ilangin. A tawi lam kha chu a pawh miahlo a nia minute khat lek pawh kha. A sei lam erawh kha chu in restrict deuh ilangin. Chutiang chuanin ti ilangin a tha ang e. Kan sawi tak ang khan, chutiang chuan kal ang aw.

Governor thusawi kha House-ah move a ni tawh a, a copy kan nei vek tawh a, sem tawh a ni a. Hei, tunah kan lo sawi tan dawn ta a, mover kha kan han dah tal leh deuh ber ang a, mover kha sawm hmasa teh ang. Joseph Lalthimpuia.

PU JOSEPH LALHIMPULA : Pu Speaker, ka lawm e. Vawiihah Mizorama rorelna sang ber thutkhawm na-ah thusawi theiin hun min siamsak a, a hmasa berin Pathian hnenah lawmthu ka sawi a. Tin, kan party hruaitute leh a bik takin ka bial mipuite, Lunglei East hial mipuite hnenah lawmthu ka han sawi hmasa a ni.

Nimina kan Governor zahawm takina a thusawite kan ngaithla a, ziakin kan nei a. Kha kha zofate leh he House zahawm taka ka member puite hian lawmthu sawina tur hliir kan nei niin ka hria a. Vawiihah hian kan hun neih danten a zir lovah ngai ila, a chipchiarin ka sawi lovang a. Amaherawhchu, a lawmawm ka tihna point thenkhatte chu han tarian ka duh a ni.

Pakhatnaah chuan, kan hnung lawkah General Election felfai, dik leh muanawm tak zawhfei a ni hi a lawmawm a, sorkar hnathawk, dan kengkawhtute bakah zoram mipui, kohraan hrang hrang hruaitute leh tlawmgai pawl hrang hrangte, a bikin MPF hmalaknate hian boruak thianghlim min thlen a, khatiang inthianna felfai leh thianghlim kha India ram hmundangah pawh hian a thleng tawh bik lovang a tih tur khawp a felfai, kan zavaia thawhhona avanga General Election kan nei thei kha lawmawm ka ti a, ropui ka ti hle a, lawmthu kan sawi a ni.

Tin, a pahnihaah chuan, rorelna felfai leh tha, mipui sorkar a awm theih nan eirukna, corruption hi engtikawng mahin palzam a ni dawn lova, langtlang sorkar chu tun sorkar chhinchhiahna 'trademark' a ni dawn a ni tih tarlan a ni ta hi ropui ka ti a. Chu chu a sorkar kengkawhtute mai ni lovia chumi min endikpui tur atana media-te kan han sawm ngante hi a ropuiin a huaisenthlak ka ti takzet a. Khawpui leh Thingtlangah hmasawna ruakhai zawk a awm theih nan thuneihna semzai a ni tur te, kalphung thar tha zawka kan kal theihna tur atan chuan siam danglam ngaite thlak danglam ngaite a awm anih pawhin hleih nei lova huaisen taka thlak danglam anih turte hi ropui ka ti a, lawmawm ka ti a, lawmthu ka sawi a.

Tin, mirethei dinhmun chawikan a, thingtlang leh khawpuih retheihna umbo chu tun sorkarin a tih tur pawimawh leh hmasaber a ni ang tih tarlan a ni te, hemi atan hian New Land Use Policy(NLUP) hman a ni ang a, hun reiloteah chu chuan tharchhuah tam zawk, eizawna ngelnghet siam te, khawpui leh thingtlang a miharsa chenna in mumal neilote tana chenna in sak sak a ni dawn a ni tih tarlan a ni te hi a ropui ka ti a, lawmawm ka ti a, lawmthu ka han sawi a ni.

Tin, a dawt lehah chuan Thalaite khawvel thar siam tur a sorkarin nasa taka hma a lak tur thu tarlan a ni le hi a ropui ka ti a. Eizawna leh hnathawhna lam tak hawn thar anih tur thu te, chumi atana tangkai turin kan zirna education system pawh a tul anga siam danglam, siamthat anih tur thu te. Tin, thalaite tana Youth Commission tih chak leh tih changtlun anih tur te hi a lawmawm ka ti a. Tin, Games & Sports te, Music & Fine Arts te pawh tih changtlun a ni dawn tih tarlan te hi a lawmawm ka ti a. A bik takin Mizoramah kum 40 hnuaillam thalai keimah telin ni nuaitum bawvel kan awm a, hengho tan hian thalaite khawvel thar hetiang a tarlan a ni hi a ropui ka ti takzet a, lawmthu ka'n sawi a ni.

Tin, a dawt lehah chuan sorkar hmasa in bul a lo tan tawhte chhonzawm tlak anih chuan chhonzawm leh tihpuitin hi tun sorkarin a tum bawk a ni tih tarlan a ni a, hengte hian puitingzia a lantirin ka hria a, lawmawm ka ti a. Tin, Project tha tak ropui tak ni tura kan beisei hluitlawn tawh leh hlanchhiah tawh Tuirial Hydel Project te, Referral Hospital Falkawn a mite pawh chhonzawmin bul tan that a ni ang a, Medical Hospital-ah ti lianin a tira ruahman angina hun reilote-ah tihpuitin thuai a ni ang tih tarlan a ni te hi a lawmawm ka ti a.

Tin, nizan, zanrei tawh takah khan kan Power & Electricity Deptt. a Engineer-in-Chief ka bia a, Mizoram in power kan mamawh dante ka zawt a, Mega watt 70 kan mamawh zingah tunah hian mega watt 36 hei hi hydel project kan neih tlemte nen a install capacity-in chutiang chauh chu kan la nei a, chutih mek laia he sorkarin High Power Committee, Committee sang tak din a, Bairabi te, Tuivai te, Kolodyne te leh tuldangte pawh en a, theihtawpa umzui a tum te hi a lawmawm ka ti a. Power tam zawk kan hmuh theihna tur atana nuclear deal, civil nuclear deal hlawk thei ang bera hman anih tur thu hi House zahawm tak Mizoram State-ah tarlan a nite hi khawvel hmundang atana tarlan a mawi leh zahpui awmlo nin ka hria a, ropui ka ti takzet a, lawmthu ka sawi a.

Tin, a dawt lehah chuan World Bank atanga loan kan lak te, PMGSY atanga kawngpui kan siam te, theih ang anga chhonzawm anih tur thu leh chak zawka hengte hi zawh fel anih tur thu tarlan a nite hi a lawmawm hle bawkin ka hria a, lawmthu ka'n sawi a. Mizoram thing leh mau humhalh that a, ruahtui dahkhawh thatna tur atana sorkarin ruahmanna a siamte, tin ruakhai taka kan ram hausakna te mipui hnenah pek a ni ang a, hah taka kan thawhchhuah remna leh muanna yawng nung zel tura sorkarina a theihtawpa hma a lak tur thu tarlan a nite hi a lawmawm ka ti a. Kan Governor zahawm takin he House-a a thusawite hi member zahawm takte hian lawmthu sawina tlak vekah ngai a, lawmthu sawi turin in zavaiin ka sawn che u a ni. Ka lawm e, Pu Speaker.

PU P. P. THAWLA

: Pu Speaker, ka lawm e. A hmasa berin helaia rorelna a tel thei tura chakua min pcty Pathian hnenah lawmthu ka sawi a. Tin, Pu Speaker,

Mizorama MLA scat 40 zinga 20-na Palak Constituency mipui aiawhin member zahawm tak takte Lal Isua Krista hmingin ehibai ka buk che u a ni.

Pu Speaker, Mizoram State Assembly 6-na tha taka bul kan tan theih tak avangin lawmawm ka ti hle a. Tin, kan speaker zahawm tak hi kan lehkha zirna hmun atanga a thu leh hla ka lo ngaihthlak tawh thin leh a bula thu-a ding ve thei ka nihna atangin ka lawmpui hle a.

Hlei, veilama mite hi kan tlem angreng viau a, chuvang chuan duhsak deuh zel nisela a tha hle awm e, tih kha ka han tarlang duh bawk a. Tin, kan Dy.Speaker zahawm tak pawh hi mite hriatpui lem loh hian inchungkhatna riau kan nei bawk a, a thlamuan thlak hie in ka hria a, chu chu ka han tarlang duh hmasa a ni. Kan Governor zahawm takin kan House bultan nana a Address chungchangah pahnih khat han tarlan duh ka neih chu -

Pakhatnaah chuan he State Sorkar a lo din hmasak ber ni, ni 21 kha a ni a, ni 12 khan order a chhuak a. Mite eizawna ka hlanchhiah mlah lovang ka tih mek lain Mizoram State chhunga Autonomous District Council pathumte chungah order chhuah a ni a, engvang ber nge tih pawh hriat lem lovin council 3 te rorelna hi thuang tak leh tha takin a kal mek zel emaw kan tih lain engmah ti theilo turin banned a titawp rih tura khapna order chhuah a ni ringawt mai hi sorkar bul kan tan rual rualin hnam tenau zawkte rorelna hi rabbehin a awm nghal mai dawn em ni? tih ka rilruah a awm a, chuvang chuan pawl ka ti em em a ni.

Krismas/kumthar hun a lo ni dawn tawh a, keini Mara Autonomous District Council-ah pawh aniang a, council dangah pawh rethei awmkhawm mipuite zingah chuan District Council lama sum leh pai chhete awm-ah hian kan inngat deuh vek mai a. Chutih laia a chhan leh vang dang pawh tarlan awm lem lova order chhuah a engkim khapsak deuhthaw a siam tak mai hi.....hei hi chu thil pawl tak niin ka hria a. Hnam tenaute inrabbeh tumna leh in tihduhdahna angah ka ngai a, pawl ka ti em em a. Chuvangin, he order hi a ranglama sut leh ni turin House-ah hian ka han tarlang duh a ni.

Pu Speaker, a dang lehah chuan MPF te Election-ah theihtawp an chhuah a, a lawmawm em em rualin ka lo ngaihtuah ve danah chuanin rufing kallai mekte dona hi a langsar lutuk emaw ni chu aw tih ngaihtuahna mi siam a. Sorkarna kallai mek tih tlak tumnate a ni mai palh em le tih bengchhit vena lam atang chuan ka hriat dan anih avangin NGO te leh MPF te hmalakna a lawmawm rual rualin hei hi chu nakin atan enthat leh a, siamthat leh a tul hlein ka hria a, chu chu ka han tarlang duh a.

Ka bial, Assembly bial 40-naah chuan an chanchin reng reng kan hre lova, tin, an thawm ri va pawh kan hre lova, ka khingpui party chu National Party te, Independent, mi hausa tak takte an ni a, an zalen leh hle si a, kan hah hrep leh nghal a. Chuvang chuan bial thenkhat ngai pawimawha theihtawp an chhuah lajin a then chu min hlanchhiah lutuk a, tu tute emaw chuan kan lo lahpui lutuk niin kan lo hria a. Chuvang chuan a khingbai deuh a hriatna ka nei a, hei hi pawl ka ti em em a ni. Ka bialah chuan candidate dangte an zalen hle a, kan hah em em a ni tih ka han tarlang duh a ni.

Tin, kan sorkar thar hi kan intawmpui em em rualin vawjin kan session tawpni thlang hian Minister invuah kim lova awm ta reng mai hi engnge ni inchuhate a nat lutuk vang nge. tlem remrawma zoram enkawl hnathawh mai tumna nge ni ta zawk tih ngaihtuahna mi siam a. Hei hi kan hriat loh vangte pawh a ni ang a, a hmalama invuah kim a, dawr zung zung theih tura an thutkim vek hi a nghahhlelawm hle a, chulai chu ka han tarlang duh baw a.

A dawt lehah chuan NLUP hi ram mipui tan thil beiseina tisang em emtu a ni a. Amaherawhchu, kan lo experienced tawh danah Mizoram mipuite hi engnge ni a thlawna sum leh pai dawn tih thawm hi kan bengkhawn lutuk a, politices lamah hian kan moral hi min ti khawlo em em in ka hria a. Thawhrinna lam inzirtir leh inhruaina ni lem lova, a hahdam thlak zawnga khawsak theihna kawng inkawhmuhna leh in tawktarh sak hi chu ram mipui nun hi a ti khawlo niin ka hria a. Chuvangin a implement thua pawh strict taka tih ni hram se. Ka sawisel em em pawh nilovin thil lawmawm tak anih ruala a implement thua fimkhur a tula ka hriatna thu kan tarlang duh ani.

Hei Mizoram Power lam kan mamawh em em a. Kolodyne river Hydrel project te pawh tarlan a ni a, a lawmawm e. Mahse, a tenau te te sum tam tak ei ve tur si Project siam teuh teuh ai chuan kan hman sen loh tur Power lichhuak thei Kolodyne Project hi in concentrate tawp mai nise a tha mai dawn lawm ni. Chu chuan nakinah ram pumpui mamawh kan hman bakah tam tak a hralh chhuah theih dawn a tih te kan sawi duh a.

Tin, Hydrel Project siam zingah Tuipang lui Hydrel Project kha Commission tawh a ni a. Mahse, cheng tam tak sen a nih hnuah a tangkai tak tak thei lova. Hetiang lek lek Project te hi kan siamchhuak teuh ang tih te fimkhur thu hlaah kan tarlang duh bawk a. Chuvangin, kan Governor thusawi lawmthu sawi tur, ram tana a awm rual rual khan heng lai point te te han tarlan hian a lawmawm vek lo a ni tih kha kan sawi duh a ni e, ka lawm e.

PU LALROBIKA

: I'u Speaker, Mizoram toraina sang bera thu sawi thei tura hun min pek avangin lawmthu ka sawi a. A bikin kan bial hetiang huna ding thei tura malsawmna min petute hnenah leh Pathian hnenah lawmthu ka sawi a ni. Kan Governor thusawi hi a lawmawm hlein ka hria a. Frame a tar a Department tina Office-ah te han tar mai atan a itawm ka ti a. A bik takin a thu zawng zawng hi chu kan sawi seng lo ang a. Han sawi duh lai ka neih a chu Transport Govt. would be my Government trademark to ensure with the assistance of the media that public money are utilized wisely and judiciously' han tih te hi a Bible ruih hian ka hria a. Hetianga han kal thei tur leh he Govt. han ni tura hi a lawmawm ka ti a. A bikin kan Opposition lam atang khan min lo phurpui viau niin ka hria a. Point 6-naah khan NLUP thu a rawn sawi a. 'Improved and enlarged NLUP' a ropui hlein ka hria. Mipuite nasa takin kan rethei tawh a. Kan retheihna atanga min khai chhuak leh turin he sawrkar hi mipulin an rinna avangin hetiang hun hi kan thleng a ni. Heng avangin lawmawm ka ti a. Chumi piah lamah a engamah hmain a sem chungchangahte kan campaign ho laia a theih loh ang titute ho pawh khan a sem dan an rawn buai tan tlat mai kha a lawmawm ve reng reng a ni.

Tin, NLUP hi kan chhawr tangkai em em tih han belh ka duh a ni. Chutah chuan hei keimi bial Dampa bialah hian 200 ah khan survey ngun taka kan neih danin Serthlumah ringawt nuai 47.38 2007-ah a tam chilin a man chung hian kan lei chhuak a ni. Chu chu kuminah hian engzatnge kan lei chhuah ang tih kan hre hauh lova, nikum ai khan kan thar hlawk dawn a ni. Heng zawng zawng hi tute huan atanga lo chhuak nge eng atanga in din nge kan han zawt chhuak leh dap a, heng zawng zawng hlawhtlinna bul chu NLUP hi a ni tlat a ni.

Vawiinniah pawh hian kan Opposition lam kha an rawn hmanhmawh viau mai a, engpawhnise kan House Leader zahawm tak hovin heng hi nasa zawkin hma kan la dawn a ni tih kha Manifesto ah pawh khan kan lo tel tawh a, kan ti ngei dawn a ni tih kha kan sawi ve ringawt duh a. tin, point 8-na te 7-na te Youth Commission chungchangte leh Education chungchang te kha a mawi ka ti a, a ropui ka ti a, chutih rual chuan point 8-naah khan Tuirial Hydel Project abandoned tawh kan han tinung leh tur te tin, Referral Hospital chungchangte sawilan anni leh ta leh House-ah tih rik anni leh ta hi lawmawm ka ti a. hei hun rei tak chhuahsan a lo ni tawh a, chungte chu engvangin nge a Unit Cost pawh eng ang nge ni ang tia ngaihtuah theih loh khawp a tlawm tawh ni chungin.

Vawiinniah hian hetiang dinmun kan han thleng leh ta hi Pathian malsawmna pawh a ni ang tih karing a. tin, mipuite tan he sorkar zahawm tak hi malsawmna anih theihna tha tak leh awisam tak anih pawh ka ring tlai a ni. tin, a bik takin 9-na ah khan inkalpawhna chungchang sawilan a rawn ni leh a, helaiiah hian improvement under Road sector ah hian item kan belh leh duh a chu Vawiinniah hian West Phaileng - Marpara a neitu hriat lohni a awm ringawt mai a ni. BRTF hoin kan ta a ni tawh love, CPWD ah kan dah tawh e, tih a awm a, tin, CPWD hoin PWD-ah kan dah tawh alawm an ti a, PWD ho chuan BRTF ah kan dah tawh alawm an ti baw a. Vawiinniah hian a buaitlak viau a ni. Chutiang chu anih piah lamah entiman ka bial Parvatui te chu dai a tlak chuan ala kal that ngam loh a ni. chutiang khawp chu kan bial awm dan a ni a. Chutiang anih lai chuan my Government push for urgent improvement under road sector han tih te a mawi kan ti a, bial ang pawhin kan hlimpui ang tih karing tlai a ni tih te kha kan sawi duh a.

Sawi tur tam tak a awm a, a bik takin helai point 10-naah khan my Government considers maintaining Environment and Ecology of our Planet mandatory han tih chhoh te, tin, ramsa te nasa zawka hlim taka an chen ve theihna tur han ngaihtuah te khan a ropui ka ti a.

Tin, Water harvesting chungchangah te, a mihring mai nilo kan lo neih dan atanga mamawhna te han sawilan a ni leh te hi a lawmawm ka ti a, khang zawng zawng te kha a hlawhtlinna beisei takin kan thlir dawn a ni tih piah lamah hetiang kan han sawi hi alawmawm ka ti a. Governor Speech hi a ropui ka ti a, alawmawm ka ti a, hetiang ang thil tha kan han nei te, chu mai piah lamah, a bawhzui thei tu tur a kan han awm te hi a lawmawm ka ti em em a. Chungte chu kan sawi a ni e, ka lawm e.

PU S. LALDINGLIANA

: Pu Speaker, ka lawm e, a hmasain he rorelna dawhkan a thu ve thei tura min siam tu Pathian leh ka bial mipuite hnenah lawmthu ka sawi duh a.

Hei kan Governor thusawi hi vawi 2 vawi 3 ka chhiar chhuak a, lawmna tur hlir ni maiin ka hria a. Vawinniah hian kan hun neih te a tam loh avangin chipchiar taka sawina hun erawh chu a awm lova. point hnih khat lek erawh chu tarlan tul tih ka nei a.

Hei Pu Speaker. a hmasa ber a kan tarlan chak em em a chu, he sawrkar chhinchhiah na tura trade mark lang tlang sawrkar tih tak mai hi a ropui ka ti a, a lawmawm hlein ka hria a. Tin, mipuite mamawh tipuiting thei tur hlemhletna eirukna kan tih, a zung chawpa kan phawk a phoro tur sawrkar a lo piang ta hi a ropui ka ti a ni.

Tin, a pahnhnaah chuan thu neihna insemzai chungchang hi tarlan chakawm hlein ka hria a, hei kan hriat angin Aizawl khaw pawn lampang atang chuan thuneihna insemzaina hi a awm thin loh avangin harsatna tam tak Zoram mipui ten kan tawk mek a, a bik takin Champhai te, Serchhip te, Lunglei, Kolasib te V.C leh Ministry inkar hi a zau lutuk avangin thuneihna hi a neitu dik tak mipuite kutah hian a lut tawk lo a ni tih hi a chiang thin a. hei hi harsatna kan tawh fo thin a ni. Tunah he sawrkar lo piang kan Governor thusawi atanga kan hmuhah hian thuneihna hi a neitu dik tak te mipui thingtlangah pawh a thleng dawn a ni tih han hmuh hian a lawmawmin ka hria a.

Tin, miretheite chhan chhuahna tur atan a project a tak taka rang taka hman theih mai tur a tarlan a ni ta te hi a ropui hlein ka hria a. Tin, chubakah chuan Zoram in a kan mamawh em em Power chungchangah Tuirial Hydrel Project Mg. 60 vel pechhuak thei tura ngaih, hluihlawn lo ni tawh a tak taka chhonzawm leh theihna tur atana ruahmanna siam a ni tur te hi Pu Speaker. a lawmawm tak takin ka hria a.

Tin, chubakah sawrkar liam ta ina hmachhawp tam tak an lo neih te kha tih tlak leh ram tana tha tur anih chuan hengte hi chhonzawm tur a ni tih an sawi te kha thil lawmawm tak niin ka hria, a tawi zawningin Governor thu chah sawi atang khan kan sawrkar ka dan tur a hlimthla chiang takin a langin ka hria a. a lawmawm chauh pawh ni lovin a thlamuan thlak in ka hria a ni. Pu Speaker, ka lawm e.

PU B. LALTHLENGLIANA : Pu Speaker, kan Governor thusawi hi a tawi tek tawk hle a. Amaherawhchu. point pathum/li vel tawi te te han sawi ka duh a. He sawrkar a lo din dawn vote chhiar ni a ruling MLA tling ta te interview kha ka lo thlir reng a, sorkar tha fel dik siam an tum thu member tin te khan an sawi tlang deuh vekin ka hria a, a thlamuan thlak viauin ka hria a. Amaherawhchu, mipui hmaa drama play mai a ni ang tih ka hlau a. chuvangin he ni hmasa ber Governor thusawi kan sawihona ni hmasa berah hian ka'n Sakhithingchunglawn duh a. Interview-a an sawi ang ngei khan he sorkar hi kalpui thei se thain ka hria a, chu chu ka duhsakna nisela.

Kum 1993 inthlanah khan Pathian leh mipuite duhsakna avangin thlan tlin kan ni a, Opposition-ah tum 5 kan awm a, khalai sorkar kaihruaitu baw kha vawina he sorkar kaihruaitu an ni a. An piangthar tawh an ti a, ka lo ral hriat a, Piantharna dik taka piangthar a khatiang ang lova tum sorkar *hi an kalpui dawn a nih chuan kan lo en chho ang a, a theihna lai apiangah kan thawhpui tur ni turah te pawh kan ngai a.* Kum 1993 sorkar kan thir let vang vang erawh chuan hlauhthawna leh beiscina sang tak ka nei lem lo a ni. Hlauhthawna sang tak ka nei a, beiseima sang tak ka nei lo thung a ni. Chuvang chuan kan House Leader piangthar hi a piangthar tak tak ni turah ngai ta ila.

Chutihlaichuan Pu Speaker, tun General Election Kohhran hrang hrangte, NGO te, pawl hrang hrang puihna avanga Inthlanna *felfai leh thianglim tak nei anga kan sawi hi kei ka lo hriat ve danah chuan Pu Speaker, Pathian leh kan hotute duhsakna avangin vawing (5) helai thu tur hian ka lo contest ve na a ni a.* Inthlan naa ka din tawhna zawng zawngah 1989 leh tun tum hi a thianglim lo ber emaw ni aw!! A bawhlhawh ber emaw ni aw! tih hi ka ngaihtuahnaah a awm a ni a, vawihni thleng pawn chu chu ka rilru convince tu a ni. 1989 khan Phuldungsei bialah ka ding a, hel hmangete a kan innuai dan te, pawisa hmanga kan innuai dan te kha ka thilungah a reh thei lova, tun kumah hian, tun tum inthlanah hian ka experience ka rilru tina em emtu chu heti em em a pawisa sem tam lutuk kan hriat hian ka rilru a na a. *Inthlan laia Campaign lai pawha ka sawi tam ber a chu Tuipui ralah hetiang em em a kan moral tichhe tura tun ang inthlan a awm a nih chuan, tun atanga inthlan vawihnih/vawithum a awm a nih chuan mi tam tak tan MLA contest hi a dik lo ang tih ka sawichhuak hial a ni tih, ka hriat dan hi a dik em tih tun tum inthlan a candidate tin te pawisa sem tur a ruling party tena an inpek dan an sawi te hi chhut dik a nih chuan 1st instalment ah nuai 10, candidate tinin an la a, 2nd instalment-ah candidate tinin nuai 5 an la a tih te kan hria a. Chungte chu thudik a ni a. Khangka sem a nih baw si chuan he inthlanna hi felfai kei chuan ka ti thei a.*

Tin, NGO te, Kohhran hmalakna chu a thain ka ring. Amaherawhchu, MPF kan tih te hmalakna hi ngun taka ka ngaihtuah vang vangin hleih nei taka thiltih a ni emaw tih ngaihtuahna ka nei a. Chuvangin kan Governor zahawm takin helaia a rawn sawi chhuah takah chuan MPF pawh an insiam that duhna avangin tlem sawi chhuah ka duh a. General Headquarters in an thu chhuah kan en vang vang a, Election Code of Conduct-in hei hi a rawn quote chhuak vek a, *hei hi kan hriat sa vek a ni. Hetiang hian campaign na min control sela chuan a sualna leh a thatna pakhatmah ka hre lo.* Amaherawhchu, Local Forum ten hemi piah lama dan te sep te te siam a, mi han khuahkhirh a, min control a an thil tih dan tlangpui en erawhchuanin inthlanna kaizelah tih chi a ni em tih erawh hi chu ka ngaihtuahna a ti thui khawp mai. Khaw pakhat (a hming sawi lo ila) chutah chuan Pooling booth ah kal lo na a, School tualzawl kilah kan thiante an lo awm a, ka bia a. chumi ka biak ringawt pawh chu, "Nang kha eng vang nge kha laiah khan i din a, mi i biak reng? min ti a. Candidate te be ngam lo khawpa min control tu hi tunge, *chuvang chuan khatiang ang kha inthlana fel fai thianglim niin ka hre lo.* Chuvang chuan kan Mizoram People Forum pawh hian hetiang hi an ti zel dawn a nih chuan an local unit te thil tih tum dan, an hmalak tum dan hi felfai takin hmalak pui se thain ka

PU HMINGDAILOVA KHLANGTE : Pu Speaker ka lawm e. He House zahawm takah kan hotute duhsakna leh Pathian khawngaihna leh ka bial Tuirial mipuite zar a lo tel ve thei a ka awm avangin lawmthu ka sawi a. Kan Motion tur kha a vai vai chuan ka rawn cover lovang a. Member zahawm tak tak ten an rawn cover teuh tawh bawk a. Tlema zawng kan cover duh a ni.

Pu Speaker, kan hriat angin Mizoram tluchhe mek tungding leh tura Pu Lal Thanhawla kaithruai Congress-in chhanchhuahna hna namon lova ngaihtuahin NLUP kal tlangin, chu chu mipui ten an thilungah thil tak tak awm tur a ni tih an hriat a an pawm avanga he sorkarna lo piang ta hi, ka hma opposition member te khan rin lohna lam khan an rawn sawi naa mipui hian an ring tawh a ni tih Pu Speaker, ka'n sawi duh a ni. Chuvang chuan malsawmna pawh hi Mizoram hian chang ngci turin han beisei ila a dik awmin ka hria a. Good Governance chungchangah khan thui tak sawi lo ila, corruption do nan Vigilance Commission leh sorkar rorel te a kaltuan fel nan Law & Order chungchangah a bikin Police Welfare Commission te din tur a ni tih kha hre nawn leh ila, heng din a nih hi chuan sorkar kalphung kal hmang fel takin a kal thei ang tih ka ring tlat a ni. Tin, chulovah Road Communication Improvement chungchangah khan tam tak sawi lo ila, ka bialah khuan kawng mangan thlak tak a awm kha helai House zahawm tak hi han hrih ka duh a. Bagha to Serkhan kawng khu kal ngaihna a awm meuh tawh lova. Kan sorkar hian a lo la tawh ni awm tak a ni a, sanction engemaw zat te pawh a hmanna hriat mang loh te hi tuna kan sorkar thar hian remchang hmangin a enkawl ang tih ringin kan sawi lang duh a. Tin, an life line tur a an hman Hortoki to Kawnpui te pawh khu, inthlan dawn te khan mi bumna niawm takinbarrel te pawh engemaw zat a zat chiah ka sawi thei lova, an han hung thla bawk takna a, amaherawhchu, awmzia neilo niawm tak a an hriat leh khan an sengkhawm leh a, kawng chu a ngai ngaiin a la awm tho a. Khungte khu kan rilruah awm a. Tin, chuloah chuan Project thi tawh Referral Hospital, Tuirial Hydel Project tihnun leh mai ni lova a nih dan tur anga buatsaih tur mek sawilan pawh hi a lawmawm thu kan sawi bawk a ni. Tin, thalaite khawvel, thalaite hmakhua hi a huam tur chin hi a thui khawp a. 50% aia tam a ni a. Heng hote tuihal leh riltam, awm ngaihna hre lo kan sorkar kalta kha kan han puh dawn nge dawn lo ka hre lova. kum 10 (sawm) chhung khan awmngaihna an hre si lova, chuvang chuan vawimniah chuan kan sorkar thar hian a tihdan, a ngaihna hria, kan hotupa Pu Lal Thanhawla a awm a. a ni ho hian an riltamna te an tuihalna te hi kan chhawk dawn a ni tih kha thalaite kan hriattir duh bawk a. Tih tur tam tak a awm, amaherawhchu, kan Pu berin Zo Sport-ina an kawmnaa a sawiah khan "intiam a rem lova, a tha lova, a tam thei ang berin promotional fund pawh tihpun turah lo ngai ula. Tin, kan mamawh leh kan sawi lar ber Stadium puitling pawh hi thla 6 te an kal meuh hi chuan a din dan zai kan rel dawn nia" a tih te kha kan remind leh duh che u a ni. Heng hi kan ram thalai te riltam leh tuihal tan hian beiseina sang tak a awm a ni tih hi kan sawi nawn leh duh a. Pu Speaker ka duh tawh ang e, ka lawm e.

BRIG. T. SAILO

: Ka phar lai kha Pu Speaker, ilo hmu lo a ni awm e. Pu speaker, hei sorkar thar chak tak mai kan nei ta a. Tunhma thil kal ta te theihngihl ila. Tin, a tha leh a tha lo kan hre vek a. A dik leh a dik lo pawh kan hre vek a. Tihur leh tih loh tur pawh kan hre vek a ni. Tuna kan sorkar thar chak tak hi ka chah duh chu hmanua pathum a awm a, chumi hmang chuan kan ram tan theihtawp chhuah turin ka ngen che u a ni. A bik takin kan House Leader, chu hmanua pathum te chu engnge ni? Rinawmna, Dikna leh Taimakna te a ni. Hemi hrereng hian theihtawp chhuah turin ka ngen che u a. He kan Zoram hi kan khawngaihthlak rei ta em mai. Ka lawm e.

PU CHAWNGTINTHANGA

: Pu Speaker, ka lawm e. Pathian leh kan hotute leh ka bial Chalfih mipuite chungah he House zahawm taka thu ve leh thusawi ve thei tura min siamtu te an nih avangin lawmthu ka sawi hmasa duh a.

Hei kan Governor thusawi hi a bul atanga kan en hian a vai hian lawmna tur hlir a lo ni e, tih mai chi niin ka hria. Chuan kan mover-in a rawn sawi zawng zawng kha ka support a. Kei erawh chuan point hnih khat ka rawn luh chilh ang a. Hun hi a bichilh deuh si a.

Ka bial khi a kai hlai khawp a. Aizawi dai atang hian Manipur border a han chhum a nia. Luipui 4 kan chhoh a ngai a, tlang dung 4 fan chhuah thak a ngai a. Kawng a tha lo em em mai a, a mangan thlak a. Heng kan Governor thusawi ho zingah hian No. 9-naah khan 'My Government will push for urgent improvements under road sector, Progress of Road Projects undertaken with World Bank loans and PMGSY (Road Projects) will be reviewed early to ensure that the projects are completed early' tih hian min ti thlamuang em em a. A bik takin lawmawm ka ti. Tun tuma kan campaign-a kan han kal pawh khan, ka driver phei chuan Phullen leh Luangpawh inkar kan han chho chu hetiang khawpa kawngchhia hi Mizoramah a lo la awm ang tih ngaihna ka hre reng reng lo a ti. Motor chuan huai tak hi ka ni a, amherawhchu, kei pawh ka hlau ti tih nghe nghe a ni. Chuvangin heng kawngte hi tha tak kan Governor-in rang taka min enchhuah saka min siamsak tura a sawi hi lawmawm ka ti a.

Tin, chubakah PMGSY hnuaiah hian Phullen-Daido Road khi an siam mek a. Amaherawhchu, kan lawm tehreng nen, Tuivaiah min dang bul mai a, leihlawn (bridge) zo lovin min hnutchhia a. Khi khi kan tah hla pakhat a ni a. Phuaibuang tlang dung tan khian. Hengte pawh hi kan Governor Speech-ah siam thuai tura a tih avang hian lawmawm ka ti a. Chuvang chuan, ka bial mipuite aiawhin lawmthu ka sawi duh nghe nghe a ni.

Tin, a dawt lehah chuan hei No. 11-ah hian 'My Government shall spare no effort to maintain the hard earned peace and tranquility' tih hi a ropui ka ti a. Ka rilru a la khawp mai. Sawi loh lam tak a ni nghe

nghe a. Tun tumah hian han sawi ka duh a. Hei MNF insurgency avang khan Mizoram hian nasa takin kan tuar a. Mipui kan au a, remna leh muanna kan duh a. kan auva. A Kohhran angin Pathian hnenah kan tawngtai anih kha. Khami tawngtaina chhanna atan khan tuna kan Chief Minister Pu Lal Thanhawla kha mahni inpawt hniamin, anihna dinhmun sang tak pawh kha pailhhlakin, chhuk thlak san ngamin remna harsa takin Mizoramah a siam a ni. Khatianga harsa tak hard earned vision tranquility kha tha takin kan vawng dawn emaw kan ti a. MNF Ministry a lo ding a, an thawh chhuah ni ve tura kan ngaih kha he House zahawm takah ngei hian vawi tam tak sawilan a lo ni tawh thin a nih kha. Kan Aizawl khawpui ngeiah pawh hian remna leh muanna kan nei ti siin mahni In lumah leh khumah pawh thin thiin kan mu ngam lo lek lek a ni tih kha he House-ah sawi fo a nih kha khatianga remna leh muana harsa taka kan hlauh chhuah turah hian theih tawpin kan humhim zel dawn a ni tih kan Governor-in a rawn sawi hi lawmawm ka ti a. Kan sorkar hian a ti thei ngeiin a tum ngei ang tih pawh ka ring a. Chuvangin Zoram mipui zawng zawng aiawhin kan Governor thu sawiah hian lawmthu ka han sawi bawka a ni.

A dawt lehah chuan tuna kan Chief Minister a term hmasa hun chhungah khan HPC Hmar mipuite zingah HPC Insurgency a awm a nih kha kan buaipui leh a, a area chhung a mi te phei chu mangangin thin thiin kan mu thei lova. Tawrhna tam tak a thleng nghe nghe a ni. Khati khan tuna kan Chief Minister hian hun hmasa khan Zoram mipui zingah hetiangah remna a awm lo hi pawt a tiin, remna duh mi a nih avangin remna a siampui a tichuan ramhnuai atangin an lo chhuak a. Amaherawhchu, kha Peace Accord a kha implement fel tak tak hmanh lovinn kan tlak khan a nang ta a. A hnauh MNF Sorkarin kum 10 min kalpui hnain min ngaihtuah mumai hauh lova, awmze neinin min kalpui lova. Hmar mipui te kan indo mai awm mange tih hlauh thawn awm khawpin then darhin kan awm zawka a ni. Chuvang chuan khilai a HPC Insurgency Effected Area ah khian a mangan thlak em em a, tunah hian remna leh muanna an mamawh a ni tih hi an au hla tih a chianga. Chuvang chuan kan sorkar-in remna leh muana siam turin theih tawpin kan bei ang tih a han tel hi khilala remna leh muana duh HPC Insurgency Affected Area mipuite aiawhin kan Governor thusawiah hian lawmthu ka sawi duh bawka a ni.

Tin, ka hma member zahawm tak khan Pu Hawla Corruption case nei ti a mawilo taka a rawn sawi kha pawt ka ti em em a. Ka sawi duh chu kan hotu kal hmasa te zawng zawng te kha a rem leh remlo pawh thlu lovinn case siam sak tuminn inbarh luh tum ila tunge maw case nei lo awm ang le? tih hi ka zawhna a ni ve tlat a ni. Entiman a pawt lovang chu maw! Court-ah ka lo thawk ve tawh thin a, tuna kan Chief Minister case pawh kha vawi tam tak ka lo en chhuak ve tawh thin a. Awmze nei tak case siam sak a ni lo tih hi he House hian hria se ka duh a. Khatianga khan awmze nei lovinn tute pawh kan hotu kal hmasa te kha siamsak duh ila chuan case kan barh lui thei vek ang tih hi ka sawi duh nghe nghe a ni. Chuvang chuan a nihna takah chuan khang case te kha chu khinna tur a awm love. Chuvangin charge sheet hi kan submit lo mai dawn a ni tih tur a nih lai a submit luh hram kha chu tih luh intih mualpho tum hram hramna case niin ka hria tih kha ka han sawi duh a ni.

Tin, a dawt lehah chuan Tuivai Hydrel Project te, Tuivai Hydrel Project te kan sorkar chak tak hian kan chhonzawm hmasak tur zingah khan kan Governor through in a rawn sawi a, a lawmawm ka ti takzet a, khilai ka bial mipuite khian heng Project lo hlawhtlin hi kan nghakhlol em em a. tap chungin kan lo thli a nih kha ka sawi duh a ni e. Ka lawm e.

Dr. R.LALTHANGLIANA

Pu Speaker, tlemin vawin hi ka hmanhmawh deuh hlek a, lam hla kal tur ka nih avangin kan ding hmasa zawk ang a. Hun min pek avangin lawmthu ka sawi duh a. Vawiniah

kan Assembly ah roelna thar Pathian leh mipui te zara kan han chan ni hmasa berah thu sawina hun kan han nei thei hi a lawmawm ka ti a. Kawng lehlahmah chuan helaia member a awm thin tam tak kan thiante hmel kan hmuh loh lajin helaiah member thar duhawm tak takte hmel engemaw zat kan hmu te pawh hi a lawmawm khawpin ka hria a. Tam takte phe chu la inhrelo tak takte kan ni kan vawikhat inhmuhna te, churang chuan a bul tannash hi chuan hlim takin hun hi han hmang ho hrim hrim ila a thain ka hria. Kan Session tawp pawh kha hlim takin kan hmang hovin ka hria. Engpawh nisela, Governor thusawia lawmthu sawina hun kan han hmanna turah hian vawiniah thil thenkhat han tarlan duh ka nei a. a tawi lutuk deuh hlek a ni kan ti teh ang, bul tan nan sorkar thar MLA 30 chuang han la ina kan han kalpui atan chuan a awmlo lampang sawi ta ila sawitur hi a tam lutuk a. Amaherawhchu, in hmanhmawh em mai a, in ziak hman loah te pawh han ngai ta ila, eng eng emaw tlema Mizoram mipui ina kan mamawh em em mai thil thenkhat kan Agriculture policy kalpui dan tur chi tawite tal, te leh mipui hna tak tak ang chi han lang lo laia hi ka rilruah kan khamkhawplo deuh hlek a lawmthu sawi harsa ka ti deuh a ni.

Pahnihnaa ka sawi duh chu a ziak hi chuan mawi tak mai hian thil hi a ziah theih a, amaherawhchu, pawimawh fo a chu hun kalta zawng zawngah te pawh a ni a taka mipui tana sorkar ding kan ni tih kan hriat reng a a taka mipui ina hlawkna kan chhar chhuah kan hnuhma hi a pawimawh hle dawnin ka hria a. Chumi kawngah chuan he a thusawi ngawr ngawr piah lamah hian a pawimawh lai tak chu kan thil tum kan puanchhuah/implement-na hi ni fo sela tih hi vawiniah hian ka duh hle a. In tha viau dawn emaw kan tih lain ni hnih khat lek chhungin sorkar hmasain Mau a tam a, kum hnih chhung kan mangang teh reng nen kan ti a, buhfai a thlawnin kan pek chhuah in ti tawp ringawt mai a. Christmas dawn te a ni a kan ui ang reng khawp mai. Hengte hi chu Christmas zawh lamah te in ti tawp dawn anih pawhin han ti ula a tha mang e ka ti a. A petu kan ni si a, kan hnenah an rawn kal a, chhan dan pawh thiam a harsa ang reng viauin ka hria a. Tin, kan Health Care Scheme chungchang te pawh kan hriat ilan a nih ka ring a, hengte pawh hi thil tha tak mai, kal chho zel sela kan duh a ni tih hi kan tar lang duh a.

Tin, hmalakna thil tam tak keini kum 10 lai kan lo sorkar chhunga kan hmachhawp ang chi ka ngaih pawimawh ang tak tak chi vawiniah hian helaiah hian a lang hran lova, mahse, helama ziak loh pawh hi thil tam tak tih tur kan la nei turah ngai ta ila. Entiman, Education lamah chuan Non-

Voluntary Retirement Scheme kan han tih VRS Scheme-te te ang hi han lang sela, hei hi Quality kan drive-na tak tak tur atana ram in a mamawh tuna Central-a Finance Minister pawh tumhnih ka hmu a, Union Finance Secretary pawh tumhnih ka hmu tawh a, hetiang siam chhuak State Sorkar in nei hi a lawmawm e, an rawn ti a, tunah hian implement theih mai tur a thil kal chho zel pawh hi ngaih pawimawhah rawn nei chho ta ula, a that ka ring a.

Tin, kan Secondary Education, kan High School lampang leh chung lampang improvement-a basic pawimawh tak mai tuna India Sorkar-a North East, Education Minister hovina kan han nawrchhuah ang chite pawl hmalakna pawimawh tak turah kan ngai a

Tin, No. 6-a NLUP chungchang in rawn tarlang a, hei hi tun tum a Inthlanna Pu Speaker i dinglam ami te phei chuanin chakna ber hmanruaa an hman kha a niin ka hria. Rs. 2 in Rs. 1,00,000/- tih kha chu MPF te pawh hian khapna dang chu hria sela chuan, an khap lem lovang, engpawhnise, Lunglei lamah chuan MPF kan awm ve lova, kan sawi ta bawrh bawrh a nih chu. Inkhapna awm takah kan ngai a, heng lo pawh hi mipui hian an thlahlel nasa a ni, an nghakhlel nasa inpek theih thuai te pawh han beisei dawn ta ila, a tha ang e.

Tin, Pu Speaker, sorkar hmasain hmachhawp an rawn tarlang hi lawmawm ka ti khawp mai a, chu chu No. 7-ah hian a awm a. The Youth Commission will be strengthened and its terms of reference reviewed in order to meet the aspirations of the youth tih kan hmu a, hei kan sorkar kal ta khanin Youth Commission hi a pawimawh kan ti a, hei hi Assembly House-ah te pawh kan han sawi a, kan peih fel hman chho va. Mahse, Implement tur chuan hun a awh rei tih kan hria a, hemi in rawn tartang hi a lawmawm ka ti ve hrim hrim a. Sorkar hmasa thiltih that te pawh inrawn ziak nual mai a. PMGSY chungchangte, World Bank a project kan neih ang chite pawh a project hrang hrang ziak lo mahsela.

Tin, Tutrial Hydel Project chungchang No. 8-ah hian Sorkar hmasa khanin harsatna kan tawh deuh hlek hi kan hriat pawh a thain ka hria a. Zoram mipuiin, compensation leh khatiang thil claim pawisa a tam lutuk avang khanin MIFCO khan harsatna an tawh ta a, chu chu chhunzawm harsatna lai kha a ni. Hei hi thehtawpa tan kan lak pawh a tul turah ngai ila.

Tin, Bairabi Hydel Project te pawh hi Sorkar hmasa khan thehtawpin tan kan la a, Eleventh Plan-a chhunzawm turin chhawp chhuah chhoh kha a ni a. In han chhunzawm leh tura kha kan hmachhawp sa kha ka lawm khawp mai. Mahse, helaiiah hian a taka a hlawhtlinna te pawh kan himuh inbeisei dawn ta ila, a that ka ring a.

Tin, a tawp ber a kan sawi duh chu Pu Speaker, hun bul lam a kan sawi ang khanin a tak tak ram a thil lehkha a kan han siamte mi hnena kan han sawi te, Public Adress-a kan han sawi te heng hi a hlawhtlina Zoram mipui te hi bum theih an ni lo a ni. Chuvang chuan, hei hi waviiniah chuan keini Opposition bench lama awm chuanin ngun taka kan en tur a

ni dawn a. Tin, inthlan lait kan Prime Minister zahawm tak te. UPA Chair person te, Central Minister te, Mizoram hmun hrang hrangah an lo kal a. Zalen takin an ni chuan Public Meeting an rawn la thei a, tuman an khap loya. Chu chuan Commitment an rawn siam a. He kan naute Party, Congress party hi a ding a nih chuan engmah hi a harsa dawn lo an ti ringawt mai a kha Zoram mipui tan chuanin kawng leh lamah tun inthlanah nasa taka sorkar phah nana hman tur kha a ni hrim hrim a ni. Amaherawhchu, hei rei loteah MP inthlan te a lo awm dawn a, a tak tak ram a. Khang an thusawi kha chantir a nih leh nih loh hi a pawimawh turah ngai ta ila a that ka ring a.

A tawp bera ka'n sawi duh chu, Sorkarna dinglam a mi ten Pu Speaker an han chelh chhohvah hian thil tih lutuk hi a awm duh khawp mai a. Hei hi fimkhur taka an kal thain ka hria a. Thenkhat chuan a bik takin kan Govt. servant te kan sorkar hnathawktein an ni a nih chuan tia hlauhna lutuk ang chi neia in rik rapna ang hi awm lo sela ka duh khawp mai a. Pathian leh mipui zarah kan sorkar chung khan sorkar hnathawkte emaw, tute emaw sawp emaw ang hi hi kan nei lo hlein ka hria. Thu lai la taka hmalatu pawh nivein ka in hria a. Pu Speaker, hei hi a pawimawhin ka hria a. Result puan a nih tawh hrua sorkarna kan han chelh tawh hnu hian tute emaw inthlan lai a kan Officer lian te an ni a maw, tu pawh nisela khang chung a engemaw kawng hrang hranga an thil tih soal zawnga kan umzui zel a hi kan tih tur niin ka hre lo a ni. Thil tam tak hengah hian dik taka thil dik kan hmuchhuah hma chuanin thil kan tih loh thain ka hria a. Chu chu vawihniah hianin ka in chah duh a. District Council chungchangah pawh kan sawi duh lawk a chu, kan Council hi kawng leh lamah kan sawp lutuk ve thei tlat mai a. Hlauthawng reng reng hian kan siam lutuk ta deuh emaw chu aw tihna ka nei a. Hmani Khan kei pawhin phone te pawhin ka va bia a. Sorkar inthlak veleh maia hlawh chauh mai, a bak hi chu pawisa release loh tur tih an han hria te kha chu a hun lo deuhin ka hria a. Thlamuang takin lo awm rawh u harsatna in nei loyang te pawh kha sorkar thar te chuan han ti ve ula maw le. A tling zawk in ni a, churang chuan heta tute emaw rahbeh tumna ang chi hi he sorkar tharah hian awm lo se tih hi ka duh khawp mai a. Chutiang tur chuan he sorkar hi kal sela tih hi ka thuchah a ni, ka lawm e.

PU H.ZOTHANGLIANA

: Pu Speaker hun min pek avangin ka lawm e. A hmasa berin Mizoram rorelna sang bera telve thei tura min hruaitu Pathian leh kan Party hotute leh ka bial Lawngtlai '97 mipuite hnenah lawmthu ka sawi a ni.

Kan Governor thusawi chungchangah khan kan lawm tlang tih a lang niin ka lo hria a. i vei lama thute pawh khan a thusawiah hrim hrim khan lawm lohna tur a hmu lem lo niin an thusawite kan ngaihthlak atangin a lang a. An hlauthawn awm chhun zawka chu Governor thusawi that ang, a thusawi a lawmawm ang hian in ti tak tak lo path ang e an ti satlah mai niin a lang a ni. Chuvangin, a point hrang hrangte kha a mal te tea luhchih ve ka tum lo mai ang a. Kan lawm tlang a ni tih kha a chiang tawkah kangai a.

Amaherawhchu, thil pahnih chauh han sawi chian ve duh ka nei a. Pakhatnaah chuan Autonomous District Council pathunte sorkar thar a pian rual ruala control hrekbeh an ni nghal hi a dik lo a ni tia rawn sawi i veilam atang te khan an awm a. Chhan neiin a tul tlat avangin loh theih lohna avangin kan hotute hian an ti a ni tih han sawichian ka duh a ni.

Mara Autonomous District Council leh Lai Autonomous District Council-ah chuan a MNF Party-in sorkarna an chelh a, chu MNF sorkarna Council pahniha kan hotute chuan inthlan lai khan dik lo tak, fello tak thianghlim lo takin dan kalhin pawisa tam tak an la chhuak a. A bikin, a chian nan Lawngtlai Lai Autonomous District Council-a an thiltih dan tlem ka han sawi ang e. Lai Autonomous District Council-a kan CEM chuan inthlan hma lawk khan November 24, 25, 26 te khan Employees Pension Fund District Council Staff-te hlawh atanga an thawhlawm, anmahni ta liau liau District Council-ina a la kawl that sak a ni a. EPF chu chu pawisa State Bank of India, Lawngtlai Branch a mi chu khang nithum chhung khan cheng nuai sawmnga installment tiin a lachhuak a. Chu pawisa chu Staff te phalna leh remtihna chauh lo chuan lakchhuah awih a ni lo hrim hrim a ni. Chuti chung chuan Executive Secretary leh a dealing clerk a tihuih tir a. Tichuan, Lawngtlai West lamah leh Lawngtlai East lamah cheng tam tak inthlan lai khan an sem ngei niin kan hria a ni. Chutiang angte chu thil awmdan a nih avangin leh Mara Autonomous District Council-ah pawh chutiang tho chu thil thleng a nih avangin kan hotute hian enfiash ngai a ni an ti lo thei ta lova. Chuvanga hetiangna han control hi an ni a. Kan hotute hi an rilru a thianghlim a, a dik a, a lai em yang zawkin Chakma Autonomous District Council Congress sorkarna pawh an phuar tel zawk a ni. Chuta tang chuan a awmzia a chiangin ka ring a, tin, sum diklo taka thethhang anih mai piah lamah khan District Council pahnihte huam chhungah hian contract lem sem te, appointment lem siam te a tam em em mai a. Tin, Model code of conduct-in a barred tawh hnua posting and transfer te pawh a tam hle a ni. Chung zawng zawngte chu siamthat ngai tih dik ngai a nih tlat avangin kan hotuten hetiang hian thianghlim tak, felfai takin dan ang takin hma an la a ni zawk a ni tih kha Pu Speaker i veilama mite khan chhungril tak an hriat sa a ni bawk a, zep lo mai se a thain ka hria a ni.

Pahnihnah chuan, Pu Speaker, NLUP chungchang hi kan sawi ve duh lawk a. A thlawna pawisa sem a tawh lo a ni he policy hian tih hi i veilama thute hian an hre reng a, haider lui tlat lo se kati a ni.

Retheite, kuthnathawktute, dawmkanna tur, chawisanna tur, bul tanpuina tur, hnathawk theia siam tur atan he policy hi duanehhuah a ni zawk a, chutiang ang tak chuan kan hotute hian an kalpui dawn a ni tih pawh hi vawlinah hian kei tehluh pawh hian chiang takin ka sawi ngam a ni. Kuthnathawktutein an thawh rah tun kum 10 kalta chhung khan an tel hlei thei lova, chu chu kan hotuten pawian ti a. Sorkar tharah chuan kuthnathawktuten hna hlawk zawk awmze nei zawk an thawh theihna turin bul kan tan pui ang a, an thawhrah an seng ngei theihna turin kan ngaihtuahpui ang e, kan en zel dawn a ni an ti a ni.

Cheng nuai khat hi a thlawna sem tur a ni lova, awmze nei takin instalment-a pek tur a ni dawn zawk a ni tih pawh kan tlangzarh nasa tawh a, kan hotuten an sawi nasa tawh a. Mipuiin an hria a ni. Chumai piah

lamah chuan kan sawi belh leh duh chu he NLUP hi Central sorkar lam atanga kan hotute pawhin an thatzia an hriat chian em avangin hemi atan sum mamawh zawng zawng chu Central sorkar lam atangin kan rawn tum sak vek dawn che u an ti a ni. Chuvang chuan, i veilama thute chuan inti tak tak lo palh ang e, tiin lo hlauthawng tawh suh se tiin kan chah duh bawk a ni. Pu Speaker, ka lawm e.

PU K.S.THANGA : Pu Speaker, ka lawm e. A hmasain he House zahawm tak ka thut theihna tura kan hotute kaltlanga he hmuna min dahtu Pathian leh Sateek bial mipuite hnenah lawmthu ka sawi duh a. Vawiiniah hun tha tak mai kan nei hi ka lawm a ni. Vawihnih kan contest-na Sateek bial kha ka rilruah a la awm deuh a. Chuvangin kan sawi sual a ni. Aizawi South III tih zawk tawh tur a ni e. Pu Speaker.

A hmasa ber nia kha kan dinglam thute kha mak ka ti a. An thusawi ka lo ngaihlakin mangchhia mangang mai an niin ka hria . Han inchhan ve pawh a nuam lo hle naa. Pahnih phei chu an khua asik nge ni. Damdawi an mamwh nge ni, an sawi zo a, an chhuak ta mai a. Kan sawi ve te hi han ngaihla ve se athat tehluul nen, an chhuak ta daih a. Engpawhnisea, sorkar a inthlak a tunah hi chuan sorkar thar tha tak mai a ding a ni tih kha hria sela a thain ka hria a. An sorkar an ti emaw an la ti a ni awm mang e aw! Ka ti a. An direction a kha kan hotute kha pek an la tum hlein ka hria a. An sorkar kha a zo tawh a, Sorkar thar kha he ramah hian a ding a ni tih kha an hriat atan a pawimawhin ka hria a. Thlamuang takin awm sela tih a kha kan sawi duh a.

Nia, hei a point kan sawi hmam MPF te, khatiang thil chi hrang hrang kha rawn sawina a awm a. Hetah hian kan Governor Speech point 3 naah hian hei hi tun inthlanah hian kan ram Pathianina min chhanchhuahna a ni tih hi Mizo mipuitena kan pawm tlan a ni a. Vawiinah hian kei

pawh, 2003 khan MPF hi lo ding tawh sela, he House-ah hian 2003 pawh khan ka thut tawh ka ring a. Chuvang chuan a lo ding tlai hi mi tam takin kan tan har phanna zawk a ni a. Chuvang chuan hei hi Mizoram tan Pathianin min pek a ni tih hi a dotute hian Pathian an do a ni tih hi an inhriat a pawimawh hlein ka hria a.

Tin, hei kan Chief Minister case chungchangte an sawi a. Chief Minister mahni leh mahni case insiam a, mahni case inpe ngam a ni zawk a, amaherawhchu, chu chu a huniaia chingfel thei a nih laiin duh lovin tiang hian vawiin thleng hian a kal a. Amaherawhchu, sorkar hetiang a lo kal ah hian a sorkar in a timuang chang lui tlat a. Keini lamin case hi chingfel turin, titawp turin kan nawr a, khangte kha thil mak tak mai a ni a. Mizo mipuite hian heng hi an hriat a hun tawh a. A case siamsaktuten case tih tawp an ngam lo a, a case neituin titawp a nawr a. Chu chu vawina kan dinhmun hi a ni a, Mizo mipuite hi dawt a hruai a hun tawh lo a, dawt zirtir a hun tawh lo a ni tih he House kaltlang hian Mizoram mipuite ka hriattir duh a ni.

District Council chungchang chu nichinah fiah takin kan ngaithla tawh a. Vawinah hian an tih dikloh rah an seng mek a, dik tak leh tha taka ro an rel chuan tha takin kan hotuten ro an rel dawn a ni tih kha lo inhria sela, he sorkar hian ram mipuite rawng a bawlnaah hian hleih neihna in ro a rel dawn lo a ni tih hi vawiniah hian kan hotute Mizo mipuite hmaah an tiam a ni tih kha kan sawi duh a ni.

Sawi tur a tam avangin Pu Speaker, a point pangana atang hian kan tan mai ang e. Tam tak a awm a, ka sawi seng lo, a rawn move-tu sawi kha a zavai khan tha ka ti a, ka thlawp a, hemi point 5-naah hian kan sorkar Trade mark tur chu Good Governance, Transparency Government a ni dawn a ni tih hi mi tena he sorkar thil tih an hmuh a, an lang tlang a an hriat ve pakhatmah thup awmlo tur hi sorkar thianglim leh tha leh chak leh mawhphurhna la zo a ni dawn a, chumi hmingah chuan sorkar good Governance sorkar tha leh fel tih a ni ang a, chu chu vawiniah hian Mizo mipui ten an beisei a ni a, chu chu kan Governor Speech hi a rawn thailan hi ropui ka ti a. Tin, a paruknaah hian Mizoram mipuite nghahfak, rethei mahni eizawna rahbi tleu tawh, mahnia intungding thei tawh lo te an dinhmun siam sak turin he sorkar chak tak hian hma a laksak dawn a, bul a tan sak ang a, rahbi a tuk sak dawn a ni tih vawiniah Mizo mipuite hnenah sorkar thar lo dingin a rawn puang leh hi ropui ka ti a, hei hi keimahni State budget mai ni lovin Central, Prime Minister special package atangin chung chu kan House Leader zahawm tak leh chak takin hei *hi min sutlang sak dawn a ni tih hi Mizo mipui te hian beiseina nen lo thir tur pawhin* kan chah ve duh a. Chuvangin vawiniah hian retheite chhanchhuahna Jubilee dar kan vua a ni tih hi Mizo mipui ten kan hriat nawn leh a pawimawh a ni.

Tin, vawina ka lawmna em em chu rethei te hmangaihna avanga Chief Minister mittui tlaa thusawi thei kan nei hi khawvel dangah hian an awm lovin ka ring a. Pathianin amahah hian thil tum a nei a. Chuvang chuan vawinah hian rethei te tan kan ram hruaitu hian hun a pe dawn a ni tih hi Mizoram mipui ten kan hriat a pawimawh hle a ni. tin, hei thalaite tan point 7-na hi khawvel thar a inhawng dawn a ni. Thalaite tan hian infiamna lamah te zirna lamah te tin, khawvel danga kalna kawngah te eizawna kawng zawna kawngah te tunah hian kan

thalai te tan hian kawli a eng a, rahbi thar kan la hmuh ngai loh khawvel thar he sorkar hian a tiam a ni tih kha, he speech-ah hian a lo lang a, hei hi a lawmawm ka ti hle a ni.

Tin, Pu Speaker, a hnuhnungberah chuan ka bial chhungah Referral Hospital leh World Bank kawng sorkar hmasain kum 10 chhung a lo tih hlamchhiah tawh, a bul tan tu ber Chief Minister a lo ding chhuak leh a, he bial tan a thutiam a, Sateek bial ni thin Aizawl S-III lo ni ta mipuite mangan na leh tumte thlira an lo thir tihhlawhting tur a he Governor speech a a lo lang hi ka bial mipui te Aizawl S-III aiawhin lawmthu ka sawi duh baw a, vawiniah hian sawi tur tam tak a awm a, Mizo mipuite leh a bikin keini Aizawl S-III mipui ten beisei taka kan lo thir kum 10 chhunga beiseina thamral tawh a kan ngaih kha vawinah hian beiseina kawli eng kan lo hmu leh hi kan lawm takmeuh meuh a. Chumi min tihhlawhtim sak tur Chief Minister chak tak kan nei a, hei Hydrel project

chungchange tin, tunlai khawvelah a audate tan mek tih lai a, Nuclear power hmanga Mizoram, Kawiphe thiltihtheihna Electric sian chhuah hial pawh tihet tur Central ah pawh a, huhang nei hotu kan nei a. chu chu vawinah hian Governor Speech-ah hian an rawn tilang hi lawmawm ka ti a, vawinah hian heng sawi ve thei a hun ka rawn hmang hi ka lawm em em a ni tih kan sawi duh a ni. Pu Speaker, ka lawm e.

S P E A K E R

(1955 10)

: Kan hun hman dan tur en hian vawinai chu chawhma lam chuan kan zo hman dawn to niin a lang a, hun hi rensak vak che u pawh ka tum lova, amaherawhchu, minute 10 kha a rei berah kan tih kha erawh chu vawn hram kha tum tlang ila. Tunah hian Pu K.Lalrinthanga'n han sawi leh sela, chumi a sawi zawh lamah chuan recess mai ila a tha awm e. Tunah Pu K.Lalrinthanga ilo sawm ang.

P U K. L A L R I N T H A N G A

: Pu Speaker, hun min pek avangin ka lawm e. Tin he hmuna ding theia min hruai thlengtu Pathian leh kan hotu te leh ka bial mipui te. min thlang thlengtu te chungah lawmthu ka sawi bawk a ni.

Sawitur ka nei teuh a, amaherawhchu, kan MLA Chalfih bialtu te khan an lo sawi tawh a, sawirik nawn leh kher pawh a ngain ka hre lova.

Hei Governor zahawm takin thu a sawiah khan ka thilung la tak tak a awm a, tun tum kan inthlanah khan MPF te khan hma an la a. nichina sawi hmasatu thenkhat te khan MPF te hian thenkhat tin theihna tur atanah hma an la a ni chu aw tih ang deuh te khan an rawn sawi in ka hria a. keini ang duang chuan MPF te hian hma la lo ta sel a inthlan hun tak hi campaign hian kan thir zo lo ang a, tih hi keima ngaituahna a ni.

Pu Speaker, keini chu Serlui bialtu ka ni a. Serlui bialah chuan kan mitten an hriat danah chuan Rs. 70 lakhs atanga Rs. 100/- lakh inkar MNF lam atanga hman theihna tur atana ruahman hman phalsak an ni tih kha kan hriat dan a ni. Chumi chhuzawm leh zelnaah chuanin Inthlan dawn ni 30 khan Vairengteah ka kal a, State veng a kan mi leh sa pathumte chu an rawn kal a, chuta an thu rawn sawi chu hei vawinai Rs. 200/- theuhin an rawn sem tawh a, Inthlan niah Rs. 300/- theuh kan rawn sem leh ang a, MPF in report zel tur an ti si a, kan report chuan an puang zar anga pawisa hi Inthlan niah kan dawng leh si lovang tih kan hlau va, ergtinng e kan tih dawn tin min rawn sawm a ni. Chutiang ang dinhmun karah chuan keini bialah chuan kan inthlang a. Amaherawhchu, MPF in nasa takin hna an thawk a, ruaitheh loh tur te an ti a, hman tam takah leh lampang chuan Ui an talh a, khaw khatah hman ngaah te an talh a ni. Chung chu keini chuan kan ti ve thei lova, khatiang karah khan MPF in min veng a, a tawp kan thleng ve thei hram a, an zarah

inthlanna muanawm leh fel fai leh lamah chuan keini chuan kan nei thei a ni tih kha kan tarlang duh a. Helaiah hian kan Governor zahawm tak kha MPP te hmalakna zarah tiang hian inthlanna muanawm tak a rawn tarlang hi lawmawm ka ti lakzet a ni.

No. 5-naah kha hetiang hian a inziak leh a. 'Good Governance' For this corruption at any level of governance will not be tolerated from day one, a ni khatna atangin a ti a ni. Hei hi lawmawm ka ti a, a chhan leh avang chu hei kan Chief Minister hi kum 10 chhung thubuai siam sak a ni a, kum 10 chhung a sualna an zawn a, pakhatmah an la hmu zo lo a ni. Kum 10 chhung sualna zawn sak political Leader Mizoram ina kan neih chhun sualna hmuh zawn loh kan nei a ni. Chu chuanin sorkar hi min kaihruai dawn a, Sorkar tha leh selfai thianglim kan neih theih ngei ka beisei a ni.

• Speech not corrected.

PU LALDUHOMA : Pu Speaker, point of order. Hei hemi chungchang hi House-ah kan sawi kan sawi mai a. A thu lam a kha kan sawi dawn lova, Dan kan nei a, Sub-judice thil hi helaiah hian kan sawi lo tur a ni lawm ni? Kan House zahawmna hi vawn a tha em tih point of order ka raise mai a ni, kan rules i en ang u.

SPEAKER : Ka ding tawh a, ka din chuanin Member kha thu rawh u. Nia hetilai thil hi khawlai ti ti ang hian kan kal pui zel a. Subjudicial thil anga pawmna leh politic lam thil anga pawmna hi a kalkawp dan a intiat ruau ruau a. subsudicial thil anga pawm hianin mi tam tak hian hlawkpui dawn lovin an inhria a, politic lam thila han kalpui hianin hlawkpui zawk dawn a inhriat avangin he House zahawm tak politic sawina ni bawh siah hian a ri leh mai thin a. churang chuanin khang lampang kha chu tuman tuna tang chuanin tih rik loh i tum ang u. Sub-judicial ah i ngai ang u tih kha member zahawm tak te ka chah duh che u a ni e.

PU K. LALRINTHANGA : Pu Speaker, ka lawm e. No. 6 - ah khan 'for this, an improved and enlarged New Land Use Policy' tih kha 'will soon be done throughout the state' tih a ni a. NLUP hmasa-ah khan kan bial chhungah chuan kuhva te an ching a. Nikum chhungah ngawt pawh nuai 42 an thar tawh a ni, Bilkhawthlir ringawt pawh khuan. Vairengte ka sawi lova, an khaw chhehvel ka sawi lo. Bilkhawthlir ringawt khuan kuhva atangin nuai 42 NLUP an chin hmasak atangin an thar tawh a ni. Kuminah hian tlein an thar tha leh sawt dawn a, a pung zel dawn a ni. Tunah khuanin chin belh leh an chak a, a ching theilo tantak te khan chin nawn leh an chak a, midang thar tawh te ang khan thar an chak a, helaia kan Governor ina NLUP hmanga hmalakna tur, tihlenna tur a rawn sawi hi kan bial mipuite aiawhin lawmthu ka sawi a ni.

Congress Party a rawn lut pakhat chuan hetiang hian thu a sawi a, 'Vawk hi tih takzeta vuh ka tum a, NLUP hmangin miretheite harsatna kan dawmkang ang in tih avangin Congress Party-ah ka rawn luh phah a ni' a ti a. Chutiang chuan kan mipuiten beiseina tak neiin helai hi an thlir a, kan Governor thusawi-ah hian ka lawm takzet zet a ni.

Tin, kan bial mipui tena an beisei nasat em em chu Turial Hydel Project hi a ni a. Helaia tarlan a lo ni leh ta hi lawmawm kan ti a. Khulai atang khuan mi tamtakin inhlawhna te, hnate hmu thei turah an inngai a. Chutih rual chuan Electric pek chhuahna hmupui a lo ni ang a, anni tan Electric kalkawngah a hui chhia tih te alo khat ang a, a lo hnai deuh tawh a, chutiang chuan beiseina sang tak an nei a, lawmawm ka ti takzet a ni.

Tin, No. 9-ah khan 'My Government will push for urgent improvement under road sector' tih kha a in ziak a. Kha kha Serkhan to Bagha road tih kha kan han kal chhova, Congress sorkar laia metal sian tawh kha kan han kal chuanin thlangra tiat vel hi km 1 velah hian hmuh tur a awm zeuh zeuh a, helaiah hianin 'urgent improvement' tih a awm hi lawmawm kan ti a. Chuvang chuan helaia kan Governor in House-a thu min han hriattir hi lawmawm ka ti a, Pu Speaker, ka lawm e. (* Speech not corrected.)

S P E A K E R : Brig. T. Sailo anga sawi tawi thei vek kha chu ni ila nichinah khan kan zo tawh ang a. Tunah chuan chawhma lam kan chawl tih ang a, chawhnu Dar 2:00 ah kan chhuzawm leh ang, chawl ang u.

2:00 PM

S P E A K E R : Governor thusawi 'Motion of Thanks' sawi kan chhonzawm zel ang a, chawhma lama kan sawi tawh ang khan member 12 in kan sawi tawh a, 10 minutes kha a tam thei ang bera hun hawn kha a ni a. Minute 8 ah bell kan ti ri a, tunge phar tawh kha? Pu R. L. PIANMAWIA ilo sawm ang.

PU R. L. PIANMAWIA : Pu Speaker, ka lawm e. Vawinah he House zahawmtakah Pathian leh a hmanraw hrang hrangte leh bial mipui Tuivawl Constituency-a member zawnzawngte hnenah lawmthu ka sawi duh a. Vawinah hian kan Governor thusawi-ah hian keini bial tan phei chuan a lawmawm leh zualin ka hria, lawmthu sawitur tamtak kan neim ka hria a. Tem tarlan ka'n duh chu a hmasa berin 'Hmarthimpui zanghaw bungbut hnan' tiha awm kan ni a. Kan retheihna pawh a nasa in, ei leh bar chungchangah pawh kan harsa em em a. Buhhar lo khua tamtak kan awm a, chutianga dinmun chhe taka kan awm chung pawhin chhanchhuak turin he Governor thusawiah phei chuan NLUP changlung zawk hman a nih tur hi kan lawm a. Tin, kan House Leader zahawmtakin min hrih tawh a, a sem hmasakna ber bial turah min tihsak tawh a, kan lawm tak meuh meuh a.

Tin, Road Sector - ah khan kawngpui chungchangah Highway No. 54 kan neih mek laia East Phaileng-ah tan bun a, a piah lampang Highway a kan lo kalpui thin kha tihtawp tur a nih thute kan lo hriatin kan lungngai em em a. Chuti chung chuan he Governor thusawiah hmalakna tur duhawmtak tarlan a ni hi kan lawm tak meuh meuh a ni. Khi bial mawngping tia sawi theih leh kan lo ngaihtuah tawh thin chu hmalak mekte chhonzawmna Tingmun PMGSY a laih mek te leh la hmabak tur tamtak Zohmun-Bagha Road, Mauchar kalilanga hal tur te ti thei tura Governor thusawi atanga lo lang hi a lawmawm ka ti tak meuh meuh a. Bial aiawhin lawmthu ka rawn sawi tak meuh meuh a.

Tin, kan sorkar kalta in ruahmanna a lo siam tawh chhonzawm a nih tur thu te kan ngaitla a, lo ruahman tawh Darlawn lununa KHUMLOHZAWL ah 5th IR Battalion hmun tur lo ruahman tawh te tipuiling tur zawnza Governor thusawi a lo lang ta mai hi lawmawm hle in ka hria a. Kan bial tan chuan a thlamuan thlak em em in ka hria a. Chuvang chuan, he Motion hi ka thlawp a ni ti sawi pahit lawmthu ka sawi tak meuh meuh a ni e. Pu Speaker, ka lawm e.

PU K. LIANTLINGA

: Pu Speaker, ka lawm e. Vawinah hian Mizorama rorelna sangbera thusawi theia hun ka nei hi ka lawm a. Tin, hemi hmuna min hlangkai tu Aizawl South - I mipui zawng zawngte leh Pathian chungah leh kan Party

hotute chungah lawnthu ka sawi a. Vawinah hian Governor thusawi hi a vai chuan sawi ka tum lova, mahse kan Governor thusawi chungchangah hian a point pangana atang hian han tan ila, a hma a mite hi chu thuhma tepawh a ni hlawn a. Hemi good governance tih chungchangte, transparent government tih te leh decentralisation tia an sawi hi kan sorkar tuna mi pawh hi a lo pianna chhan pawh a ni awm e. Sorkar tha kan manawh em em a. Tin, sorkar tha nitur chuan heng transparent, langlang sorkar kan nei a ngai hle a ni tih a chiang a. Hengah hian thil harsatna tamtak kan ram leh mipuite hian a tawk thin niin a lang a. Chungah chuan kan sorkar hian Law & Order chungchang thuah a kalpui dante, khatiang thil tamtak sawi tur a awm ang a. Tin, mipuite hriat loh chi thil tamtak awm te, henga Governor in a rawn sawi hi a lawmawm hie in ka hria a.

Tin, R.T.I Act hnan chungchang thu - ah tepawh hian duhthu a sam tawk thin lova, heng decentralization chungchang thuah tepawh hian thil zawng zawng mai centralised a awm thin hi a pawizia a tilang chiang em em ani. Tahchuanin sorkar leh mipuite pawhina kan thil hriat duh te tlang taka kan hriat theihna tur atan te. thuneihna kan sem sawm chungchang thuah tepawh hian kan Officer te thleng pawhin a niang. Tin, kan Ministry tepawhin thil purhmawm lutuk lo deuta ka a tha awm mang e tih tepawh ka n sawi duh a.

Tin, a parukna-ah New Land Use Policy chungchang thuah tepawh hian kan lo beisei dan ang te leh kan lo thir dan ang te leh mipui hriat dan ang ah chuan kha Rs. 2/- peka Rs. 1,00,000/- nei mai theih ni tepawh khan a lo lang a, khang kha Rs. 1,00,000/- kha engtikah nge an pek dawn ? Pek theih chu nise a tha hle dawn a. Amaherawhchu, an pek danah tepawh khan mamal deuh zawka nuahman a, heng High Power Committee te, Authority te siam chungchang thuah tepawh hian mahni maia Ruling ten siam lova, thatak leh uluk taka an kalpui tepawh hi a that hmel in ka hria. Tin, NREGS hi a sawilang lem lova, Central Policy anih vang tepawh a ni a, hengah hian thingllang khua harsa tak tak tepawhin helai ni 100 inhlawhna thuah te hian harsatna an lawh nasat hi a tih hlawhtlin ran theihna tur atan tepawh han sawilang tel sela chu a tha hle in ka hria.

Tin, hei kan thalaita chungchang thuah point 7-na ah hian han sawi ka duh chu hei statistics ah chuanin thalai employment, September a in register hi 40542 niin ka hria a, khang ang chi tepawh kha eng angin nge hna an zawn dawn tih chu beiseina nen lo thir phawt mai ila. Tin, Youth Commission chungchang thuah te heng thalai tih hmasawmna tur chungchang thute, thalai khawvel din chungchang thuah tepawh hianin a thusawi hi chu a tha hle in a lang a. Tin, chungah chuan a tih hlawhtlinna tur atan erawh hi chuanin tuna kan sorkar lo ding chho mek hi a pawinawh hle dawn a. Hengah hianin langlang sorkar kan nei chu a ngai em em a ni. Tin, thuneihna in sem sawm pawh kha thil ngai a ni hle in a lang a.

Tin, a point 8-naah hian Hydrel Project chungchang thu tepawh a rawn sawi a. Tuirial te kan tih changtlun chhohna tur chhunzawmna tur te, Referral Hospital te an sawi chhova. Helai hian point pakhat ka'n sawi duh chu Bairabi chungchang thua hianin a rawn tarlang a. Helai hi thil inkalh a awm em aw ka ti a. Ka hriatsual loh chuan tunah hianin Central Project in 52 kms Bairabi atanga Sairang thlang hi Rel kawng rawn chhunzawm tur angin a lang a. Chutah chuanin Rs. 51,90,00,000 lai kha ruahman nin ka hria a. Chutah chuan helai Bairabi Hydrel Project chungchang thua hianin leh Rel kawng chungchang thua hianin a inkalh mai awm mang e aw ka ti a. Chulai hian chuanin hei pawh hi Prime Minister Office atanga monitoring pawh hi tih tur awmin ka lo hria a. Hemi chungchangah hian kan Governor zahawmtak thusawiah hianin Central Sorkar hmalakna leh tuna State Sorkar hmalakna tur hi a inkalh em aw tih kha zawhna hian tak awmin ka hria a.

Tin, point 9-na ah improvement under road sector a ti a. Hemi chungchang thua tepawh hianin Aizawl khawpui chhungte hi kawng a tha lova. Tin, kan inkalpawhna te pawh hi a tha lova. Tun aia chakzawka hmalak tepawh hi thil tul tak nin alang a. Hengah hianin thil ngaituah tur tamtak a awm dawn a. Chungah chuanin a tih hlawhtlinna tur chungchangah hian kan sorkar ten hmalak tur a tam hie a. Hei hi kan Governor hian a sawi liam mai ang tih hi ka hlau em em a ni. Chungah chuanin a tihlawhtling tur Ministry lo piang chho tepawh hianin tih takzeta beih a ngai a. Kha kha mipuiten kan lo thir dawn a. Tin, hei Opposition lam atang te pawhin kan lo thir ang a. Chungah chuanin mipuite hmaah khanin thil dik leh diklo te chu lang mai tur ni tepawhin a langin ka hria.

A tawp berah chuanin Good Governance tih te, Transparent Government tih te, Decentralization chungchang thute kan hria a. Heng hianin kan ram roelna tunhma-a awm tawh, kal tawh thin zawng zawngte kha han thir letin heng ang hi a taka implement chu ni selang chuanin thil hlawhtling tak, sorkar thatak, Mizoram mipui 1,00,000 chauh hi tha takin a kal a rinawm a. Chung ang chu a thlen thin loh avangin vawinah hianin kan ram leh mipuite hian harsana kan tawk nin ka hria a. A thusawi thangpui hi chu thusawi thatak nin ka hria a. A tihlawhtlinna lamah erawh chuanin kan hotu ten mawphurhna nasa tak an nei dawn nin ka hria a. Hengah hian tan la deuh deuh a, dikna leh rinawmna, tih takzeta nena hma la turin ka duh a. Kan Governor thusawi tepawh hi tih hlawhtlin ngei nise ka duh takzet a ni. Ka lawm e.

PU C. RAMHLUNA

: Pu Speaker, ka lawm e. Vawinah he House zahawmtakah thusawi theihna hun Pathian leh Lawnglai West Constituency mipui ten min pek avangin an chungah lawmthu ka sawi a. Vawinah hian Governor zahawmtak thusawia lawmthu sawina kan nei hova, ka sawi hmain District Council chungchang tukin zinga kan sawiho kha han sawi lawk ka duh a. A chhan chu engemaw chenah keimah nena relate na awm angin sawi a ni a,

kha kha ka han sawi Chiang duh bawk a. Kha thil CEM, LADC in pawisa a lo draw ni anga an sawi kha a mimal takin hriatna ka nei lo hle a, kan bial khu a zau khawp a, khaw 62 kan nei a, tlangdung 3 vel a awm a, Bungtlang/Kawnpui han pelh thlak chuan tute mah kan in be thei tawh lova, kar 2 chhung vel kha tumah contact thei lovin kan awm a, khaw 15 kha ke a kal ngai a ni a, ka tlawh chhuak vek duh bawk si a, chuvang chuan a hahthlak angreng viau a, tuma tlawh pawh lovin ka awm a, ni 14 thia Lawngtlai ka chhuahsan kha ni 28 ah Lawngtlai-ah ka rawn chho leh a. Chuvang chuan keima mimal takin engmah hriatna ka nei lo a ni tih kha he House zahawmtakin min lo hriatpui a tha in ka hria.

Henga thawm an awm tak hnuah hian CEM tepawh kan contact a, kha pawisa lo draw chhuah nia lang kha Employment Provident Fund atanga a puka puk a ni a. 1% interest in an lo puk a ni a. Chu chu Election nena a in kaithnawihna a awm kei chuan ka hre lo a ni. A chhan chu personal ground-a a puk niin a sawi a. Tunah thawm a awm tak hian a pawisa pawh a dah let leh vek tawh tih thu min rawn hriatir a. Chuvang chuan member zahawmtak tak ten Election expense anga an sawi kha engmah a awmin ka hre lova. Rinhleth thu ni main alangin ka hria. Chiang deuh bleka hei hi han sawi ka duh a ni. Tichuan, chumi chungchang thua rinhleth thu avanga District Council a kut thlakna lo awm ta hi a pawl ka ti a. Chu chu ruling party tepawhin min hriatpui atan tha in ka hria.

Ka'n sawi duh chu hei LADC hi an duhsak zawk mah emaw tih turin order hi a chhuak nghe nghe in ka hria a. Helai order-ah hian Appointment leh Promotion te Lai leh Mara District Council chhunga ni Chakma thlengin an ti tawp vek a. Chubakah Financial Transaction pawh tih tawp anih rualin LADC ah chuan salary leh administrative expenditure an phalsak lawi bawk si min order-ah alang a. Chuti anih chuan LADC hian duhsakna a dawng zawk emaw tih khawpin order hi a awmin ka hria a. Chuvangin, wawina LADC Allegation a sawichhuah kha hemi order nen hi chuan a inkal emaw chu aw tih turin a awm a ni. Lehlanah chuan a lawmawm hle zawkin ka hria a ni.

Kan bial khu mi an cheknawk em em a, chuvangin, election pawh a hahthlak a, kan thiante ho phei chuanin sum leh paite an inseng viauin ka hria a. Congress candidate phei chuan Sonia leh Manmohan Singh an lokal ang a, nuai 40 min rawn pe dawn, chu chu ka sem dawn tihte kha hmuntinah a tlangau pui a, ka kalna apiangah an lo sawi a. Independent Candidate pakhat phei chuan ka in lei tling dawn e te a ti a (Interruption) Sorry, kha kha ka lo tisual anih chuan ngaihdam ka dil e. (Speech incomplete due to mic failure).

S P E A K E R

: Kalo tisual a ni e a tih kha ingaidam ang u, i sawi zawm tawh lo ang u.

PU C. RAMHLUNA : Agriculture sector hi sawi a hlawh lo hle in ka hria a. Tih an tumlo chu niin ka ring lova. Mahse, Agriculture sector hi tihlen a tul hle in ka hria a, ka bialah phei chuan ramtha a tam a, hei hi improve a, leilet a la siam loh tepawh han siam belh a, buh tam zawk thar theih nise a tha in ka hria a. Kan buhthar pawh FCI nen pawh in contact ta ila, leitir theih dan tepawh a awmin ka hria a. Chuti anih chuan man tam yawk kan lo hmu ang a, kan buhthar neih pawh kha FCI atang khan mipui hnenah kan sem thei dawn te pawh min a hria a. (**SPEAKER** : Titawp tawh rawh, a theih tawh loh, minute 12 a kal tawh) A nih leh ka lawm e. (* Speech not corrected)

PU T. T. ZOTHANSANGA : Pu Speaker, ka lawm e. He House zahawmtak hma-a thusawina hun min han siamsak avangin a hmasain lawmthu ka sawi duh a. Tin, helain ding thei tura min chhawpchuaktu kan Party hruaitute, Champhai North te leh ka bial mipuite hnenah lawmthu ka sawi bawka ni. Sawitur a tam khawp mai a, kan Governor hian a rawn chhawpchuak tha ka ti a, faktlak hi chu fak mai turah ka ngai a. Kan Opposition lama kan hotu thenkhatte, engengemaw an sawi hou-ah an chhuak mai a, lung an ti leng angreng khawp mai a, han sawiho ila a that tehluul nen ka ti a. Kan Governor thusawi hi lawmawm tih douh mai ka nei a. MPF chungchang hi a ropui ka ti a. MPF avanga inthlanna mumal leh felfai tak kan nei hi state dangte pawhin tha an tih leh entawn tlak an tih a ni a. MPF alo chhuah dan hi ka rihrui a lo chhui a, kan Governor in a rawn sawi hi a tak tak khawp mai a.

Mizoramah hian kan ralmuang ta lo khawp mai a, sumdawng mite an ralmuang lova, zin veivakte an ralmuang lova, kan Pastor meuh tepawh an awmna hmunah an ralmuang lova, chutihlai chuan Mizoram dinhmun hi kan Pathian mite leh kan thlarau miten, a mipui nawlpui hian a thalo tih an hria a. June Ni 11, 2006 phei kha chuan rampum huapa tawngtaite pawh kan nei a ni. Tin, ni 40 tawngtaite kan nei a, Zoram tu chhe tawh lutuk siamtha tur a mipuite in pekna leh intel khawmna kha a nasa em em mai a ni. Chutihlai karah chuan tunhma-a kan lo inthlan tawhna kum 2003 kuma kan lo inthlan tawhna te kan hre bawka si a, kan mipuite lu a hai a, hrehawm an ti a. Chuvangin, kum 2008 inthlanna hi hetiang renga kan hmachhawn anih chuan harsatna hian min tlakbuak dawn a ni tih an hria a, chuvangin MPF hi an din min ka lo hria a.

Kum 2003 inthlanna tlem han sawi let ka duh a, kei chu Champhai a ka awm a, a sensitive area-ah ka awm a. Inrukbo te, inthah te, in vaute, inpawngsual te, ralthuam man te, khatiang larna hmun atanga lokal kha ka ni a. Khilalah chuan kan thaw dep dep mai a ni. Inthlan hun hi kan huphurh a, hrehawm kan ti a. Engtingge kan hmachhawn ang? Engtingge CRPF lam atangin Central lam an rawn kal thei ang em? tihte kan ngaihtuah a. Hetianga harsatna chitireng kara hun kan hman lai khan MPF hi vanneihthlak takin an rawn chhuak ta hlahb mai a. Pathianin a mite Choak-a alo hrai tawh ang khanin a hun takah Mizo mipuite kan mamawh min rawn pe-ah kei chuan ka ngai hmiah mai a, ropui ka ti a. Anni avang hian Mizoramah inthlanna mumal tak kan nei niin kan hria a.

Tin, kan member thenkhat ten an rawn sawi ang khaan MPF kha an demna lek lek te kha a awm niin kan hria a. Mahse, Mizoram chhinnlamah MPF awmlahna hmunah sawn kan ti tha zawk a ni. MPF kha hnawkan ti a, mahse an awmlahna lam a mite kha an chetchniatna daih zawk a ni. Kha kha kan rilru in lo hria se ka'n duh bawka.

Tin, tun kan inthlan hi a felfai kan tin lawmawm kan ti a. Mipuite pawhin MPF leh kan MPF hruaitute, kan khawtlang hruaitute tan lakna leh kan vaia thawhona a ni e, kan tih mek rual hian tunah hian, yawiini ngeiah pawh hian Press Conference an ko ni te pawh hian kan hria a. Pawi ka ti khawp mai a. Kum 1989-ah tu bawm emawni Chaitiang khamah a lum tawh an ti a. Khami a lum ti tute khaan tunah EVM hi an han sawisel leh a, hlawhtlinna-ah hian kan hlawhtling thiam anih chuan kan tla thiam tur a ni. Kan tlak apianga sawisel tur kan zawng anih chuan kan puilling loyang. Ram hruaitu nih hi kan tlaklo a ni. Khalai tak kha kan rilruah awm a tul khawpio ka hria. Chutihlai karah MPF in a hnathawh te lo sawisel lo sawisel tur hi chu kan ni lemlo a ni tih kha ka'n sawi duh a.

Hei, Champhai hmunah te phei hi chuan Joint Platform ah tepawh khaanin MPF hotu tena ruahmanna felfai tak an neih, kar khat lai notice feltak min pekna hmunah khaan khatih laia ruling te kha an lo kal duh miah lova, kha khaanin mipui tanrualna leh mipuiin theihtawp kan lo thawh vena te, sorkar tanpui kan tum ve na te kha a ti khingbai in ka hria a. Kha kha ka'n sawilang ve hram duh a. A ropui ka ti a, hei kan Governor in helajah a rawn sawi a, MPF in an hmalakna te, NGO ten nasa taka an thawhrimna azarah Pathian in a ni duh a rawn thlang chhuakah kei chuan ka ngai a. Ruling lam kan nih laia theihtawp a tang a. Opposition lam kan nih huna til pheuh pheuh thin kan ni ang tih tepawh hi a bula atang hian ka hlau khawp mai. Awmzui zel sela, khua a har lo deuh tur tihte kha ka rilruah a rawn awm a ni.

Tin, keini lam ruling lam te chuanin Mizoram in kan sawi tamtak zing ami 'Change' kan ti a, rorelna-ah theihtawpa thawhchhuah kan tum a. Tin, kan thalai tamtakte hianin Mizoramah hian inthlak thlengna tamtak kan duh a, roreltu lam hi kan inthlak a ngai a ni tih ang deuh thawh nasa takin an au a ni. Chutih lai karah chuan keini party chuan rorelna-a awmlai nilo mi 30 chuangzet a chhawpochhuak a, kha pawh kha ropui ka ti khawp mai a. Tunah hian Pathian leh mipui zarah kan tin chhan tepawh hi mipuiin an duh anga beiseina sang tak keimahn ah an neih vang niin ka hria a.

Tin, helajah No. 5 na-ah hian helai hi ropui deuh tih ka nei a. 'Corruption at any level of governance will not be tolerated from day 1' a ti a. Anikhatna atang hian corruption hi kan tolerate thei dawnlo a ni tih kha kan Governor zahawmtak hian a rawn sawi a. A in anglo khawp mai. Kan sorkar hmasa kha han sawi mai mai ila, bank rawk in bul an tan a. Chiahpuam in an tawp hmak mai a ni. Kha kha kan dinhmun a ni a. Khamite nen kha chuan kan inanglo hrim hrim. Tin, han chhiar zawm ila 'system changes some of which may be considered revolutionary', a tul anih chuan mipui thamna leh kan ram ina a thatpui dawn anih chuan

kan bulak thei dawn a ni tih a rawn sawina a ni. Tunah hian kan ram hi siamthat tur a tam lutuk a, tamtak siamthat tur a awm a, tuna kan hriat chhuah leh kan hriat chhuah zel tur tepawh a awm. Khaih lai karah khan a tul chuan kan a ngam tur a ni tihna niin ka hria a. Helaiyah hian a ropui ka ti khawp mai. Dikna avangin kan at huai a ngai a, tunlaia mi diktak te chu a tih te pawh kan hlawh a. A tul chuan he kan sorkar hian at hi a pawl ti dawnlo, mipui leh he ram tan chuan tih ka rawn sawi duh a. Helai hi ka pawm khawp mai, pui ka ti a, kan sorkar lo neih tawh thin a reflect in ka hria. Nichinah kan member zahawmtak Khawbung bialta khanin in sawi ang hian in awm ang em? Rin in harsa, corruption chungchang ah tihte pawh kha a rawn sawi a. An sorkar laia an pute tawngkam kha an lo ringlo thang tawh a, khami ang khan ni main ka hria. Tin, kan lo en dawn che u an ti a, helai hun reilote chung pawhin hei kan en dawn che u ti chungin an han chhuak ta phauh phauh mai a. A theih hram chuan Assembly-ah hianin awm kim hi ka duh angreng khawp mai.

Tin, helaiyah hian a rawn sawi bawk a 'My Government give top priority to the alleviation of the poor in villages and urban areas' a rawn ti a. Rethi kha a ngaisak dawn bik zia kha a rawn sawi a. 'Sawr fu tlak kan ni tawh lo' ti tuten min rep char a, khalaiah khan theihtawpin tunah hma kan chhawp leh chho dawn a ni. Tunhma chuan MNE hi kan lo tan thin a, kan ram leh Pathian tan tiin hma an lo la tawh thin a. Khami avang khan thuitak kan lo pui tawh a. Amaherawhchu, kum 10 an han Lal a, Zuntei nu siam ang che tih ang chiahin kan hun hi a la awm si a. Chuvang chuan, kan Governor zahawmtakin hetiangamumal taka feltaka thu a rawn chhawp chhuak hi ropui ka ti a, ka thlawp a ni, ka lawm e.

PU LALTHANSANGA

:

Pu Speaker, hē House zahawmtak - ah thusawina min pek avangin lawmthu ka hrih a che. Tilai hmun min huai thlengtu Pathian leh Hrangturzo mipui min thlang thlengtute

chungah lawmthu nangmah kaltangin ka rawn hrih a che. Hei, vawinah Governor Speech hi kan han sawi a ni a, a point hi han enila, point 12 a ni a. Hemi Point atang ringawt pawh hian kan christian zia a lang ringawt mai a. Hemi bakah hian kan thilunga christianna lan tir a ngai hle dawn niin a lang a. Hei, a point 2 na-ah chuanin thuhmahruai leh lawmthu sawina a ni a. A palina-ah hian Ministry formation, hei vawinni thlengin kan langhak a ni a. A inbeisei chin deuh phei chu in thaw ring hle thin awm e ka ti a. Chutiang chu a ni a. A dang point 5 na leh 10-na inkar hi chu kan sorkar thar duhawm tak maiina a hmalakna tur a ni a. Tin, 11-na leh 12 na hi chu memberte kan awmdan tur te, ngenna leh krismas leh kumthar chibai a rawn tihna a ni a. A thu hi a ropui hle mai a. He thusawi hi he lehkhawp mai hi a ni lova, kan Constitutional Head, kan Governor thusawi a ni a. Keini Opposition lan hi chuan ihian kan vawngtha tlak mai dawn a ni. A chhan chu hemi mila budget hi lokal turah kan ngai dawn a ni a. Chuvang chuanin hei hi keini tan chuanin kan vawngthat tlak tur a ni a, kan hmalan hun atan a pawimawh dawn hle a.

Hei, point 5-na atanga 10-na inkac hi han en vang vang hian 'Transparent Government' tih te a ni a. Hetiang te hi ropui hle in ka hria a. Transparent kan han tih hian langlang sorkar kan ti a. Hei, tun Election-ah hian an han sawi an han sawi a. Kan expenditure pawh hi a tam tham hlawn hle mai niin ka hria a. A engamah hma hianin kan expenditure report kan han theihuh atang hian hetilai point 12 kan han tihna, kan christiana nen hi chuanin inkalb hi a awm nghal em aw tih hi ritru-ah chuan alo lang nghal a. Chuvang chuan, diklo hi kan hmang ngam tur niin ka hria a. A rikhatna atangin hei kan do nghal a ni a, corruption chu a zang chawpin kan pho ro, kan pawl phawi ang a, kan pho ro leng dawn kan tih rual hian yawmah kan expenditure report han en hi chuan Election Commission ina cheng nuai 5 chin a tih hi chu kan excess em aw tih tur chu awm nghal hian ka hria a, chumi chu kan ngam tak tak em tih tepawh kha ka zawl tel duh a. Thikha biang hi a ni mai a.

Hei, NLUP tepawh hi a ropui em em mai a, Rs. 1,00,000/- kha krismas bazar nan an rawn duh ti tih nghal tawh a, campaign lai kha chuanin kan Prime Minister zahawmtakte, kan Chairperson Pi Sonia te leh kan Minister tamtakte khanin an rawn sawi a. Tin, helaiia kan campaigner te, kan hotute pawh khanin Arunachal-ah chuan 75 crores an sanctioned e an ti a. Hei, soon will be launched an ti a, hetiang te hi a ni kan dahlova, englik hunah nge niang 'soon' han tih hi eng hi nge hun min han pek dan tih laite hi hria chakawm hle in ka hria a. Hetiang laia te hian Arunachal te chuan 750 crore an hmu nghal mai kha a ni a. Kemiah hian ziblan loh a ni a, a sum lampangah ziblan loh arah avangte hian a hun tur tepawh hi a rang lampangin UPA sorkar chung khuain he special package hi tih ngei nise tih tepawh kha ka han ngen a ni a.

Tin, a pakuana-ah hian han kal leh daih ila. Hetilailah hian World Bank Loan hmangte-a kawng kan siamna tur PMGSY te, hemi chungchang ah hian keini tephei chu kan bial Hmunzawl te khi ke in darkar 3 1/2 keipawh hi ka kal a ni. Tuichang atang khian. Nghawngkawh area em em te hi kan lo la awm a. Chutihlai chuan inthlan laite khan a free lutuk mah mah emaw ni chu aw tih turin Hel silai tha tak tak keng kan hmo tih tepawh kha an awm nawk nawk a. Ka kal tur hun tepawh ka'n han postponed nawk nawk a ni a. Eng engemaw incident duhawm lo deuh te chu a awm a, khitilai khi micro-observer dahna hiala ngaiin hmun hnih Saifulak leh Lungkawh tepawh a awm a ni. Tiang chuan kan sorkar ruahmantu ten feltakin an ruahman a, engmah harsatna chu kan nei lemlo chu a ni a.

Khitlanglai hmunah khianin kawng tepawh khi an mamawh em em mai a. Hei, kan sorkar a vur kuma sorkar MLA pawh hi an tam hle mai a, 32 lai an ni a. Chumite chuan a rawn tlakbuak ve ngei turah kan ngai a. Tin, Tuikum lei tepawh hi kan House Leader zahawmtak hian tum engemawzal a lo tih tawhah khian an la mangang hle reng a ni mai a. Kan han tangte chu ngatinge aw kan ti a. Chuvang chuan kat House Leader zahawmtak hian tiangte hi min lo hria sakin, Tuikum lei tepawh khi a vur kumah tepawh hian min han telhsak ngei turah te kan han ngai a.

Vawina kan Governor Address hi a tha blang a ni mai a. A tak takah chuanin hemi implementation hi a pawimawh ber a ni a. Churni implement tur chuanin keini chuan tihian kan vawng tha ang a, a thalai chinah chuan theihtawpin kan tanpui che u ang a, a thalo lai deuhah te chuanin intihchak lohna laiah chuanin kan nawr chak thin dawn che u a ni. Chutiang chu keini heti lam atanga awinte chuan kan han tih dan tur a ni a. Hei hi keini tan chuan vawn that flat tur a ni a.

Tin, hei MR Bill kan han ti a, Health Care Scheme kan han tih te alo lang lo hi a pawihle in ka hria a. Vawinah harsatna nei mekte tan phei chuan a rapthlak hle in ka hria a. Hmanni-ah khitalaia ka bial mite pawh Chemo khai ngai te, chutiangte chu an han haw leh hlawl mai han hmuh te phei chuan he Governor Speech-ah tepawh hian an la telh hman lo anih pawhin point 12 Isua zirtir zat a ni a, a dang hi a fun tel tam hle ang tih hi a lang thein ka hria a. Chutiang ang tak chuanin kan sorkar hmasa thiltihah te a thalai angte hi chu chunzawm theih hram tur thilung nen he kan point neih te pawh hi..... atanga kan han siam atang pawh hian min ka hria a. Chutiang tur chuan kan sorkar thar duhawm tak hi kan beisei dawn flat che u a ni.

Chu chu a tlangpuia ka'n sawi duh chu a ni a. Hei, he hmunahte hian kan vawikhat kalna te a ni a, a bikin first time hi 19 lai emaw kan awm a, House manner te pawh kan la hrelo hle dawnin a hria a, churang chuanin orientation emaw tepawh hi min pe thei hial ula. Chutiang tepawh chu ka ngen duh deuh a. Tichuan, helaia House zahawmtak mai Mizoram rorelna sang berte pawh alo zahawm theihna tur atan tih kha ka rawt duh bawk a ni, ka lawm e.

PU R. LALRINAWMA : Pu Speaker, ka lawm e. A hmasain he rorelna sang bera min dintirtu Pathian leh kan Party hotute leh Aizawl East-1 bial mipuite chungah lawmthu ka sawi duh a. Hei, Pu Speaker, Opposition lamte pawhin motion kha an rawn thlawp zel tawh a. Han sawisel deuh te chu a tam deuh e tih kha a ni mai a. Churang chuan, sawizui zel lova pass mai te kha a tha lawm ni ka ti deuh a. A tawi chungchangah hian nichina ka hmalama member puiten an rawn sawi tawh ang kha a tawina-a a fun kim hle a. Thil zawng zawng ziah a, seitak sawi duah a, tih si loh ang chi kha kum 10 chhung kan lo experience tawh a. Khang kha 'change' a ni, vawinah chuan. Kan kalphung tur Governor Speech atang pawh hian alo lang a.

Tichuan, hei Good Governance kan tihah te. transparent government anih turah hian RTI Act, Central Congress sorkar kaihruaina in dan tha tak mai a siam. Right to Information Act te, sorkar kalta in a nihna tur anga hmanlohte kha he sorkarah chuan a nihna ang tur taka hman a ni tawh turte hi a lawmawm ka ti a.

Tin, Land Use Policy chungchangah ka bial chhuung Sihphir angah te pawh hlawhtinpui term hmasa Congress sorkarin alo tih hlawhtinpui tamtak an awm a. Vawinah MULCO ina bawngnute a sem tamtak Aizawl a sem hi Land Use Policy atanga bawngvulhute thar chhuah a ni tih hi he House-ah hian ka sawilang duh a. Tin, khang hlawhtingte avang khan mi tamtak bial chhuung mipuite pawhin he Land Use Policy retheite rabbi tuksakna tur, retheite chawikanna tur hi beisei takin kan thir a, campaign lai khan party dangten a aia tha zawk zawb tur hre si lovin he policy hi an sawisel thin a. Mahse chu chu mipuiten an hnawl a ni a. Hotu rindak lohte lo zui thin hian rikhleina in an em em ni aw ka ti a. Hengte pawh hi thil tha tak tak thit tur chhawp chhuahthe ihloh mai an hlauh thu an han sawi a. Mahse kan hotute, kan House Leader te hi an thutiamah an ding thin a ni tih kha vawinah lo hre thar leh sela. Thlamuang taka awmin krismas tepawh hlmtakin hmang turin ka chah duh bawka ni.

Tin, Pu Speaker, hei project kal mekte chhunzawm an ni ang tihte hi a lawmawm em em a. Amaherawhchu ka hlauhthawn ve zawk chu project chhunzawm tlak hi an hnutchhiah lo ang tih ka hlauhthawn a, chhunzawm tlak hi hnutchhiah hlauh se, chhunzawm a chakawm hle mai ka ti a. Tin, Health Care Scheme han sawitel loh lihte, helaiah thil zawng zawng sawi theih a ni lova, kan manifesto -ah a aia tha zawkin kan ti dawn a ni tih kha a chuang vek a, mipui atanga dil kher lovin leh natna tepawh a huam zau zawkin kan ti dawn a Sorkar kalta khan term tawp lamah mipuite hmangaihna avangin Health Care Scheme kan ti e, an ti a. Inthlan kumin, hmangaihna a tlai deuh hlekin kan hria a. A hma te in mipui hmangaih nise, lo tan nise la chu a chhawru pawh an tam zawk deuh tur a ni a.

Tin, hei road sector tihah tepawh kawng awmsa tuai mam a, sum tamtak tak hmangral thinte kha tunah chuan a awm tawh dawn lova. Ka bial chhungehte pawh Muthi kawng, Congress sorkar hmasain an lo black topped te, kum 10 chhung enkawl zawm mish lova awm te a awm a. Tiang khan khaw panna bakah veng chhung inkalpawhna kawng enkawl loh School, High School kawng te, Zemabawkah tepawh an khar phah hial tepawh a awm a. Chung ang he sorkar tharin hma an la tur hi a lawmawm em em a. Tin, tui intur chungchangah te, Greater Aizawl Water Supply Scheme Phase II Congress sorkar hmasain alo tih he sorkarina kum 10 chhung pawha a chhunzawm mumal loh, a hma-a hawn mai mai avanga vawinah ka bial chhungehte chuan tui a harsa em em mai a. Hetiangte hi kan hmalakna tur lia a rawn sawi chhuah hi a lawmawm ka ti a, motion kha ka thlawp a.

Tin, corruption case lem chungchang kha chu Pu Speaker, sawi i phal tawh lova, chuvangin ka sawi lovang a, khami case lem keitina nawr hmanhmawh nana High Court thleng kan kal phahna a ni a. A naka zentu ka ni a, ka hrechiang em em a, mahse sawi i phal si lova, ka sawilo mai ang. Tichuan Chief Minister kalchhuak ta ina vawinah FIR Case a neih (SPEAKER : Chung chu sawi loh tur) Pu Speaker, Court thil ala ni lova, FIR mai ala ni a, chungte chu eiruk thubuai a ni a. (SPEAKER : House-ah sawi phal a ni lova) Mahse an sorkar thil thihtheina hmangin an in chhuir lova. Tin, PFL case tepawh a awm a ni tih kha Pu Speaker, phalloh anih avangin ka sawilo mai ang. Ka lawm e.

SPEAKER : Tunge sawi leh tur kan la awm em?

PU LALDUHOMA : Pu Speaker, kan Governor thusawi hi Governor thusawi azawngah ala tawi bertum ani awm mang e ka ti a Hmalak dan tur phei chu point 5 vel bak a awm lova. A tawilu deuh mang e ka ti a Mahse sorkar tharin an hmalak tum dan min hrih tur an la nei tam lovah ka ngai a. Hemi chungchang kan han sawina-ah pawh kan convention pawh zawm hleitheh lovin kan sawi tam kha kan hlau nghal hle a. Min hlau lemlo turin Pu Speaker, ka'n hrih duh a. Theihtawpin kan tawiawm dawn a ni, tawiawm theih loh chin a thlenah erawh chu kan hnam tan theihtawpin a dodal zawng erawh chuan kan kal hunte pawh a awm mai thei e.

Kan House Leader ina min lo chhinchhiah sak bik atan he sorkar thar leh House kalphung atana han duh ka nei a. A theih phei chuan Assurance min pe thei se ka lawm hle ang a. Hmum hmasa lamah vawi 2/3 lai he House-ah hian ka sawi tawh a, MLA ten lehkha kan thawn thin a, Minister leh Official te chhan hi kan hlawh ngai lo a ni. Kan Governor kalta pawh khan min chhang ngai lova. Kan Chief Minister pawhin min chhang ngai lo a ni. Parliament-ah te MP tena Prime Minister leh Official lehkha an thawn reng rengin prompt takin an chhang nghal zel a. Helaiyah ka au chhuak thin a, a sawi chuang hlei lova. Tunah House Leader thatak mai Civil Service kalhmangte leh sorkar kalhmangte, protocol awmzia te hrechiangtu kan nei a, mimala hi zahawm lo mah ila mipui ai kan awhte hi an zahawm avangin sorkara MLA ten lehkha kan theihluh hi min chhang vat vat turin min assure thei se.

A dawt lehah chuan Department tinah Consultative Committee a awm thin a. Chutah chuan, Minister concern an Chairman a, MLA te leh Senior Officer te niin kan pawimawh hle thin a. Mahse, sorkar hmasa-ah khan koh mish lohva term pum kal ralte engemaw zat awmin ka hria a. Yawikhat lek koh tepawh awmin ka hria a. Kan pawimawh lo em em a, Parliamentary System a ni theim ka hre lova. Tun sorkar tharah hian Consultative Committee changlung tak leh tha taka a kal theih kan beiseim, beiseina thar kan Leader-ah kan nghat em em a. Hman deuh khan Parliament-ah te han sawi ta ila, Tourism-a Consultative Member a ka awm velaite khan India ram khawiah pawh kan zin hian 5 Star Hotel khan a thlawna min thlen hi an chak em em a ni, Member ringawt kan ni. Chuti khawp chuan a system hi a pawimawh tih hi sorkar thar hian hria se ka'n duh a.

Engtikniah emaw chuan keini lam diklohna emaw, inpuh tawn ala awm leh mai thei, chutah chuan Inquiry Committee, House Committee te pawh an la din leh ang. Opposition lam kan dik lohna kan chhui dawn anih chuan Ruling lam hi Chair sela, Ruling lam diklohna kan chhui dawn anih

chuan helam hi Chair ila. Kha kha kan duhthlan thin min ka hria a. Chutichuan, House Committee hi mipuin confidence tlakah an ngai ang a, Democratic takin mipui rin hlawh takin ro kan rel ho thein ka ring a ni. Tin, thil azawng aza-ah chuan a chi lova, pawimawh zual a awm a ni. Entiman sorkar hmasa Mautam ang te rampum nghawng thil a ni a. Khatiang ang thil, ramri chungchang a ni emaw, khatiang thil ah khan concensus awm lova Ruling party in thui lutuk min kalpui thin avangin a pawl thin khawp mai. He sorkar tharah hian kan zavaia kan interest than thil ah chuan ingaipawimawh than a, concensus a kal hram hram a, rorel ho theih, hmalak ho theih turin beiseina kan nghat bawk a.

Tin, bialtu MLA te hi kan bial chhunga project leh development work chi hrang hrangah, tunhma aia nasa lehzuafa icvolve tir nise tih hi ka duh em em mai a. Sanction copy tepawh hi bialtu MLA te hi chu Department hotute pawh hian min pe ve tawh thin turin circular tepawh hi chhuah theih nise ka duh em em a. Opposition kan ni emaw, Ruling kan ni emaw, kan bial chhunga hmalakna chu a lian a te in bialtu MLA te tluka ngaipawimawh tur hi kan awm lova, churang chuan hengah hian hriatlan kan duh ve em em thin a ni.

Tin, he kan sorkar thar hian Pu Speaker, kum hnih tal chu han daih hram se ka ti hle mai a. Min an daihrei hi an ringlo hle mai a, engpawh nise kum nga hnu a ni emaw, a aia hma deuh a ni emaw, sawnglamah sawn UDA te hi kan la thu ve dawn a, chutah chuan han chah duh ka neih chu kan Bungalow luah tur kha in chhuahsan dawnah rawk ve lo hram ula ka duh a ni. Purdah thlang maia hawn chingte kha chu in nih tawh loh ka duh em em a ni. Khangah khan kan sorkar thar hi kan House Leader zahawmtak kaihhraina hnuai ah changlung zawka kan kal theih hi kan lo beisei dawn a ni.

Tin, a dawt lehah chuan NLUP mawlh mai hi, nuai khat sem dan tur kha khawpui chhungah leh thingtlangah khan riakin kan nei a. khawpui chhunga hmalak dan tur hrang hrang pawh kha, in man tlawn subsidised hrang hrangte thlang khan a awm a ni a. Hei hi kan ram budget atanga tih tur a ni lova. Central atangin Prime Minister special package a min pek tur a ni tin kan ngaitla thin a, a lawmawm kan ti a. Amaherawhchu, India ram kan inthlang tep tawh a, kan inthlanah khan tuna sorkar te khu ling thei, tla thei an ni a, an tlak palh hlauh chuan an tla ta a lawm mawle kan ti then mai ang tih hi a hlauhthawn awmin ka hria a, an tlak hma ngei hian Delhi-a zin hmasak berah he Prime Minister special package NLUP tur hi zuk sawi fel vai kan beisei dawn che u a ni. Hei hi hma hmasa berah in neih kan duh. Hei hi mipuin kan nghakhlal, theih nise krismas hma-a dawn an duh tawh a ni tih hi kan hriat a tha a.

Tin, UDA tena VIP kan lo tih thin, kan kuthnathawktu tepawh VIP min rawn tihpui zel a, lawmawm kan ti khawp mai. Heng kan kuthnathawktute enkawl tur hian theitawp kan chhuah pui ang, an kaihza kan veng ang tih hi kan assure duh bawk a.

Tin, kan Governor thusawiah hian langlo langsar tak tak mai a awm a, pakhatna-ah Municipal Council chungchang hi a ni a. Hei hi khawpui kan cheina atana pawimawh tak tur anih avangin kan sorkar hmasa khan October thla khan Notification a chhuah a, Aizawla veng 55 chauh mai hi Municipal Area-in a huam a, a bak zawng chu khawpui chhungah kan awm avangin min huam ta lo a ni. Hei ka bial West - I te pawh Chhangurkawm atangin min rin a, khawpui chhung kan ni ve ta lova, a pawh kan ti khawp mai. Chuvang chuan, hei hi kan sorkar thar in arang thei ang berin siamtha in, Notification thar chhuah selang, he JNNURM a sum tantak lokal tur te hi khawpui chhung ami zawng zawngin kan chan tlan theihna turin siamthat vat a tha in ka hria a.

Tin, Health Care Scheme hi thil pawimawh tak a ni a, an manifesto a an ziah ang khan damdawiin a in admit lo tan tepawh he kan sorkar thar hian min tiam ang kha, kha kha arang thei ang berin tuna damlo tepawhin an mamawh khawp mai. Hengte hi ngawih reng na chi a ni lova, han sawi awm tak a kan ngaih a ni a. Amaherawhchu, manifesto lama chuang kha kan ringah te kan han ngai a. Tin, kan sorkar hnathawk tan kan Central Pay Scale tepawh a rang thei ang bera an tih te kan lo beisei ang a. Tin, thalai hna neilo tantak kan awm laia MoU palzut ngam tur sorkar kan nei hi lawmawm kan ti a. Vawjin atang hian palzut ngam a chakawm hle in ka hria a. Hna tepawh a awm a piang lak nghal bawrh bawrh kan lo nghak nghal a ni.

Tin, ni 100 inhlawhna-ah ni 10-ah te ni 20-ah te an tawp ta hlawn chu a ni a. Ni 100 kan inhlawh hman lovang tih kha kan hlau tlang hle a, chumia kan mawhpuh ber sorkar a bo ta a, he sorkar thar hnuaiyah hian financial year a tawp hna ngai ni 100 kan inhlawh hman theihna tura hma la turin kan beisei a, chutah chuan theitawpa puih pawh kan tum a ni.

Tin, thil pawimawh em em dah loh zingah Look East Policy hi zoram tana thil pawimawh tham tak, kan economy tidanglam thei tur thil anih avangin vawinah hian kan Governor in rawn sawilang lo mahse hei hi rawn ngai pawimawh turin ka'n chah ve duh a. Tin, Power project ah hian Tuirial hi an sawilang a, saw saw khuap mah ila ramri hrul khuah hi a hlawk vak lova, insem a ngai a, MW 8 chauh kan chan tur a ni a. Kawrte khuah ang lek a ni a, kan ram luli-a luang ve hi han ngaipawimawh hmasa zawk sela a tha hle in ka ring a. Hei, sorkar thar kan neih atangin kan thim zing leh tan ta riau mai a, mombati a lar leh tan riau mai a, Pu Speaker, hman thil tepawh kan repeat leh ang rihte pawh a hlauhawm lek lek mai a nih hi mawle.

Tin, tuna krismas leh kumthar vuakvetah hian Water Supplies hnianghnar takin kan sorkar hian min pe se kan duh a. Hemi Aizawl Water Supply Phase-II hi tunhma khan kan ngaitla thin a, Phase-II alo thleng a, Truck bawkin an rawn sem leh thin a. Hei hi ni tawhlo turin he kutpui kan hman chhung zawng hian hnianghnar taka tui supply kan neih theihna tur te hi min han ngaihuah vat vat sela a tha hle in ka hria a. Chutiang ang chuan hma han chhawp mai tur hi

transparency chungchangah tepawh kan trade mark a ni dawn na in, sorkar hmasa ina order an lo siam RTI hnuai atanga dil a nilo Pu Speaker, kan hotute hian an hriat ka ring a. Khangte kha a rang thei ang bera kan sut loh chuan a transparent dawn chuang reng reng lo. Khangte kha inhmang zui mai anih chuan engmah inni dawn chuang lo. Chuvang chuan, khang kha han siamha selangin, mipui ten RTI hmanga information kan lak chhuah dan tur leh tlawm zawka kan lak chhuah theih dan turte pawh hi kan mamawh tak meuh meuh a ni tih kha ka sawi duh a ni.

Awle, Pu Speaker, sawitur a tam hle mai a, heng hi beiseina sang tak nen kan lo thlir tur pawh a ni a, chutah chuan a theih chin chinah thawhpui kan in peih a ni tih pawh ka assure duh a ni e, ka lawm e.

PU R. SELTHUAMA

: Pu Speaker, ka lawm e. A hmasa berin he House zahawmtaka min hruai thlengtu Pathian leh kan hotute leh Aizawl West II mipuite chungah lawmthu ka sawi duh a ni.

Pu Speaker, i veilama thu thenkhatte khan he Governor Speech hi an han sawisel deuh thin na-a, khatiang sawisel hmang kha chu Shakespeare'n bengho hi chuan vanram pawh chang sela an phun nawi ta ve ang a tih ang deuh kha an niin ka hria a. Kei ka lo thlir ve dan chuan Baktawng pa in hei hi chu a tha em mai a, Sunday School zira hmantlak a ni e a tih ang deuh mai kha a niin ka hria a. Hei hi Puitling Sunday School zirah pawh hmang dawn ila, a hmantlak hle ah ka lo ngai zawk a ni.

A hmasa berah chuan sorkar tharin sorkar tha corruption pawh tibo ngam, langtlang sorkar a han din tur kha huaisen tak maia han din a tur kha lawmawm ka ti a. Khatiang anga hma la ngam sorkar kan han nei, Governor meuhina khatiang a sawi kha lawmawm ka ti a.

Tin, pahmhna-ah chuan hei, kan hriat theuh angin Mizoram mipuite kan rethei rei ta hle a, kum 10 chhung chu a bik takin thingtlang leh khawpuia mirethei ten hamthamna pawh kan hmu zo ta lova. Chung ho miharsa zualte han chhanchhuahna tura kan Governor ina NLUP kan ti leh dawn a ni a han ti ringawt mai pawh hi dingdihlipa lo thlirtute tan chuan a va nghahhlethawm dawn em ka ti a. Hei, i veilama thu thenkhat te khanin NLUP hi a thlawna sem hi mipui tih thachhiatna a ni ti ang te khan an han sawi hlawm a, a then phei chuan MPF ina khap chi a ni lawm ni ti te hial khan an han sawi a. Hei hi an hriat chian loh vang a niin ka hria a, hman deuh lawka keimahni Congress Party ina Assembly kan neih tuma Farkawn khuaa Sial vulhtu hlawhtling em em mai, NLUP hruaia hlawhtling em em mai tute kha MNF Party mi a ni daih mai a. Chuvang chuan NLUP hluiah pawh khan miin tih tak taka an tih chuan hlawhtlingna an hmu a, hlawhtling tamtak an awm a ni tih hi ka sawi duh a.

Lungdai East-a Serthlum thlang te, Darlung khua-a Serthlum thlangte pawhin an tihlawhting tha a, NLUP hi. Chuvang chuan chhungkaw dinchhuah nan an hmang a ni, a hluiah pawh khan. Tunah phei chuan Governor hian a Speech-ah hian khami mai pawh kha ni tawh lovin Improve and New Land Use Policy an ti lehngal a, a hma-a tih hmasak aia tha leh lian zawk leh kimchang zawk, changtlung zawk NLUP han duan a han ni te hi a ropui a, miharsate chhanchhuah nan hei hi kimchang thei ang ber leh changtlung thei ang bera hman tur a ni a.

Tin, a funding chungchangah hian NLUP hmasa pawh kha State Plan atangin Annual Plan atanga tih a ni a. 1991-a dah hmasak ber anih tum khan Mizoram Annual Plan kha crore 125 chauh a ni a. Chutah chuan crore 12 chauh kha NLUP ah dah a ni a. Tunah hian keimahni Annual Plan-ah hei hi a tih theih a ni tih ka sawi duh a ni. Kei ngei pawh R.D Director a awmin, Annual Plan-ah hian kan lo dah thin a. Tuna kan hotu thiam tak takte hian an dah thei a ni tih hi he House-ah hian ka sawi duh a ni. Tichuan, a funding chungchangah pawh hian thenkhat chuan a bikta Central atanga funding rawn pek turah te an ngai a, hei hi a dik kim hlel a, Central atanga Minister lokalte khanin State Plan atanga harsatna in neih anih pawhin Special Package in kan rawn tanpui ang che u an ti a ni. Hei hi Arunachal Pradesh pawh hian Annual Plan nikumah khan crore 1620 an nei a, chutah chuan an Annual Plan-ah khan crore 180 in an belh a. Tichuan crore 1800 a lo ni ta a, Prime Minister in a hmain special package in crore 265 a pe a, chu chu an Annual Plan-ah khan an incorporated ta a. A pumpui ah crore 2065 kha Annual Plan-ah an neih phah ta a ni.

Chumi anih chuan kha Special Package pawh kha a kum leh Annual Plan-ah pawh khan a bet ta a. A bet mai pawh nilovin a pung nen 10%/30% ten alo pung a. Arunachal phei chu a pung tam a ni a, chutianga pung tur anih phei chuan keini pawh kan hotute. kan House Leader te hian kan hotute hnenah an sawi a, special package a bika min pe a. Annual Plan a ni emaw, incorporate sak tur ten min han tihsak selang chuan tuna kan Annual Plan panggai bakah hian sum kan ngah dawnin ka hria a. Chutiang anih chuan he NLUP ah hian mipui harsa zual, chhungkaw harsa zualte hi awlsam takin hun reilo deuh chhung pawh kan cover thei ang a, a lawmawm ngawtin ka ring. Chubakah kan hriat theuh angin sorkar hmasain thil an lo tih tawhte hi a sorkar leh ten chhonzawm loh an ching fo a, hei hi kan in sawisel na tam ber a ni. Kan Governor in a Speech-ah hian heng ang an lo tih tawh te hi viable a ni a, a tih theih ngai anih a, financially a..... bawk chuanin kan chhonzawm anga tih te hi a lawmawm hle in ka hria a. Kan sorkar hmasa tihte kha a tha a, chhonzawm tak anih chuan sorkar hian chhonzawm a tum a ni tih kan han hriatte hi a thlamuan thlak em em in ka hria a.

Chubakah kan manganna ber power chungchang hi a ni a. Hetah pawh hian Tuirial Hydel Project te han chhonzawma luna han lak an tum te hi a lawmawm ka ti a. Vision nei lo ti te-a han in sawiselna tepawh

hi a awm thit a ni. Mahse Governor Speech atang hian kanhotute hian vision pawh an lo nei hle a niin ka hria. Hydel Project mai pawh nilovin Indo-US Nuclear Deal atanga Nuclear Power ang chi tepawh hi India ramah hian siam chhuah a lo nih chuan chung a atan thei ang ber chu Mizoramah hian lak luh tur an han siam ngat te hi vision nei lo tan chuan siam theih a niin ka hre lova. Vision nei tha hotute kan han nei hi kan hotute chungah lawmthu ka sawi duh a. Governor in a Speech-a a han dah te hi a ropui a ni.

Chubakah kan harsatna ber Communication chungchang hi a ni a. Hengah te pawh hian kan hre thout a, sorkar hmasate sawiselna pawh nilovin, World Bank sum hmanga Aizawl-Lunglei via Thenzawl hemi kawng an han laihte pawh hi a hun a khawlai rei ta hle a. Sum awm loh vangin hna hi a thawh theih loh tih tlang hria a ni a. Mahse, sum awm reng si, hetiang chen chen thawk zo lova a awmte hi pawikan ti a. Heng angte Governor in a thusawiah kan chhonzawm ang a, kan zo thuai ang a tih te hi a lawmawm in ka hria a. He sorkar thar hian Governor in a speech a a telh ang ngei hian heng kawngte hi theitawp chhuahin hna han la sela. Kum 2/1 leka zawh theih angte hi min han zawh sak sela, sawlai kawng Mizoramah phei chuan Aizawl-Lunglei kawng lamian sial hmasak ber alo ni a, sawmi pawh pawisa awm reng chung a ti chhuak theilo te hi tun sorkar hian kumkhat lek emaw chhung hian han ti zo sela tih hi ka duh a.

Chutihruah chuan No. 10-na hi NLUP hi kan lo ti hlawhtling tha anih chuan Forest thatak hi kan nei mai dawn a ni. Kumina lo neih Shifting Cultivation hi bansan a lo nih rawh chuan ramngaw engemaw zat alo awm dawn tawh a, chung angte chu humhalh that a, Forest Department anga pe mai lovin, Community Land anihna ang ngeia Community Land awm chung si a ramngaw tha tak siante hi a chakawm a, NLUP dawnglo tur tan pawh, mihausa tan pawh sumdawng leh sorkar hnathawkte tan pawh ram nuam takah Mizoram kan siam theihna tur a lo ni dawn a ni. He House-a Governor thusawi hi mi zawng zawng pawm tlak a ni a, a Motion pawh hi ka support a ni e, ka lawm e.

PU P.C. ZORAMSANGLIANA :

Pu Speaker, i kaihhruaina hnuaiia thu sawi thei tura kum 10 hnuah, House-a ka let leh theihna tura kan party hruaitute leh Kolasib bial mipuite leh Pathian chungah lawmthu ka sawi hmasa duh a.

Kan Governor-in a thusawi, lawmthu sawina motion mover-in arawn move hi ka support-na thu tawite sawi ve ka duh a.

Kan ram kan hnam hian beisei a nei a, thlak danglam hi an duh tih hi miretheite leh Pathian tih mite tawngtaina, keini i dinglama thute hi. wawin niah Pathianin min pekte kan ni a, chumi zinga ka tel ve hi lawmawm kati em em mai a. Mipuite duhtthusam zawng zawng leh i dinglam a ni emaw, veilam a ni emaw tena kan duh zawng zawng hi Governor hian a sawi vek seng lova, i dinglama thu ten, kan lo Sorkar a nih chuan, mipuite hnena kan ti ang kan tih hi kan manifesto-ah kan tarlang tawh a. Chumi chu kan Leader kaihhruaina hnuaiiah hian chak takin kan ti leh mai dawn a ni tih hi, i Chair zahawm tak kaltlang hian. Mizoram mipuite hi hriattir nawn leh tulin ka hria. Kan ti ang ti thin Sorkar kha a lo piang leh ta a ni tih hi mipuite hriattir a tha ka ti. Ram buai thim chhahna avanga, inchung pawh nei tawh lote hnenah in inchung tur rangva kan pe dawn che u a ni, kan tih lai khan. kan hotupa lem hi chhe pui puiin min ziah sak a, Zarkawt tlangval, pa lianpui, Rangva zuar kha in lo hmu em? In inchung tur Rangva a pek che u chuan, in ekin chung tur, in thlam chung tur kan pe ang che u, tiin, nuilza siam nan min hmang thin a. Mahse, kan han pe a, he House-ah ngei hian kum hnih a ral a, kum khat a ral meuh chuan kan duh ve kan, duh ve an ti ta sup a.

Remna leh Muanna chungchangah pawh 1967 Lal pian hum champha a lo thlen dawn hnaihah, Aizawl tlangval pali/panga kalkhawmin, Pathian hnenah Policy leh Programme an dil a. Pathianin a pek chu kum engemaw zat a liam hnuah 1984-a mipui ten an chhan khan, 1986 June, 30 dar 9:30 khan Mizo hnahthlak zawng zawngte tana hlimna vawrtawp hi Policy dik Programme dik hian a thlen tawh a. He hnam hi a hrechiantute kan ni. Pawl hming pawh invuah fuh hleihei lo, Policy leh Programme leh Seal pawh inthlan dawn apiang maia thlak reng mai ang tan hi chuan. Pu Speaker i dinglama mite programme hi a hriattiah theih loh a ni. Chulai chu, i veilama mite hi nangma Chair kaltlanga hriattir nawn leh pawh tul ka ti.

NLUP programme-ah pawh vote kan zawn lai, campaign lai zawng zawnga an sawinaah a theih loh dan tur zawng zawng hi hre em emin an insawi a, MLA ka ni ve bawk a, hre ve tur ka ni, te an ti. Politician hi chuan ka lo ngaihtuah ve dan chuan. Pu Speaker, awmio sta awmtir hi he khawvelah hian kan siam tum tur a ni a, thlarau thu erawh chu kan sawi pha lo. Amaherawhchu, chutianga kan hotuten. engkim ngaihtuah a, India rama Lalberte, Thuber ten kan tualchar ngeia min rawn hrihfhah tawh pawh a, helai House-ah pawh

Krismas thawmhnaw leina tur atan omaw a ngai tlat, MLA tho a kan la awm te niin ka hria a, pawl ka ti a. Hei hi mirethoite dawn chhuahna tur a ni, kan programme-ah hian Pu Speaker, chiang em em a kan tarlan chu. Sekibuhchhuak programme a ni love. Hreipui khuaitu thei programme a ni, chu chu Krismas thawmhnaw lei nan leh Krismas bazar nana hman tir tuma an sawi tlat avang hian a lawm, ni thenkhat hi an la buai. Pu Speaker, hei hi chutiang a ni lova, i Chair zahawm tak kaltlanga Mizo mipuite hnena sawi theihna hun han neihte hi vanneihhtlak ka ti tak meuh a ni. Chuvang chuan, kan programme leh he kan Governor thusawi mai ni lovin, kan manifesto pawh hi lo kawli tha vek sela ka duh a ni. Kan ram Sorkar lo piang, tu Sorkar pawh hi, kan manifesto hmangte, kan Governor Speech-te kan Finance Minister Speech-te kaltlangin debate neiin, engnge kan tih, engnge kan tih loh tih hi sawi tawh ila, chu chuan kan duhthusam tho convention hi kan zawm ang tih ka ring a ni. House convention keimahni hamthatna tur atan chauh ni lovin, Mizo mipui hamthatna tur atan hian House convention, ziaka awm bakte pawh hi kan zawm atan a thain ka hria. I kaihhruaina hnuaiyah heng angte pawh hi dik takin kan convention ang thlapin kan kal zel hi hun lo la kal leh turah pawh ka beisei dan a ni a, ka'n sawi duh a ni.

Thil engemaw programme thar leh tih thar awm apianga ti hmasatu ni awm bera insawi tlat te hi Mizo mipui hian an chiang tawh em, tun vote-ah khan a lang a ni. Khawvelah hetiang bak hi a awm ka hre ngai lo, kei chuan, 80% inthlanna, hnehna party malin a channa hi. Engnge a chhan ni ang, kan tih chuan, hotu vision nei, rintlak nei, hotu pali tunah hian zawrh an ni, Zoramah hian pakhat phef chu bial hnihah a tla hlawm der, pakhat chu bial hnihah a tling, pakhat chu bial khatah a tla, pakhat bial khatah a tling. Mipui ten an hrechiang em mai December ni 2-ah khan. Hemiah hian mipuite beiseina hi, wawinah hian kan Governor hian a thusawi zawng zawngah rawn dah kim lo mahsela, heng zawng zawnga a thusawiah hian lawmawm ka tih chu, Mizorama force chak em em, NGO, MPP te avanga inthlanna thianghlim leh fel leh fai a awm a ni tih a rawn sawi lai a, kan lo pawm laia, wawina chumite hovin he House kaltlanga awm ve hlei lo lesson han pekte hi kan tih tur a ni angem aw? kei chu ka ti a. Chuvang chuan, hengte hi Pathian min pek, kei a zarzotu ka ni. Pu Speaker, tuntum inthlannaah khan Kolasib biala ding ka ni a, Kolasib khawpuiah khuan In 30 pawh hi ka lut lo reng reng. A bial pumpua ka in luh zawng zawng khu In 40(sawmli) a tlin chuan a lawmawm ngawl ang. Amaherawhchu, Pathianin he hmuna ka thut ve a remti a, chumi avang chuan, heng programme-te ngaihtuhtute zinga tel ve tur leh he ram mipuite tana rawngbawl tura anmahni kaltlanga malawmna ka dawn rual hian, heng programme-te hi tihlawhtlin a nih theih nan, kan zavain Delhi drip khai ngaia la nung kan ni tih hi hria ila, chumi atang chuan, Delhi drip khai chung a kan ram tan, kan dinchhuahpui theihna tur atan, hma kan lak a, kan din theihna tur atan thuhmahruai a sawi malah ngai ila, kan manifesto "kan ti ang" kan tih thin, kan tih leh turte kha, khawngaitakin i veilama thute pawhin min lo exam-na tur atan tunkum 5 chung atan min hmang se, wawikhatna atan, kan kum 10 leh dawn hunah min zir nawn leh ang a. Anni tana thlan kan ni lova, beiseina hetiang vel atanga sawi thin kan ni lova, beiseina hetiang vel atanga sawi thin kan a lawm mipui tibuai thin.

Pu Speaker, DAH atangin LEI tur kan pe dawn a ni, vawinah hian i dinglana thute hian. LEI tur thingtlang hnathawktuten an neih phawt loh chuan, helaiiah hian DAH engang mah ila awmzia a awm dawn chuang lo. Chuvang chuan hctianga, he House chhungah a ni emaw. House pawnah a ni emaw, Public Leader kan neihnate hi kan thusawi hi inang thin sela ka duh a ni. Pu Speaker, vawinah pawl thenkhat Press Conference-te chuan EVM-te an han ringhlel a, he roelna sang berah hian an ringhlel a nih chuan sawi ang hmiang. Sorkar laia duh taka (ka sawi sual em ka hre lo) 3% la chunga an lo chah luh vang em ni ? an rinhlel tak, te hi ka ti. Mizoram MP pakhat neihna chauvah EVM khawl hi Congress Sorkar kaihruai Delhi khuan a rawn ring a nih chuan, Madhya Pradesh-ah te, Chhatisgarh-ah te tih ve awm tak. Chuvangin thil nuh zathlak tak tak rawn lama boruak siam te hi tim sela, House chhunga kan sawi hi eng lam pawh sawi ila, tichuan mipuite beisei hi kan thlen ang tih ka ring a, hemi thu tlem hmang hian Pu Speaker he motion hi ka rawn thlawp a pass ngei tur pawt kan thlawp a ni ti tih hi kan sawi duh a ni. Pu Speaker ka lawm e.

PU N.P CHAKMA : Pu Speaker, ka lawm e. Keini hi tawngkamah harsatna kan face thin a, saptawngte, mizo tawngte kan hmang dawn a, Pu Speaker first of all after 17 years from 1987 to 2003 of sitting in this Assembly, the last 5 years I have gone on leave and come back again this time. So, I thank God, and I also thank the people of my constituency this time, the 36 Tuichawng Assembly Constituency and the whole of CADC includes us for sending here again.

Pu Speaker sawi tur tam tak zinga kan Governor in a a thusawi zinga Good Governanc tih kha ka sawi duh a, good Governanc a definition ang reng deuhin hetah hian a ziaak a, clean, efficient and responsive administrative tihna a ti a ni. Clean, Efficient and Responsive adminstration awm theihna atan chuan Rules of law a ngai. If there is no rules of law, this clean and efficient and responsive administration a awm thei lo. Chuvangin member zahawm tak tak te pawh ka ngen duh chu Sorkar ah emaw, opposition lam emaw, dan hi kan ngai pawimawih tur a ni. Keimahn ringawt a ni lo, Sorkar officer te Public thlengin dan chu a pawimawh tur a ni. Danin a kaihruai loh chuan buaina a awm thin. Corruption a awm thin. Bad Administration a awm thin a ni. Mizoram in a mamawh chu Rules kan mamawh ber a ni. Previous Administration lasts ten years kan hnu tawh a, ka ngaih thiamloh chu Anti-corruption Department hian Police tha tak kan nei a ni, hna pek pawh tha deuhin an execute a, case chhui turte tha takin an ti a, mahse, limitation kha an awm leh a, chuvangin tun tuma kan sorkar in chak takin khami kawnga hmala turin Governor Speech-a a lang hi a tha ka ti a. Lawmthu ka sawi duh a. Kum 10 chhunga Mizoram Sorkar hnathawh thir letna 1998, 2008 previous Sorkar in a bu a siam Information Department atangin MNF Sorkar hnathawh dan kha an ziaak nual a ni. Chuta ka ngaih mawh ber chu enga ti nge Department 39 zingah Anti Corruption Department hi a lan miah loh ? engmah a

awmlo, chumi awm zia chu the previous Government was not sensitive to corruption *lihna a ni. Engmah an ziak duh si lova, achievement a nei lo em ni?* Department tamtak leh NGO Individual angle leh pawl hrang hrangin Anti-Corruption ah FIR an theh lut a, mahse kum 10 chhungin hremna pakhat mah a awm lo hi khawtlang briat a ni a, chuvang chuan He Sorkar chak tak hian heng corruption thil hi from day one atangin kan ngaizam dawn lo, a han tih te hi ropui ka tin lawmawm ka ti em em a ni.

Hei LADC chungchangah hian Lawngtlai 'W' Bialtu zahawm tak khan sawi fiah a han tum nain engemaw dik lo chu a awm tih a chianga *Hetiang hian LADC atangin pawisa draw chhuah a ni a:-*

Dt.24.11.08 ah 20 lakh

Dt. 25.11.08 - ah 15 lakh

Dt. 26.11.08 - ah 10 lakh plus 5 lakh avain 15

lakhs. Employment Provident Fund atangin engvangin nge Election hun lai vel a hetiang a pawisa lak chhuah a nih? Hei hi election dan a kaih a ni, Sorkar dan pawh a ni lo, Corruption hian tak a ni. Chuvangin rang taka clear a ngai. Kan Governor thu sawi ang a kan Sorkarin hma a lak avangin day one atanga corruption a ngai thiam lo hi Home Minister District Council Affairs Minister leh kan Chief Minister chungah lawmthu ka sawi duh a. Fiamthu in kan ri thin a, tun hma District Council Affairs Minister chu min enkawltu Minister a nia. Amaherawh chu a hnathawh dan en chuan District Council ti buai tu a tih thei a ni, morally, politically, financially-in March inthlan khan EVM kan hmang lo Pu Speaker, Ballot paper kan hmang a ni. Pu Speaker, amaherawhchu Mizoram State-ah MNF Sorkar chak tak hnuaiah kan in thlanga District Council ah te pawh MNF Sorkar a ni 69th Chakma District Village Council, mahse mipuiin MNF party chu a hnawl ta ani. EVM a awm leh chuan ballot paper hmangin kan inthlang ani a. Tun tum ka biala mipuite chu thalo a awm lo. A tha vek ani. Pu Speaker, chuvangin EVM chungchangah sawi duh an neih chuan Mizoram pawnah sawi sela. Mizoram chungah chuan awmzia a nei lo, mipuiin an ringlo.

Tin, Pu Speaker, Mizoram State Road Project chungchangah khan hmannah Thenzawl lam atangin kan lo kal a, kum sawm chhungin kalkawng chu tih ngaihna a awm lo, zan ani tawh si a. Kum 10 chhungin pawisa nei chungin tunhma PWD kawng neih sa tih zauhna nen an thawh chhungin an zo thei lo kha a mak ka ti a. Chuvangin Sorkar tlak nilovin, mipuiin 1998 Election khan an ti sual a. Tun tumah punishment an pe ani.

Pu Speaker, sawi tur tam tak a awm a nakinah kan sawizel dawn a, corruption chungchang te. Land Use Policy chungchang te, ka sawi dut pakhat chu *tunhma in kum 10 chhungin Sorkar ah Land Use Policy* kan hmang ta a. Amaerawhchu District Council chhungin ka nawr uar lo a nia 1998 Election-ah ka tla tep ani hemi Land Use Policy avangin a chhan chu kum 10 huah kan pe thei lova, cover loh area anih avangin tun tum erawh chu State pumpuia hman tur tih a awm a, Governor chung-ah lawmthu ka sawi duh a. At large New Land Use

Policy will be launched throughout the State tih a lang hi lawmna tur tam tak District Council mipuite hriat atan lawmthu sawi tur tamtak a awm ani.

A tawp bera ka sawi duh chu Mizoram in a mamawh zinga cooperation, understanding-te a mamawh a Governor in para 12-na ah khan, I ask all people of Mizoram to extend their whole hearted support to my Government" tiin a tarlang a ni. Let us all try to make best use one and only Government we have by being pre-active supporter of its programme of uploading the attitude of confrontation and useless stride in the administration, I am confident that each and everyone of us can make Mizoram one of the best developed states in India tih hi mi zawng zawngin lawiawm sela ka duh ani. Ka lawm e.

PU LALRINMAWIA RALTE: Pu Speaker, thusawina hun min pek avangin ka lawm a. Vawinah hian he House zahawm takah hian Maiden Speech-te han sawi ve thei turin Pathian leh Hachhek bial mipuite khawngaihna ku dawng a. An chungah pawh i chair zahawm tak kaltlangin lawmthu ka sawi duh bawh a ni. Kan Governor zahawm tak thusawi hi, ni e, kan ngaihthlak tawh thin ang khang a sei lova. A para, a point ang pawhin sawi jla, 12 a ni a. Amaherawhchu, thenkhat tan chuan hemi zim teah hian thil belhkam awm tak tak leh hnawksak tak takte pawh a awm a nih ka ring a. Sawi tawhte sawina, member zahawm takte sawi tawhnate ka lo ngaihthlakin dawnsawn dante, hriatdan te, hmuh dan pawh a inang lo viauin ka hria a. Khalama i veilama thu member zahawm tak te rawn sawi dan pawh kha group thuhmun atang pawhin a inanglo nasa a ni tih te ka lo ngaihthla a. Kan Governor zahawm tak thusawia Sorkar kal dan tur a rawn puanchhuah chuan i veilama mite, group hrang hrangah pawh ngaihndan hrang hrang a siam sak mai, a ropui aniang tih ka ring a. Vawin niah he thusawi chungah lawmthu sawina motion kan sawihonaah hian thil thar hriat chhuah te pawh kan nei a. Nichina member zahawm tak ten thenkhatin an rawn sawi tawh a, kan hria a. Tuntuma Congress Party kan chak tak viau mai na chhan niawm anga lang theite pawh kha member zahawm tak pakhatin a rawn sawi lang a. Pawisa sem te pawh a tam niin a rawn sawi a. Kan pawisa dawn niawm te pawh House a rawn hriatir a, a bengvarthlak khawp mai a, a ropui viau a. chungte chu kan chak chhan tih a rawn puang nia ka lo ngaihthlak lain member zahawm tak pakhat, a group thuhmunpui ngei khan N.I.U.P hi i dinglama mite chakna hmanrua ber a ni tiin a rawn puang hawh a. Chuvangchuan, vawin nia Governor thusawi kan han ngaihthuah, lawmthu sawina tlak a ni em? tia kan han sawihonaah hian thil lawmawm tak tak kan hmuin kan hriatin ka hria a ni.

Hei, sawi tur tam tak a awm a, Member zahawm tak tak ten an rawn sawi tawh a. Han sawinawn leh kher tul lo te pawh a ni ang. Tuna kan ngaihthlak tak ang khan clean, efficient, responsive administration. Good Governance tih hi nikum lam atang leh kuminah a bik takin thalai politics

ngaihventu leh ram veituten an sawi thin a ni a. Hemi Good Governance kan neih theihna tur hian he Governor thusawiah hian a Sorkar kal dan tur chu Good Governance a awm ngei theihna turin a kal dawn a ni a ti a. A transparent dawn a ni, a langtlang dawn a ni a ti a. Amaherawhchu, langtlang ringawt, local body empowerment tel si lo decentralization of Powers awm si lo chu natna hriat ringawta a damdawi hriat loh ang chauh a nih avangin helaiiah hian decentralisation a rawn sawi leh a. Chuvangin Good Governance kan neih theihna turin transparency a tul a. Transparency chu delegation of empowerment of the rural people, local body empowerment tel lo chuan a tak taka tel a har si avangin, helai para 5 & 6-ah hian thil inlaichin kual fel tak kan hmuin ka hria a. Thingtlang mite dawmkan an nih theihna turin Sorkarin hma a la dawn a ni tih Governor zahawmtak hian min hrih a. Tichuan, thingtlangmi ten an aiawh an thlante chungah chuan thuneihna sang zawk leh zau zawk pek a ni ang, khawpuiah leh thingtlanga mipui aiawh thlan lal te hnenah thuneihna pek a ni ang. Tichuan, mipuiten a chhia a tha an Sorkar siam leh an thlan lal te chungchang engkim an hre thei ang. An thlan lal te chu an thianglim ang a, an viak a tha ang a, mipuiten a mahah an beng an dawh tawh ang, tiin clean efficient kan responsive good governance chu kan pechhuak dawn a ni tih min tiam hi a ropui hlein ka hria a. Hetianga kan Sorkar hi a kal a nih chuan Mizorama mirethei nuai tam takre tan hian dinchhuahna tur zalenna kawl a eng dawn niin ka hria a, khalai point khat lek atang pawh khan lawmthu sawina tur hlii niin ka hria a ni.

Tin, i veilama group hruaitute leh Member zahawm tak tak ten an rawn sawi a, he Motion hi an rawn hriat lova, Governor thusawi hi tha an tih tlangpui thute an rawn sawi a. Tha taka Sorkarin thil a tihna turah chuan theihtawpin an thlawp dawn a ni tihte an hruaitute ka ngei atang ngeite pawhin assurance-te kan han hmu kha he speech ropui zia leh a hlut zia tichiangtuah ka ngai lo thei lova.

Tin, NIUP chungchang kan han sawinaah khan Chhim lampang Sorkar thil tithei lova kan siam kan han tihte, mipui ten Sorkar kan nghenchhan zia. Krismas leh kumthar tur atan pawh Sorkar a chet theih loh chuan mipui ten Krismas leh kumtharah thil kan ti thei lo a ni, a mangan thlak a ni tihte Member zahawm takin a rawn sawi a. Chuti chung chuan NIUP ang chi mipuite kuta pawisa pe tura intiamna tih ang zawng kha sawischna te pawh a ri a. Amaherawhchu, Welfare State-ah chuanin mipuite rawngbawl tur leh mipuite mamawh tih hi Sorkar din chhan a nih miao avangin, a rawn sawi ngeiah pawh khan Sorkar thil tithei lova reilote a awm pawhin mipuiin kan tuar a ni tih kha a chiang em em a. Hei leh ehen hi kum 10 kal ta chhungah pawh khan mipuite tana thil tha tih intiamin Mizoram intodelhna project tihte pawh kan hmu a. Amaherawhchu, a taka hlenchhuah a ni thei lova, pawl kan ti hle a. Chuvangin tur Sorkarah chuan kan Governor zahawmtak thusawiah hian henge te hi mipui dinchhuahna turin, mipuite kan hlim tlan theihna turin a taka hlenchhuah a ni dawn a ni tih tiamna rinawm tak kan hmu hi lawmawm ka ti em em a ni.

Mani Palkhivala-in a sawi ang deuhin. Democracy-a thil vanduai thlak tak pakhat chu, Opposition-in oppose ngawr ngawr hi an ropuina tur emaw an ti tlat hi a ni tih a ni a. Vawihnah pawh hian Member zahawm tak thenkhat ten a thatna lai hmu thei miah lova thil sawi tul lo thleng thlengin special matters-te thlenga sawi ngai khawpte an han awm hi vanduai thlak hlein ka hria a. Amaherawhchu, Pu Speaker, nangma thunchhain chung thil duhawm lo takte chu tih tawh an ni a, ropui ka ti a, lawmawm ka ti a. He thusawi lawmna tur hliir a ni ang taka kan sawi zui theihna tur atana kawng min hawn sak a, tin, kan Member senior zawk ten hei first timer ho, mitharte tana hun min kianta hi a mimal tak ang pawhin Chair kaltlangin an hnenah lawmthu ka sawi duh bawk a. He kan Governor zahawm tak thusawi a chungaw lawmthu sawina motion hi thilung takin ka thlawp a ni tih ka sawi a ni e. Ka lawm e.

* Speech not corrected.

PU LALSAWTA

: Pu Speaker, he House zahawm tak maia mipuite hmasawmna tur atan te, an himna tur atan te kan ram hian kawng dik a zawh theihna tur atana an thlavang a tul huna a

hauh theihna tura min hlangkaiu Pathian leh bial mipui leh kan party hotute chungah lawmthu ka sawi a.

Hun reilote Governor lawmthu sawinaah hian han sawi ve ka duh a. Kan Governor thusawi hi a tawi kan ti nangin, a fun kim viau niin ka hria a, a saptawngah hian han hrihfiyah deuh a, han chiang ta leh han fiah ta a awm teuh mai a. Chuvangte pawh chuan, entirnan, 'decentralisation' han tihte, 'responsive' han tihte khang khanin kan mamawh tam tak hi a rawn puhruk nghalin ka hria a. Chuvang chuan, kan Governor thusawi hi a tha tawh hlein ka hria a. Tin, sei tak han ni dawn ta se, kan sawisel leh thovin ka ring a, a sawisel chi hi chu an awm. Chuvang chuan, kan Governor thusawiah hianin hmalampang thlina a awm tam hle mai a. Chung hmalampang thlinaah chuan mibeidawngte kutah ram rorelna a awm ang tih ka hlau thin a, beiseina nei leh hmalampang eng thlir ngam leh thlir duh tlat miten tunah min hruai niin ka hria a.

Rabindranath Tagore khanin betiang hian a lo sawi a. "Nau lo piang zel hriain heng nau siamtu Pathian hi a thilsiam mihringah hian a la beidawng-lo a ni tih a tichiang a ni" tiin a sawi a. Mihring hi an la pian belh zel chhung hi chuanin Pathian hian mihringte a siamah hian a la sim lova, beiseina nen mihring hi a la siam zel a ni tih kan rin si chuan kan hmalam pang pawh hi thlir ila, a eng lai hi hmu thiam ila a tul khawpin ka hria a. Thil kalphung lova thil a kal rei tawh avangte hianin thil inthlakthlong, kalphung thar leh kan tih dan thin kan pah a, kan kalphung thar, kawng zawh a lo danglam dawn hianin, "changes" a nih hrim hrim avangin, tam tak hianin lo do dal an ching thin a. Mizoram chauh a ni lova, khawvel ram dan a ni a. Mihring nihphung pawh hi a nihna chen a awm a, amaherawhchu, hetah hian "changes" kan tih ang thil kalphung thar leh kawng tha zawk kan zawhna turah hian Mizoram hian kan mamawhte zinga

mi kan mamawh lian ber pawh a ni nghe nghe awm e. Chu chu a nih avangin he Ministry thar hianin chutiang chu a tum a ni tih kan Governor hianin a rawn sawi a. Kan lo sawi ve fo thin chu, Mizoram hi "mi tha bawmah" kan siam thei dawn lo. Mi tha bawma siam tur pawh hian kan hotute pawh hian rilru an siam pawhin ka hre lova. Mahse, "that loh theih lohna bawm" Sorkarin a kalphung dik a siam avanga that loh theih lohna bawm hi chu kan siam theiin ka hria a, chuvangin kan tihphung a dik tlat avangin emaw, kan kal dan a dik tlat avang emaw a zawmtuten kan zawm thin kan zawm emaw avang hian Mizoram hianin that loh theih lohna bawm emaw, hmasawn loh theih lohna bawm crawh chu kan siam dawn niin ka hria. "System Changes" kan tih thil tihdanglam atanga tha zawk panna hi kawng tam tak a awm a, mihring hian kan pianphungah leh Pathian min siam danah pawh mahni hmasial, duham, thil dik aia diklo duh kan tam em em a, chutiang avang chuan a system tihphung, a kalphung kan siam dawn chuan an thusawi thin pakhat chu, "Unau chhang i phel tir dawn chuan, a u kha phel tir la, a nau thlan hmasak tir rawh" an ti thin a ni. Chumi awmzia chu, a u khanin, an chhang kha a thlang hmasa tur zawk a nau a ni tih a hriat chuan a intiat thei ang berin a phel lo thei lo a, a lian zawk a awm phawt chuan, a thlang hmasa tur, a nau khan a thlang dawn tih kha a hriat chian avangin. Chutiang system hmanng chuan Sorkarah pawh hian mihring kan sualnate, kan duhamnate awm reng chung hian sual hlei thei lo, tidik lo hlei thei lo, hetiang hianin Sorkar tharah hianin kan kal thei a ni tih hi Governor hian a ring a. Chuvang chuanin thil inthlak thleng buah buah a awm a nih pawhin kan thatna tur vekah ka lo ngai mai a. Chuvangin. Member zahawm tak takten kan Governor thusawi hi pawm ilangin, lawm takin hmalam thirin kan lungrualna lantir ila tiin ka han sawm ve a ni. Ka lawm e.

PU JOHN ROTLUANGLIANA :

Pu Speaker, ka lawm e. Vawiin hi kan hotuten first timer-ten hun hmanng hmasa se an ti a. Kei pawh hei kum 10 hnuah ka lo let leh a ni a. First timer ang deuh hialah ka inggai a. Vawiin hian kum 10 hnuah he

House zahawm taka thusawi thei tura min hruaitu Pathian leh Mamit bial mipuite chungah lawmthu ka sawi a ni.

Kan Governor Speech hi a tawi na a, sawi tur tam tak a awm rualin helaia ziah loh tam tak sawi tur awmin ka hria a. A hmasain Sorkar langtlang, felfai, corrupt lo Sorkar din a nih theih dan tur kan Governor-in a sawi hi a lawmawm ka ti a. Sorkar hmasa kha kan en chuan, a vaia sawi pawh ngaiin ka hre lo. Bungalow an chhuahsan dan atang khan a lang maiin ka hria. Chuvangin, Sorkar langtlang, felfai, kan ramin a mamawh a ni. Chutiang tura kan Governor-ina helai a Speech-a a rawn telh hi a lawmawm ka ti a, mipui pawhin kan nghahhlelh a ni. Chumi rual rualin NLUP kha Opposition pawhin an sawi a, Ruling pawhin an sawi a. He NLUP hi Zoram mipuite nghahfak a ni a, mipui an rethei tawhin an harsa tawh em em a, bul tanna tur sum lu a awm lo. Bul tanna tur atan rahbi tleu tawhte tan he NLUP hi Congress Party-in a ruahman a ni a.

Mi thenkhat ten thatchbiai inzirtirna an ti thin. He NLUP hi hnathawk inzirtirna tur bul tanna tur a nih avangin taimak inzirtirna a ni a. Party thenkhatten an policy-ah kan Sorkar hunah chuan thlai thar leina Budget-ah kan dah ang tihic, Crop Insurance tihte leh thlai a rate hre sain kan chin tir ang tih zawnzawngte hi he NLUP a hlawhtlin phawt loh chuan thlai thar insure tur kan nei lo a ni. Thlai leina hi Budget-ah vaibelchhe tel pawh dah mah ila a thlai hralh tur kan neih loh avangin kan thiante policy tihlawhtling tur chuan vawina kan NLUP hi tihlawhtlin phawt a ngai a ni. He mi harsate tana chhanchhuahna tur, he thu kan Governor-in a sawi hi a lawmawm ka ti hle a ni.

Chumi ruala ka ngaihpaawimawh leh chu, kawng chungchang a ni. A bikin Border lam hi chei deuh ni se, ka bial chhung Rajivnagar leh W.Kawnpui inkar kawngte khu State Border a ni lehngal a, kawng a *chhe em em a, tihthat a tha hlein ka hria. Kan Sorkar kalta khan Mamit to Bairabi road-te, Lengpui to Hmunpui te, Serzawl leh Lengte te an khawih ve nual a, sum an seng teuh a. Vawinah chuan tihlawhtlin pakhatmah a awm lo. Campaign-a kan kal lai phei chuan kan thianpain seat kan inthut thleng lo chauh a nia a ti. Kan thianpain an awmpui nu fel tum ve, yir sek mai a hau a, nang hi thu mai mai teh, fel chu i tum, i tlin ngang lo a nih hi a tih ang deuh khan. kan Sorkar kalta pawh hian engemaw chu tih an tum ve a, an tlin ngang lo a ni. Sorkar tharina he kawng a ngaihpaawimawh tur thu a rawn sawi te hi a lawmawm ka ti a, ka bial hui ti ve khanglang ila, Lokicherra ni thin, vawina Hachhek ni ta Pu Rinmawia, Member zahawm tak bial hi Sorkar kal ta ah khan kan Home Minister zahawm tak khan term hnih a bial a, nimahsela, Congress Sorkar kum 10 kal ta khan Black Topping kan tih bak kha chu engmah tih a la awm miah lo. Chutiang chuan an ngaihthah em em a.*

Kawng hi tunah hian ka bialah hian khaw 28 a awm a, Motor-in a tlawh theih loh khaw li a la awm nghe nghe a ni. Chuvang chuan Sorkar thara hotiang anga kawng hma thar lak dan tur kan Governor-in a rawn sawi hi a lawmawm ka ti a.

Tin, Safe Drinking Water a rawn sawi kha a lawmawm ka ti a, Zokhuaah tui in tur thianglim a vang em em a, dar rim nam rem rum inna khua a tam mai. Chuvang chuan hei hi a bik takin khawthlang lamah kan mamawh em em lehzuat a ni tih kha Pu Speaker, ka han sawi duh a.

Tin, Health Sub-Centre chungchangte pawh hi heti laiah hian ziak nilo mahsela, ziak loh phena mi tlem han sawi tel ka duh chu, khawlian tak tak Rajiv Nagar kan tih (Tuipui Bari-II) ah te pawh Health Sub-Centre a awmlo reng reng a, a mangan thlak em em a, Phaileng Damdawi In pan a ngai a, Phailengah pawh chuti takin a changlung si lova, harsatna hrang tam tak khumi ruam mai lo pawh khuan kan tawk mek a ni.

Nichinah khan kan hmaa Member zahawmtak khan sawti laiah Referral Hospital ka bial hlui a mi tihpuitfin loh a awm. hma thar fak leh tur a ni tih a sawi ka han briat khan lawmawm ka ti a. Ni e, Congress kum 10 Sorkar kaltaah khan kan hotuten khum 500 awmna tura an tih kha Sorkar kalta khan theihtawp chhuaha an han siam khan Health Sub-Centre tiat awrhah an chhuah kha a lungchhiat thlak reng a ni. Chuvang chuan hengte hi tihthar leh turin kan hotuten hma an la ang tih ka ring a. Tin, chumi rual rual chuan helaiah ka bula thu, kan Opposition Member-ina Hydrel Project chungchang sawi a, a sawi laia compensation pek tam lutuk avanga an pamtul ta mai a ni tih a rawn pawm thlap mai kha an Sorkar kalphung tichiang lehzuatu a niin ka hria. Chuvang chuan kan Sorkarah hengte hi tihhlawhtlin theih tur a nih thu Governor-ina a sawi tel hi a lawmawm ka ti takzet a ni. Chuvang chuan thu tam tak sawi ka tum lova, heng kan Governor-ina kan Sorkar lo piangthar tur-tana hmachhawp tfernte a han sawi karah hian lawmthu sawi tur tam tak a awm a, he motion hi Pu Speaker, ka thlawp a, pass ngei turin motion hi ka rawn thlawp a ni. Ka lawm e.

SPEAKER : Dar 4 thleng kha kan hun a ni a, sawi tur dang an awm tawh lo a nih chuan kan House Leader hi wind-up turin ka sawm tawh mai ang.

**PU LAL THANHAWLA
CHIEF MINISTER** : Pu Speaker, ka lawm e. Vawinah a tiangpuiin a sawitute sawi atangin House zahawm takin kan tan thei ani tih a briat a, a lawmawm ka ti a. A bik takin Opposition lam hotute atang pawhin thu tha tak takin kan sawi a, Sorkar tanpui leh thawhpui an tum thute an sawi a, chu chu a lawmawm ka tiin thlamuan thlak ka ti a. Tin, a tha chu tha tingam te pawh kan nei a, a thalo thalo tingam, a thlamuan thlak hle a, lawmawm ka ti a ni.

Nia, a fel berte, a tha berte kan ni hauh lova. Chuvangin khaih ngil ngai fo leh finchhuah ngai kan ni tih kan briat reng a tha a. Chutiang chuan thu tha lawmawm tak takte kan dawng a, lawmawm ka ti hle a, lawmthu ka sawi hmasa duh a ni. Ringhlela nih ai chuan Beiscia nihte hi a tha zawkin ka hria a, Lawmlova nih ai chuan Lawmawma nih te hi a hmingin a koh a nuam zawk a, Thaduha tihte. Tichuan, vawinah hian han inringhlel lo phawt mai ila tih hi ka sawi hmasa duh a ni.

Tin, corruption hi a zung nena pawt chhuaka pho ro ngam tur chuan, keimabni lam hi lepsc ngam kan nih a ngai, lepsc ngam kan ni tur a ni. Kohhran hruaitu an ni emaw, Sorkar hruaitu an ni emaw,

party-a hruaitu an ni emaw, tute mah hi mihring kan nih avangin sawisei bo, thianghlim famkim kan awm lo. Amaherawhchu, mipuiin min rihlelh hunah chuan leipse ngum kan ni tur a ni tih hi kan hriat a tha a, chu chu ka sawi duh a. Lipse pawh a hunah chuan kan ngam tur a ni, chu chu ka tiam duh a ni.

Pu Speaker, Sorkar leh Sorkar hnathawkten min zahder tur a ni a, min ngaipawimawh tur a ni tih hi kan Sorkar hotu zawng zawng leh hnathawktu zawng zawng hian an hre lo a nih pawhin chiang takin ka hrilh dawn a ni. Kan han tawh, tawh thin a ni a. Hei, Democracy-ah chuan mipui thlante hi kan tling ber a nih loh pawhin kan Lal ber, kan pawimawh ber. Chumi chu Sorkar hnathawktu zawng zawng hian an hre tur a ni Pu Speaker. Chutiang zelin kan lehkhate ngaipawimawh tur a ni. Opposition kan nih lai khan Sorkar nena kan indawr tawna zawng zawng lehkhate Minister-te nena kan indawr tawna zawng zawng lehkhate, Agriculture-ah te, Horticulture-ah te, Science Technology leh Modern Technology hrang hranga Co-operation kan neih dan tur leh kan lo sawi tawh angte bawhzui tlaka ka ngaih kha a copy zawng zawng ka pe vek a, vawikhatmah min acknowledge lo a ni. Tin, Sorkarina bawhzui tlak a nih avangin reminder pawh ka pe a, acknowledge ka hlawh chuang lo, chutiang chu a ni. Chuvangin a nachang an hrelo a nih pawhin strick takin Department zawng zawng hi kan hriattir dawn a ni tih kha House hi ka assure duh a ni.

Tin, heng ang hi chu hrilh ngai lova, a nachang an hriat tur a ni ve hrim hrim, kan Department hotute leh Minister-te hian. Chuvangin, chutiang hrelo an awm a nih chuan chhinzawm zel tlak loh an ni tihna a ni mai.

Awle, Pu Speaker, Governor Address hi a tawi tektawk a, amaherawhchu, sawi tur crawh chu a tam thova. Tun hunah hian Sorkar angin kan programme-te, kan kalphung turte a kipkawia sawi hun a la ni chiah lova. Amaherawhchu, a tlangpui a sawi loh theih lova. Chuvangin thildang kan ngaipawimawh miah lo tihna ni lovin, vawina kan ramin a chhiat phahna ber leh kan ram kan hnam chhan ngai a ni tih kan inhriatna ber hi chu corruption-ina min chenchilh nasa leh a tlangnel lutuk a, thlarauthianghlimte pawh a ralti ta lutuk nia lang thei hi kan ngaipawimawh a, kan ngaimawh bawh a. Chumi chu kan Governor hian min ngaimawhpui a. Tin, thalaita tan khawvel thar kan tihle leh mipui mi mir, hmeithai te, pachhiate, kuthnathawktu mi ten lei rem an rah a, khaw eng an hmuh ve theihna atana New Land Use Policy changtlung zawh a rawn sawite hi a lawmawm ka ti a, kan hotute ngaipawimawh min rawn ngaipawimawhpui khawp mai, a lawmawm ka ti.

Hemi hmeithai pachhia leh kuthnathawktu mi ten, lo nei mi ten lei rem an rah a, khaw eng an hmuhna tur atan hian NLUP bak hi hmanrua tam tak a awm a ni Pu Speaker. Self sufficiency in Food Grains leh thildang dangah kan achieve theihna turin leh kan neih theihna turin Agriculture-te Horticulture-te, Animal Husbandry-te khatiang zawng zawng leh Allied Services dang zawng zawngte an pawimawh a, chulo pawh chu nasa takin kan Sorkar thar hian a

uar dawn a ni. Tin, vawinah hian Ministry hi a la kimchang lo a kan ngai a nih chuan a ngai ho chuan lo ngai mai sela, tunah hian kan kimchang a, Chief Minister kan nei a, Minister kan nei bawk a ni. A tul angin kan la belh zel dawn a, tin, kan kim loh hi mipuite tana harsatna a nih lohna turin kan hotuten hma an la a, tin, heti lek hi ni ta reng ilangin mipui tan dawr kan awl zawk mai awm mange awl tihte pawh hi ka ngaihtuah tel rum rum a.

SPEAKER

: Ngawi rawh lawk, dar 4 khi kan ban hun tur kha a lo ni dawn ta a, a thusawi kha a laklawh hle mai tih kan hria a, tikhanin, heng kan tih turte hi kan tih zawh hma

chuanin kan chhuzawm zel mai dawn em ni ang ? (Pu Lai Thanhawla : Pu Speaker, sawi duah ka tum tawh lova, amaherawhchu, kan Member.....)

**PU LAI, THANAWLA
CHIEF MINISTER**

: Han sawi duah ka tum hranpa lo a, Member zahawm tak takte sawi kha han cover ka tum a ni. Election expenditure hi min an return, an file hi kan hmuh ka la ring lo a,

Member thenkhat khan an hrechiang lo nge ni, election expenditure hi tam tak a ni a, return atang pawh hian a lang thei a, an ti a. Nuai nga aia tam a return chuan disqualify theih an ni tih hi kan hre vekin ka ring a, nuai 100 hmangte an awm a nih pawhin nuai 5-ah khan an inti huan, vek dawn a ni tih chu thung hriat a ni a. Helai hi chu inpuhmawhna tur a awm ka ring lova. Kum 10 chhung 3% lo chhuhsak luh tawhte khan an hmang tam ber ang tih hi chu Zoram mipuiten an rin ka ring, chutiang chu a ni. Amaherawhchu, District Council-te sum an hman huau huau lo titawp rih tura Sorkarin a hriattima chhan hi pakhat chuan a sawi lang tawh a. Lai C.M chuan inthlan dawn vote thlak ni hnih ni thum a awmah khan tullo takin nuai 59 an sawi chiam tawh kha a lachhuak a ni. Mahse, tunah hian a dah kim leh vek tawh an ti a. Khang a lakchhuahte kha tun maia ni hnih/khat lek chhunga dah kim leh vek tur chuan engatinge a lo lakchhuah reng reng, a rinhlethawm hrim hrim a ni. Election puan a nih tawh huah Senior Officer-te an zin chhuak hrim hrim hi a thiang lo a, an zinchhuah talh chuan engah nge maw kan rinhleth loh ang le ? Chutiang tho chu Lai C.M. in a tih hi a ni.

Tin, inthlan a hnaih avangin vote lak tam theihna tur atan post sanction pawh awm lovin, Financial Sanction pawh awm lovin, post thar an la teuh a ni tih hi hriat a ni a. Opposition-a kan awm lai pawhin kan complaint ngah a ni. Chu chu vawinah hian a diklo tih hrechiangtute Sorkara kan awm takah chuan, a diklo kha a dik lehzelna turin kan titawp lailawk a ni. Amaherawhchu, Krismas a hnai a, Salary component erawhchu rang taka release tur, an hmuh hman ngei ngei tur erawh kan ti thung a ni. Entiran, diklo taka sum

hmanna an lo ruahman tawh kha a kal zel lohna tur atan khan kan tihawp sak nual a. Salary an hlawh kha chu an hmu tur a ni kan ti a, kan hotuten chumi an lak theihna tur atan chuan *Salary Component Fund* zawng zawng kha an release a ni tih erawh chu he House hi ka hriattir duh a ni.

Tin, *Hydel Project* kan ngaipawimawh a, a pawimawh reng a. *Hydel Project* hi hun awm se sawi ka duh a, mahse, hun tlem tawhah ngai ila. Tin, mi tam tak hre awma inngaitu chuan an hrelo a ni. Kan hunlajah khan *State Sorkar* thuncihna chu 3 mega watt chin a ni. 3 megawatt kan pelh chuan *Central-a* theihluh thlak a ngai a, clearance hrang hrang kha an rawn tih a ngai a. *Chuvang chuan, kum 5, kum 6, kum 10 a duh tawh a ni. Khatih lai* hunah khan chhit chwawp tur kan mamawh tawh a, chuvangin 3 megawatt hnuajah kan rek thla vek a, 6 megawatt-te, 5 megawatt-te tih theih tur pawh kha, tin 3 megawatt hnuai ami pawh kha theih anga rangin kan tichho char char a. tin, chumi bakah chuan, 3 megawatt hnuai lamah chuan *non-conventional sources of energy-in 75%* kha *project cost/construction cost* kha min rawn tum sak a, 25% chu he station-a kan tum a ni. Chuvangin kan hunlai khan a tih theih zawng zawng kan han ti chho char char a ni.

Tichuan, *Maichamte* pawh 5 megawatt tih theih a ni. 2 megawatt-in kan tan a, tunah khian tihpun leh mek a ni. Chutiang zel chuan *Kau-Tlabung* a ni emaw *Teirei* a ni emaw, *Tuipang Lui* a ni emaw, khang ho kha chutianga tih chu a ni tih hi kan hriat ve hrim hrim a tha. Tin, kan chhuah hnu lawkah khan 5 megawatt-ah *state power* hi an tipung a, tunah hian 20 megawatt nge 25 in a tamin ka hria, ka hre sual palh mai thei. Chutiang chu thil awmdan a ni tih hi kan hriat a pawimawh. Tin, *Project* liantham kan neih ve hi a tul a, chuvangin, a hmin hmasa ber 60 megawatt, *Tuirial Hydel Project* khu clearance kan hmu hmasak ber a ni. Chumi thawhna atan chuan sum kan zawng a, mahse, khatih lai *India Sorkar* khan min pe thei lo a, *Tuipuralah* te kan dap a, a lawpah *Japan Sorkarin Oversea Economic Development Fund* atangin min pe a, anmahnin an rawn en a, tha an ti hle a, an phur hle a, tichuan, kan hunlai khan *Foundation Stone Lay-in hma kha tam tak NEEPCO* khan a la hman a, 50% deuh tho kum 3 chhung khan an thawk a ni. Chutih lai chuan *MNF Sorkar* atang khan *Minister pakhatmah, Official Senior pakhatmahin* an phurna turin emaw zuk en an awm lova, kumthum hnu a kan zuk kal khan *Pu R. Thangfiana* hovin an lo phurin an lo hlim hle a, chutiang chu a ni.

Tin, *Tuirial Hydel Project Foundation Stone* kan lay ni khan..... *Japan* ho chuan "Ka pu, nakum tun ang hunah hian *Tuivai 210 Megawatt* pechhuak thei tur. *Tuivai Hydel Project* pawh hi *Foundation Stone* i lay leh thei ang" tiin min hrih nghe nghe a, vawinah hian engnge a chanchin kan hre lova, chutiang chu a ni zawk a ni. Tin, chhimlamah sawn *Mat lui saw 60 Megawatt* pechhuak thei tura khuahna tur report *VPR* peih hman a ni. Amaherawhchu, mithiam zawk ten "100 Megawatt emaw ti thei ilangin tichuan a hlawk zawk ange", an ti a. Chuti a nih chuan *Mat lei saw* a chim dawn a, amaherawhchu, a khuahnaah khan

Motor a kal ang a, kawng tha zawkin a kal thei ang a, chumi avang chuan Hnahthial leh Lunglei inkar kawng saw KM engemaw zatim a tawi dawn avangin, chumi beisei chuan kan tihthat tir leh a. Hei pawh hi VPR an peih tawh a ni, kan hun lai khan an peih hman lova.

Tin, Hydel Project hmingthang tak tur Bairabi Hydel Project pawh hi P.C. hun laia investigation tih a ni. Amaherawhchu, khatihlala rambuai hnuaiah khan thlariat (8) chhung a zawh a ni tlat mai a ni. Chuvangin, Central lamah kan through thei lo a ni, tu Sorkar mah khan. Kan Sorkar hmasa khan kan titlang thei lova, MNF Sorkar khan a titlang thei lova, tichuan, Sorkar apiang khan kan titlang thei lo a ni. Amaherawhchu, a tha si a, water transport atan pawh a tha a, chuti chuan, beidawng lovin Central-ah kan hotuten an nawr a, NEEPCO khan an han re-survey dawn a, amaherawhchu, khutiang lui lian khu chu thla 8 a zawh chi a ni lova, kum 4/5 a duh a ni. Chuvangin, engagement dang an ngah avangin an bawhzui thei lova, beidawng lovin kan hotuten an nawr zui a, a nawr zel a, a tawpah Brahmaputra Board-in Prime Mission a rawn tih tir ta a ni. Brahmaputra Board-in solvent investigation an ti leh dawn a ni ti a kan han sawi khan helalah tualehchung a Hydel Project expert inti pakhat phei chuan min nuizhat hle a ni. Brahmaputra Board-te chu Brahmaputra lui lian dang tura Board, Central-in a siam mai mai alawm an ti a. Amaherawhchu, chumite VPR ngei chu MNF te leh P.C. unauite an Sorkar lai khan Detail Project Report kha thehluh a ni a. Chu chu an bawhzui zel ni awm tak a ni. Sorkar hmasaa Chief Minister zahawm tak khan clearance kan nei fel vek tawh a ti. Nimin lawka lut kan nih avangin a tul angin kan la bawhzui hman lova. Amaherawhchu, chumi chin a chu thudik a ni tih kha ka sawi duh a ni.

Tin, hei tualehchung kawng hi a chhe hle mai a, kan hria a, khawpui hi mi ram atanga lokalte tana ram hmel lanna pakhat a ni. NBCC te thawh a ni a, an thawh chhiat zia chu sawi ngai lovin tlang mit hnuh a ni a. Hmanni khan an hotute an lokal a, ka lo chilh hle a. Tunah hian a chung khuha kalpui tur kha a ni a, a tihmanna tur a kha. Chumi a chu tunah hian an lung hmante a chhiat avanga hetiang a chhe leh hma hi a ni. Chuvangin, hun a duh deuh maithoi a. Amaherawhchu, rang thei ang bera tan tura hmalak mek a ni tih ka sawi duh a ni.

Tin, Health Care chungchang thuaah khan hei tunah pawh hian ICICI Lombard-te nen khan kan Sorkar hmasa kha an lo thawk hova, ICICI Lombard-te khan an ti tha duh lo hle a. Tunah pawh hian cheng vaibelehthe tam tak an la ba ni awmin ka hria a. Vellore bikah pawh khuan nuai 2 leh nuai 3 inkar mi harsa zualte ta an la bat sak a ni. Chu chu Sorkar hian a thing mek a, mahse, a thin chhuah theih hma pawhin tunah khuan an mangang tawh si a. Chuvangin, tunah hian Health Department leh Finance Department atangin chu mimangangte rang taka puhrukna tur chu ngaihtuah turin kan hriattir tawh a, an dap mek a. Amaherawhchu, Finance lama a pawimawh deuhthe Delhi lama an zin avangin duh aini a chak thei lo a ni. Chutiang zel chuan tunah hian hemi an han tih tharah hian tuna Reliance-te nen pawh hian ba a tam leh tawh mai. Chuvangin, harsatna

tawh tam tak an awm leh tawh. Hei hi siamthat a ngai hle a, siamthat hmasak pawla kan neih loh pheh chuan damlo na tuar takin harsatna atangin harsat lehzuaina an tawh mek a ni. Chuvangin, hengte pawh hi enggun hte a ngai dawn a ni.

Tin, hei thlai thar hralh mekte leh hralh tur ten tunah hian an mangang tan a, hun hmasa a Sapthei an leina cheng nuai 10 tam tak a ni. Chung angte pawh chu tuna pek tur han dap mai dawnin a harsat rih avangin MIP hlawchham saah khan pawisa tiem a la awm a, chung atangte pawh chuan kuthnathawktu mi mangangte bat sak in lo neih tawh chu lo ru' rawh u, tiin, kan inbrilh mek a, an ruh theih thuai ka beisei.

Tin, Sawhthing hralhtute pawh an mangang a, tunah hian mahse, kan hotu ten a minimum price fixed sakin a duh duh leh thei theiin an lei anga, an khaw buh zawlah an kal theih pheh chuan a tha lehzuai ang a, kalkawngah Vairengte thlengin check gate pakhatmah a awm lovang, tiin, kan hotuten an lo brilh tawh a. Tin, mahni thlai thar zuartute chutianga ram pawnahte hralh thei tute an awm a nih chuan, chung ang ho chu an harsatna apiang kan tanpui zel ang, within our Financial limit tiin assurance kan lo pe tawh a ni.

Tin, Hydrel Project-ah khan han kir leh lawk ilangin. Tikhan tunah hian Chhimtuipui Kawtchaw-ah 480 - 460 inkar Megawatt pechhuak thei tur engkim peih a ni tawh a, phai lam atangin DPR a awm tawh a. Amaherawhchu, clearance zawng zawng hi neih a la ni lo deuh hlek a, peih theih thuai kan beisei a, chumi a nih chuan, a thawhna tur atana sum dap kha a ngai dawn a, nichina kan ngaihhlak tawh ang khan, a te lam ai chuan, a lian lam tan nise kan ti a, a dik a ni, a chakawm khawp mai. Amaherawhchu, clearance hi a duh rei ve thung a, clearance zawng zawng kan nei a nih chuan a tan theih dan tur chu dap ran tur a ni tih kan hotuten an hre ve a ni.

Tun inthlan lai khan Serchhip biata MNF candidate kha Pathian hming lam chung khan a daw reng mai a, sawmi pawh saw engkim peihfelin sum pawh dah a ni tawh e, tih a sawi a, vantlangah min pawlh tumin helajah a hretute ka zuk zawt a, mahse, chutiang a lo la ni lo deuh a. la nawr tur tiem tiem a awm tih crawh chu tunah hian ka'n hre thar a, a ni thudik chanve sawi zarah a lawmawm angreng khawp mai. Khang kha a tlangpuiin tuna kan hotute rawn sawi ang khan a pawimawh zualte niin ka hria a.

Tin, consultative committee hi an pawimawh em em a ni, a chhan chu, consultative committee hian department hrang, Ministry hrang hrangte hi opposition-te leh ruling party-te kan thukhawm a, senior official-te nen khatah khan thil tha leh thalote sawina chance a awm a, Sorkar chak lohna leh chakna tur lai deuhthe leh an tihdik lohte sawi chhuakin kan zavaiin neitu chan changa kan thawh theihna remchanna min siamtu a ni a, a pawimawh khawp mai, betah hian dan pangngaiin kan han in settle fel phawt anga, chutah opposition lama kan hotute hnenah pawh anmahni tui deuhna leh an mahni party-ina hengte hi chumiah awm se, an tihna ang chite kha dan pangngaiin kan ti thlap ang a, chutah

chuan a tul hun hunah kan Sorkarin a chhawr bawk theihna tur atana thu thin turin Minister-te pawt tan an la ang tih Member zahawm tak, Aizawl West-I bialtu kha assurance ka'n pe duh a ni.

Tin, Pu Speaker, leipse ngam kan ni tur a ni tih kha ka'n sawilang duh a. Hmanah he House-ah ngei hian kan la Sorkar lain opposition Member-ten Greater Lunglei Water Supply Phase-II-ah chong vaibelehche tam tak an eiru a ni, Chief Minister hian min ti a ni. Chu chu finfiah a nih loh chuan Mizoram mipui leh ka tu leh fate khan kan Pu chuan a ciru a ni min tih kumkhua dawn avangin finfiah a tul ka tia. Chuvangin, Speaker hnenah Commission Enquiry Acts hnuaih Enquiry Commission din turin ka dil a, tin, min puhtu Member-te kha hemi Enquiry Commission-ah khan Member-a dah ngei tur pawhin ka dil a. Tin, Enquiry Commission din a nih hnuah file an mamawh ang zawng zawng, officers an mamawh ang zawng zawng, motor, sum leh pai leh ram pawna min chhui tura zin a tul a nih chuan an zinna tur thleng khan he House zahawm takah hian ka tiam nghe nghe a.

Tin, Chief Minister Lal Thanhawla'n chengkhat pawh a eiru tih an finfiah chuan dam chung atan politics ka chhuahsan ang a, mahse, in finfiah loh chuan nangni pawh in bang ngam tur a ni tiin ka challenge let a, an finfiah ta chiah lova, an report-ah chuan Chief Minister Lal Thanhawla hi he project-ah hian lo inrawh deuh sela chuan tun ai hian Sorkar hian a seng tlem zawk maithei a ni, tih kha a ni ta a, an bang ta chuang lem lova, chutiang chu kan ngam tur a ni a. Tin, chutiang chuan a tul angin kan Speaker-te pawh he House atanga inchhui tura a tul angin West-I bialtuin a rawn sawi ang khan opposition chairman-na tur leh ruling lampang chairman-na turte pawh kan Speaker, kan thiam ang angin kan lo advise ve thin ang, tih pawh ka tiam ngam a ni.

Tin, hnathawh tur tam tak a awm a, tuna kan hotute rawn sawi kha ka chhang seng vek dawn lova, a pawimawh zual erawh chu National Rural Employment Act, Sorkar kaltaah khan a nih tur ang a nilo kha a pawi khawp mai. Tin, kan han zin kualna vel reng rengah hian D.C. te pawh hi hrechiang lo an tam nge ni, chuvangin Orientation Course pea, helaiah kokhawm a, chiangkuan taka inhrilh a ngaiin ka hria a. Tin, Sorkar hnathawk lo awmna chhungkua, miharsate ni 100 inhlawhna tur atana tih a ni a, Sorkar hnathawk, officer-te pawhin lo la duh te pawh an lo la awm tih kan hria a, chungte pawh chu kan la chhui chiang ang a, chutianga kan kal loh chuan he rama corruption hi kan nuaibo loyang tih a hlauhawm.

Tin, a nodal agency-te leh hetah a hmuna lo execute-tute V/C an ni emaw, tute an ni emaw, an lo la eiru lehchhawng a ni tihte hi opposition kan nih angin kan hrechiang khawp mai. Chuvangin, chung angtte pawh chu tihtawp kan tum dawn a ni a, heng anghah pawh hian opposition lama kan hotu fel tak takte leh mithiam, ngaihtuahna nei tha zawkte leh fel zawkte co-operation tha zawkte pawh kan mamawh a ni. Ni 100 an inhlawh tur a ni a.

Tin, State Sorkarin kan dawn hi 10% emaw lek a nih lain a awmto thinte hi a awm thin tur a ni a, tin, ni 100 an inhlawh loh chuan an inhlawh loh zat ni zawng kha State Sorkarin an hlawh a pe tur a ni. Chutiang tak chuan kan kalpui ang, tih pawh kan Zoram mipuite hnenah kan intiam duh a ni.

Awle, Pu Speaker, kan Governor-in a rawn sawi ang hian inhlanna felfai leh thianglim kan nei angah kan inngai a, a lawmawm kan ti a. Hemi inhlanna tha tak kan neih theihna tur atana a hmuna thawktu Sorkar hnathawkte. kan Police-te leh midang tam takte chungah lawmthu ka sawi duh a. Tin, mipuite pawhin a tlangpuiin MPF te thu kan awi hlein ka hria a, mipuite chungah pawh lawmthu ka sawi a. Hel nuaia, inruk bova, invauva, chumi party chu vote loh tur inti an awm ta lote ringawt pawh hi a lawmawm hle a ni. Sumte chu a neiin an lo hmangte chu kan inkhap seng lova. Amaherawhchu, kan inveng tha hle niin ka hria a. chuvangin sum nei deute pawh hmun tam takah chuan ven that a nih avangin hmunthenkhatah phei chuan thingfak nena veng turin ka ti a, an tawmim phah nite pawhin a lang a, a lawmawm khawp mai, chutiang chu a ni. He ram hi remna leh muanna rama siam kan duh a ni. Chuvangin, tuna hel la awm Mizo hnathlakte an la awm a nih chuan, chungte pawh chu remna siampui kan duh a, tunah hian UPF Chin Hills-a kalchhuak ta in a din, State Guest House-a an formalise, August 25, 2006-ami te pawh kha tunah hian kan hotute hmalaknain Central Sorkar nen an indawr a, Cease Fire an nei tawh nghe nghe a, suspension of operation. Chuvangin, mizalen an ni tawh a ni. Chuvangin, HPC(D) an tihte. KND an tihte ho zawng zawng hi tunah chuan mizalen an ni a. kan ramah hian zalen takin an awm thiang a ni tih hi ka hriattir duh a ni. Amaherawhchu, hel siamchawpte an awm, chung ho chuan Mizoram peace and tranquility an threaten a nih erawh chuan, kan khauh khawp ang tih erawhchu ka hriattir duh a. Amaherawhchu, an nu leh pate hnena kir leh a, thlamuang taka mahni khumlaizawlah nupui fanaute hnenah kir leh a, thinthi dapa mut an duh ve a nih a, chumi atana inbiak an duh erawh chuan englai pawhin kan inhawng a ni tih pawh ka hriattir duh a ni.

Pu Speaker, Governor address vawinah kan sawiho a, a lehlam lehlam atangin thu puitling tak takte, thu tha tak takte kan dawng tlang a, kan ram mipuite tan pawh thlamuanawm tak tak thu, khawilam atang pawhin kan dawng hi a lawmawm ka ti a. Tin, new comers kan tihte, keini lo awmsate hi kan thiamin kan fel bik chuang miah lo, amaherawhchu, vawina maiden speech an neih atangte in puitlinna rilru ka hmu a, chapona, uanthuanna rilru awm lo niin ka hria a, ka lawm takzet a, in zavaia chungah lawmthu ka sawi rualin he motion hi ka support tih ka puang e.

SPEAKER

: Awle, House Leader-in a rawn sawifiah tawh a, tunah chuan, motion neitu sawm ila, adopt rawn dil sela, a tha ang e.

PU JOSEPH LALHIMPUIA : Pu Speaker, ka lawm e. Kha, vawiinah Member zahawm tak tak, kan Chief Minister zahawm tak telin mi 25 lain kan Governor thusawi chungchangah sawihona kan nei thei a, motion of thanks kan move tawh a, Member zahawm tak tak ten tha taka min support avangin an chungah lawmthu ka sawi a. Tunah hian khang kan motion-a kan han tarlante kha in zavaia min pass-pui turin House ka sawm e.

SPEAKER : Motion neituin adopt a rawn dil a, pass-pui turin a rawn dil a, kan buk ang a, remti a piangin 'remti' ti mai ila, remti apiangin 'remti' in ti dawn teh ang, engzatnge kan nih. Remti apiangin 'remti' ti rawh u. (Member-ten 'remti') Remti lo kan awm em? Awm lo maw? Lawm takin, lungrual takin kan Governor thusawi chungchanga Motion of Thanks chu kan adopt ta ani.

Hei, hetiang hianin kan Session chhunga thil awm, hei lawmthu han sawite pawh a tul hle mai a. Kei hetilalah...

PU JOSEPH LALHIMPUIA : Pu Speaker, hun tha tak min pe a, he House-a kan rawn tel ve vawikhatnaah motion puluttuah kan Leader-in min sawm a, motion-te Member zahawm tak tak ten min passed-pui avangin lawmthu ka sawi e.

SPEAKER : Le, kan lawm e. Awle, hei kan han hruai ve tanna a ni a, Chair kan inluah tir chho chauh va, tikhan, kan inhruai mawp mawp mai chu a ni a, kan official-te kaihhruainain mualpho lutuk lo turah han inngai ringawt mai ilangin, lawmthu sawina tur hlii a awm a.

Tunah hianin kan summary of transaction during First Session, Sixth Legislative Assembly ni 16 atanga ni 18 thlenga kan thul hona a mi hi tiang hian summary an rawn siam a. Mizoram Assembly vawi 6-na thutkhawm hmasa ber chu nithum ruahman a nih angin duang takin kan hmang zo mai dawn ta a. Tuntum kan thutkhawmna ni hmasaberah chuan Member thlan tharten

rinawmna thu lam neih a ni a. Speaker thlanin a zui nghal a, House duhsakna a zarah Speaker atan kei thlan ka lo ni ta a.

Thutkhawm ni hnihnaah His Excellency, the Governor of Mizoram-in House a addressed bawk a. Governor address chungchangah Pu Joseph Lalhimpuia, MLA-in Motion of Thanks a pulut a. Pu H. Zothangliana, MLA in a second-a.

Thutkhawm nithumnaah obituary kan hmang a, former Prime Minister of India, Pu V.P. Singh leh Pu Ellis Saidenga, Ex-MLA ten chatuan ram min pansan avangin Member-ten uina thu an sawi hnuin minute khat chhung zahna leh sun nan ngawi renga din a ni. Tin, Election of Dy. Speaker chu programme duan tel a nih angin Pu John Rotluangliana chuhtu awm lovin Deputy Speaker, Mizoram State Assembly atan thlantlin a ni bawk a.

Tin, Motion of Thanks, Governor's Address chungchang, Member-te khanin, ka han chhinchhiah danah hi chuanin 25 lain kan han sawiho a, mover kha ka telh a, chuti a nih chuan 24-in kan sawiho a ni, a lawmawm hle mai.

Pathian zarah leh House min duhsakna avangin Speaker, Mizoram State Legislative Assembly atan min han dah a. He House kaihhruai leh hnathawhnaah ka Member puite leh official-te tawiamna leh min finchhuah zel ka ngen takmeuh meuh che u a ni.

Kan hriat theuh angin, kan hma lawkah kan hunpui Krismas leh Kumthar te a lo ni ta mai a. Chuvangin, he hunpui hi hlim leh lawm taka hmang turin kan Member zawng zawnge leh he kan Session min lo ngaithlatu zawng zawnge pawh ka han ngen che u a ni.

Tunah chuan, tuntuma kan Session kan tih tur anga han lang, kan business chu Pathian hruainain uang takin kan lo zo ta a, he House hi sine-die-in ka adjourn e.

Sitting adjourned : 4:30 P.M.

Sine Die.